

孫淵如詩文集

二







序

予初入翰林謁毘陵孫淵如先生于京第當其時汎汎而已其後在山東同官始知先生抱慈惠之心守耿介之操凡一事之有利于人者無不爲也凡一事之有蠹于國者無不革也百姓愛之若父母百吏尊之若師保子罷歸未久先生亦以親老歸養卜居金陵而予適因張文敏公招課諸生僑寄秦淮之上無十日不與先生相見肝膽相許申以昏姻古人苔岑之好未有若斯者也非惟香火之緣深蓋寔有道同而志合者焉先生著書甚夥其有關於經術小學者皆已付梓行世惟所爲詩秘而不宣予屢勸之出而未許也嘉慶戊寅先生以微疾遽歸道山令弟星衡乃哀集先生平日所存詩草編爲十卷亦不能次其先後蓋蒐羅于叢殘之中而略以類相從云爾剞劂既竣復附以王采薇夫人遺草一卷夫人乃先生元配文藻過人先生終身不繼室亦爲嘉耦難再得耳先生詩初效青蓮昌谷以奇逸勝人先輩袁簡齋嘗謂近代詩人清才易得奇才難得而推先生爲奇才晚年沖和靜穆乃近香山老人舉世尊之而先生乃無不及也二子皆毘陵以詩鳴者也少與先生齊名故妄爲論斷如此吳縣石韞玉序

芳茂山人詩錄序

芳茂山人詩錄者孫淵如通奉自錄其詩及其弟南麓通守等蒐輯爲十卷者也通奉雅不欲以詩傳暮年從友人從史選存僅四卷耳其精嚴若此蓋通奉專攻考訂研覈小學證據古經非三代兩漢之書不觀也所著周易尙書悉取漢晉以前說縷列綜貫不作一杜田語日與其徒討論金石文字購宋槧擇舊書之無傳者付之剞劂其於詩古文詞隨手揮應非篤好也先是文體華瞻經學剿說居多鉅人碩儒出以許鄭爲宗實事求是海內老師宿彥大雅博聞之士同聲發明翕然推獎庠塾之講貫孝秀之選舉皆出乎是天下靡然向風矣然其弊分文析字襲縮說蒼矜一名一畫之奇而失篇章之體要甚且置五經爲陳言剝刺汲冢竹書不經之語以爲新義其害更甚于荒經蔑古此詞章撰著之家所由嗤爲贗鼎也余於二者皆無所得而通奉許爲通品相與較量經義於六書之轉注及張霸之泰誓議論亦小有不合然竊歎通奉好古有識其天資學力有大過人者非膚受皮傳片接寸附者所可幾及讀其詩則直追曹劉鮑謝次者亦不失爲昌黎昌谷與風騷相推激此眞合考訂詞章爲一家而各造其極者也詩顧可不傳乎哉通奉長余七日生近歲同寓金陵方爲耆英



之會而通奉遠逝今南麓刻其集以示余屬為之序  
撫卷披吟不勝人琴之悲與宿草之感也通奉者所  
請二品封隨其 尊甫同拜 誥命而 尊甫書  
屏先生年九十餘矍鑠猶昔余每一拜謁輒念九原  
有知亦當色喜序其詩因并及之時庚辰首春四日  
長沙唐仲冕序

江寧劉文模鏡

芳茂山人詩錄目錄

澄清堂稿卷上第一賦二首二十四首

館試春華秋實賦

館試鍊雲生水賦

遊茅山偶洪大禮吉作四首

中州送邵太史晉通入都

李斯泰山石刻題後

遊黃山效庾信體

曉偕莊公子造吉舍弟星衡至盤屋仙遊寺觀

玉女房值莊明府所自爛柴坪回紀遊

山齋曉起

潤州舟次偕黃二景仁作

江陰舟夜同呂大星垣作

夜坐寄友

對月苔室人作

朱相國師珪招飲卽席賜詩依韻和呈

題天津沈觀察長春振溺圖

齋中四木四首

咏古

題胡孝廉虔說經圖

題朱方伯勳撫松圖

題阮中丞元雷塘表墓圖次翁閣學方綱韻



澄清堂稿卷下第二詩三十四首

召鼎歌畢中丞禮吉席上分韻

借楊三倫禮吉洪大禮吉黃二景仁放舟看荷至平

山堂

黃二景仁遊黃山歸索贈長句

九月十四日泊舟京江道中借婦步月作

宿江上

愁夜

王廣文吉士沈公子紹祖招飲借洪大禮吉看

月作

青元觀看菊贈徐道士

題沈公品行卷

與洪大禮吉晚步

登慶寺千佛樓作

荅洪大醉後之作兼懷黃仲則

花下獨飲

樓上

題樓上倚聲圖

入茅山作

小除日毘陵市中別洪大禮吉楊三倫陵作

壬寅八月十一日夜西安節署終南仙館步月

聽趙芝雲彈琴作

冠山堂夜飲歌東姚廉訪願湖南

聞鵲曲在潁州作

趙子昂畫馬歌在中州節署作

與洪大禮吉醉臥古冢明日戲作

借莊明府所同遊樓觀作歌

徐民部大菴所藏戴暉鬥牛圖

題聽雨樓圖

借句容朱文學籍及王公子蘇可出遊得梁井

欄題字作

題黃二景仁所藏黃山圖

夜坐吟

秋夜曲二首

鄒縣山程訪女媧遺跡

倚松靠石圖為張轉運賦作

題熹平石經榻本次翁閣學方綱韻

題周太守光裕郎闌花柳圖

澄清堂續稿一卷第三詩一百二首

草菴攜酒與王七廷翰至城上飲有懷洪大禮吉

寄洪大

游攝山詩四首

大風登棲霞峯借洪大



七夕

山行

正月一日

夜起步月借婦王采薇

復與王采薇步看月

徐溝道中九日借舍弟星衡題壁

偶作

丹陽村居晚愁

楊州集方立堂齋中同汪劍潭金晚芳諸君作

出郭游駱氏園

飲王廣文吉士宅

曉行句曲道中二首

江寧道中作

自隨園登清涼山以不識路止二首

攜酒上雨花岡飲醉復暢永寧泉作二首

烏夜啼

長相思

貴家謠

得洪大書

閩人制衣

飲鳥翅岡王園樓上與林大崇齋洪大應吉分

韻得雉字

贈錢塘蔣大令星耀

細樹

與洪大王七攜酒至城上夜飲同作即以別洪

大

洪大屬題雲溪一曲圖並有黃二景仁影

題畫冊同洪大作二首

荅滁州張秀才龍光

駱廿二乘槎圖

鄉人有言饑民者

月下自韓城至邵陽訪朱縣丞悔口占

曉征行

臘月四日借王半菴莊恂齋舍弟仲琦遊盤屋

白龍池口占一首

割麥詞

長安得古印文曰孫喜與子小名同口占一律

蔣立厓丈自塞外歸過大梁屬題寫影

別長安十七首

潁州道中閱邸報讀弇山中丞辟雍詩及留漕

疏稿喜而有作二首

汝南送中寄別熊存甫太守

賦得鑑不辭形

賦得講易見天心

題查相國九石圖石自西征攜歸

廿九日同譚同年光祥夜飲口占

題王秋塋復秉燭堂雅集圖

西苑校書卽事次朱舍人文翰韻四首

耳秋山房招同人作消寒飲四首之一

醉司命詞二首

題慶比部保畫曉

前孫公園有宅一區中多變怪居者輒被挪揄

以去自子移居怙然無恙庭前枯松復生因

屬野雲作圖並綴小詩於上方二首

癸丑重陽日值日香山口占二首

宋孝廉葆淳以肆中周篋見示分俸購之口占

奉贈二首

次韻寄荅洪翰林亮吉

嵩山古柏圖次原韻爲胡大司寇季堂題

題張刺史道滌墮躄圖四首

寒夜小飲次英夢堂相國韵四首

水屋道人張道滌以畫幅見贈風景甚似竹里

江乘之路因憶舊遊口占二首贈之

題慶比部保小影四首

次韵荅船山翰林見慰墮車之作

又荅船山翰林

濟上停雲集一卷第四附詩五十三首

自歷下之官兗州道中卽事附詩十四首

次韵荅阮芸臺學使同年元東招卽往歷下之

什附詩七首

十月十一日巡視曹單河防作

乙卯歲小春下旬隨李河帥奉翰乘厥舟巡工

濟上是日風寒歸後蒙惠海龍裘賦謝二首

嘉平望日自濟上回兗州是夕大雪

正月十一日同黃小松司馬易至嘉祥山中訪

武梁石室畫像小松作圖紀遊三首

春日行部曹南道中卽事二首

斷獄方與歸濟上道中口占附一首

呈謝玉中丞德賜題先文介公殿試策二律次

韻

金鄉城西北訪漢扶溝朱鮪石室

和袁太史枚除夕告存詩

題南樓御扇圖贈吳山尊妹壻三首

詔予監司言事恭賦一首

曹南督送赴楚官兵寄單制府沅

荅馬秋藥同年履泰比部附一首

感事

魏比部成憲奉使江南過境不晤作詩見懷次

韻奉荅附一首

聽鶯圖為恩觀察作三首

春及草堂看牡丹

登第一樓東阮中丞元

題張徵君池上草堂畫幀

題西溪訪梅圖

為金雲莊比部德輿題李憲吉明經旦華遺影二首

遊湖上至玉泉靈隱寺及紫雲金鼓諸河口占

即事柬宋助教大樽二首

湖上看牡丹

阮中丞五月十二日招同程易疇程田段懋堂

玉哉第一樓雅集

贈阿臬司禮布二首

將抵金陵道中口占

贈洪太史亮吉

題許秋巖太守兆椿畫幀四首

贈鈕大樹玉

題何蘭士道生詩卷

十月朔日曾都轉與招飲休園分韻字字

秦小峴觀察蘆春溪垂釣圖三首  
桂林授經圖為家方伯日秉作三首

題許秋巖太守問耕圖二首

題張蠡秋曾庚真二首

馬融石室口占

為家方伯日秉題王蓬心太守所募董北苑瀟

湘圖

王觀察象儀于署中葺茅茨作詩次韻和之

次韻荅洪雅存太史亮吉

歸硯圖為袁授階廷樞題

題張子白同年大令若采西涼春色圖即送之

任四首

題畫二首  
僧洪大雅存探梅隨園飲小倉山房次韻

蘇文忠祠堂圖為秦小峴觀察作

張穆庵轉運映幾屬題雲在山莊圖所寫歷下

某氏園也三首

白公祠為任太守兆炯作

租船詠史集一卷第五詩九十五首

新除山東督糧道之官口占

山左道中

倉史廟

試院即事次鐵冶亭中丞保韻二首  
再至東省過河漫各縣二首



次韻答吉漕督

題左寧南復督師孫高陽檄調揭帖

題息隱園圖四首

通州視三弟星衛于三角淀口占

次韻答吉漕督

李鹽政招飲次裘制軍行簡韻四首

題梁匠誨同年鳳雛山館圖二首

題閨人真四首

石琢堂殿撰韋玉北行留別一詩次韻奉荅

題春帆北上圖二首

華秋槎司馬瑞清北山旅舍圖

匡廬識面圖為胡稚君慶作三首

周駕堂給諫厚巖視漕天津兼權饑使詩以紀

事

題停琴佇月圖三首

金雲莊比部德輿得岳祠銅爵將歸岳氏屬題

李觀察廷敷座中分賦七首

舟泊揚州大雨三日夜以郭河陽夏霖圖留贈

曾都轉煥二首

六月三十日抵栖霞口占時乞假南旋

六月三十日遊栖霞在珍珠泉壁見王夢樓太守詩次韻和之因寄汪春田太守為霖二首

山左彌月望雨余入境過郟城費縣寧陽連獲

甘澍喜而有作二首

題牧牛圖為孫大令良楨作三首

讀漢紀偶成

題余秋農旻丹陽道中踏雪聯吟圖二首

華秋槎司馬觀瀑圖

邢佺山大令澍松林讀書圖

轉粟北河舟中即事口占十首

庚申冬日同人集一榭園閱十年矣偶屬吳山

尊學士薰題册有感舊遊率賦二律即用唐

陶山刺史仲冕元韻並以寄之時己巳年七

月五日二首

題徐河督端漢水秋屯圖次鐵撫部保韻二首

偽廉史

迂書生

西湖三舟圖

題馮刺史湖三士圖

贈汪春田太守南歸四首

題姚尚衣良行樂圖

季春上浣得雨偕汪刺史為弼張州佐玉城泛

舟次韻二首

天津令任同年銜招飲并東胡同年觀察銜

天津道中魴魚入饌口占

倉場玉侍郎寧戴侍郎均元招同洪殿撰登燕

集尚書館即席賦呈二首

德州偕吳學士肅嚴孝廉可均周刺史履端放

舟術河小飲次韻

送吳學士肅還山用唐刺史仲冕韻二首

德州晤朱觀察爾廣額口占贈之二首

冶城絮齋集卷上第六詩九十六首

題東山絲竹圖

宿清黃交會口舟次口占

題嚴子陵却聘圖二首

得趙文敏所書曝書二字以署書樓口占二絕

句

郭文學慶以神廬圖屬題三首

古詩三首

辛未歲臘八前一日遊焦山遇大雪信宿而返

山僧借廡索詩用蘇子瞻放舟焦山韻走筆

付之

自焦山放舟登岸仍次前韻

題周上舍廣衡入關登華圖次吳學士肅韻

餞春次查京卿有圻韻二首

題筮侍御重光鬱岡栖隱卷

題方閩督維甸青溪放權圖次朱文正師韻

慶方伯保出尊甫尹文端公遊攝山圖屬題次

卷中韻四首

渡河

題慶方伯保宦遊清興圖冊十首

題方閩督尊甫恪敏公觀成萬松丙舍圖次韻

得吳太守階書却寄

題胡玉昆處士金陵名勝圖入首

五畝園看墨粟花

題國山碑亭圖

題姚方伯令儀秋山賭墅圖四首

題吳君文徵所畫東方三大圖

遊仙詩六首

題屠大令倬說詩圖三首

題三高士圖次王雅宜龍韻三首

乙亥歲正月十日病中換尙書今古文注疏成

因題元戴淳伏生授經圖

蔣大令因培官泰安沒岱頂玉女池得秦相李

斯篆字殘石見寄榻本索詩

題空山聽雨圖三首

題沈司馬恕所藏曹銳畫卷

洪太守福汪太守端光招飲梅花書院出九日

行庵文燕圖索題馬氏玲瓏山館物也

張太守問附爲子題半身小影次韻荅之

題廖轉運寅歸鶴亭次韻

白桃花次韻

得周號叔鐘歌次韓昌黎石鼓詩韻

百節相招同石殿撰韞玉陳太守憲偕余燕集

制署令公子出拜賦呈一律

臘月十九日爲蘇文忠生日招集同人設祀五

畝園次集中遊蔣山元韻

贈張生灤次許漕督光緒韻二首

江光一綫關次姚比部蘇韻

秋郊口占

唐太守仲冕石殿撰韞玉先後假館五松園有

詩贈予次韻荅之四首

五畝園落成口占十二首

冷成絜養集卷下第七詩三十二首

題羅山人騰爲子寫昔夢圖十幀十首

題吳君文徵爲子畫江湖負米圖六幀六首

題吳君文徵爲子畫海岱寒帷圖十幀十首

題吳君文徵爲子畫歷下向宣圖四幀四首

得今中所作已白鐘次蘇文忠石鼓歌韻作詩

紀之

張君開福從海濱得吳天紀輒贈予卽次來詩  
韻荅之

冶城遺集一卷第八詩一百二十三首

題溫忠烈公瑣遺像

蘇文忠公壽燕詩在西安畢督部沅署中作

試香

對月

六哀詩六首

遊隨園贈袁太史七首

偶成二首

酒後步月

二月花

花開

清明

寒食出遊

題吹簫引鳳圖

愁夜

題繩梅伯父畫二首

口占送萬大令應馨之官仁化

闕題

新開河放棹東章觀祭攀桂

仙游潭口占



臘八日出游贈莊明府所

口占贈莊公子 達吉

瓊樓

殘愁

梅莊訪陳華南郡丞其地本韓勳王宅 四首

題羅小峯梅花冊 二首

玉蘭

牡丹

菊花

月季花

題梁匠誨孝廉接山草堂圖

題金月涓舅氏解鈴圖 二首

針魚箭望對江翠蘿諸山

闕題

伍詒堂索題南山圖乃王麓臺為其先世張太

夫人作

移家金陵卽事 四首

遊攝山次江總遊栖霞寺及虎穴寺韻 二首

題家頤谷侍御深柳勘書圖 三首

題紅蕙圖

汪紫珊西園餞別圖 四首

題陳進士疑齋 遺影次姚太史韻

題甘夢六相陰小築圖

黃梅次韻 二首

題靜坐圖

次韻贈張船山

慶方伯以其尊甫尹文瑞公遺象及袁簡齋王

夢樓象合裝成冊又自寫小象并寫張船山

及子象彙為一冊屬詩紀之

題六梅閣詩冊

闕題 二首

題吳思亭禪趣圖 二首

題嚴小秋憶秋圖

古詩

題陳舍人 希哲 天寒有鶴守梅花圖卷

題巴臬使 哈布 看劍引杯圖 六首

題地樓夜集圖

揚州方立堂招飲作

為吳玉松太史 雲 題蓼花圖

題裴孝廉 鑑 午橋耕讀圖

題汪大令聽泉圖

為吳思亭題錢璋石先生蘭竹

饒春和戴竹友 延翰 韻

題陳舍人 守譽 薊莊山居圖卷

倚居金陵客有比子隨園者戲作此詩

隱仙庵古梅

十一月廿一日慶方伯過常州屬題黃灣泛月

圖卽次元韻送入 觀四首

惠山第二泉觀魚口占

題周助齋載菊圖 三首

又題鄧尉探梅圖 三首

題采芝圖

題王觀察 廣言憶舊游圖八幀 入首

閩督董同年 教增歸里賦贈

題嚴子陵却聘圖三首之一

題周明府午日山居圖

乙亥花朝同人集五畝園吳思亭有詩見論次

韻奉荅

方觀察 體招飲署齋時新葺綠雨山房次吳思

亭韻

殘鑑

冶城集補遺一卷第九 賦一首 詩五十七首

館試千尺雪賦

長門召幸圖

閉門

俠客行

送別

寄洪大 禮吉

雜詩 三首

陶隱居遺址

神仙曲

自江寧至和州途中作 四首

幽居

夜坐懷吳二

春感 二首

曉渡烏江

曉坐

寄內

病目

入塞

和胡雲坡宮保師紀

闕題 二首

題折蘭美人 三首

送徐臬使 所之任江西

雷茵

題青山莊方古圖

立夏前一日趨味辛 懷玉舟過吳門小集授書

堂味辛與林遠峯 編但有作次韻和之二首

菊有同枝異色者紅黃並放因屬袁史目爲圖

口占紀之

題汪小愚桐陰聽鶴圖 二首

題甘于湖敬侯墓碑

寄王生

闕題 二首

九月晦日王通守招集得樹庭作

重疊前韻寄方觀察 體

單父塞河詩 三首

曹南道中卽事

九月二日工次作 丁巳四首

將歸江左作

吳次升太守送牡丹至金陵却寄

畢弇山中丞見示木瓜詩次韻奉和 四首

嘗讀抱朴子自序云洪年十五六所作詩賦襍文當時自謂可行至於弱冠更詳省之殊多不稱意天才未必爲增也直所覽差廣而覺妍媸之別於是大有所製棄十不存一余少與里中士洪稚存黃仲則楊西河趙億生爲詩歌弱冠時持謁袁簡齋太史頗蒙賞歎已而潛心經史涉獵百家檢視舊稿嫌其淺薄時時酬接亦有所作輒不存稿茲錄簡齋蘭泉兩先生選入詩編者并零星稿紙得賦詩若干首律詩未能編帙猶俟搜輯散失焉星行記



賦

館試春華秋實賦

以學如種樹玩華登實為韻

有才望之昭彰與行能之貞確比碩果之秋成想繁華之春擢憶世家之喬木樹莫如人問藝圃之深根殖其猶學則有河間譽重鄴下才儲備家丞之妙選感庶子之陳書有斐成章似吳公之知賈誼其材我取擬得意之薦相如潘郎方開雅才宜重藉典籍之菑畬治硯田以溉種芳菲而忽稱風柔甲折而適因霜動采榮華而勿棄恐過時萎獨彫飾以笑辭為知己用華灼灼以如霞實累累以承露回黃轉綠九秋則不讓三春擷秀萃芳百獲則終資一樹本人力之栽培亦化工之宣布爾乃六藝枝條九經根幹詞華方振似大塊之敷施昭質難虧比加籩之璀璨文多而或奉揄揚木強而或難把玩吹噓先及扶植宜加既收羅其厚實亦兼采其韶華使積薪分莫嘆寧頌橘兮興嗟一歲陽回笑千年之蟠木萬頭樹美異八月之枯槎方今四時不忒萬寶咸登上量才以器使下作貢以筐承非種必鋤既蓬麻之自直躡淮寧化詎枳橘之殊稱土有桃李無言棟梁負質良方鄭國之三才陋建安之七誰爭不朽薄秋菊與春蘭若百來遊待桐花與竹實

館試鍊雲生水賦

以零雨自天雲與四岳為韻

有山川之佳氣盪天地以成形或方輿以直上乍飛去以還停恍似霧以非煙崇朝而合將濯枝以潤葉徐雨曰零觀元氣之相磨想大鈞之暗鼓雲待族以騰空水應時而始雨金枝一現忽同大冶之投銀魄全藏不用方諸之取爾乃借宇宙以為爐鍊陰陽以作器春蒸潤礎非關真宰之心夏燒成峯誰識化工之意訪屏號以問故馭氣誰令就媧后以求方補天何自始霏微以數點終滂沛以如泉有自無生始信碧虛之妙子從母取平分金德之權質繞指以雖柔性原觸石象在型而猶躍勢欲凌天山與雲以致水木鍊火以生雲氣乘空以渾渾物待澤以欣欣托大塊之甄陶噓成噫氣想神功于橐籥皎借朝暉夫其運精而起含澤而興密在西郊布澍而非因燕舞升從東岱為霖而詎假龍騰望素影之千重疑消暑雪觀寒光之一片似泮春水道本運乎自然功非同乎強致占還有象七蟠則日可期三測竟無窮一勺則瀆分為四比還丹之在鼎九轉通神異赤頰之生金千年洩秘今天子德運旻帙恩溥優渥瞻雲共見中天既仰欽明若水同歸上善咸資明覺待扶日以千霄庶揚清而激濁百川潤下將表瑞于榮光五色呈祥卜降神于崧嶽

詩

遊茅山偕洪大禮吉作四首

宿元符宮

琳宮鎮山坳，高下飛軒櫺。征鞍上盤盤，日暝客始停。  
遵途百勞忘，尋異千念盈。徑微已三折，屋暗仍重扃。  
獨上怯曳衣，孤行危建瓴。道士然炬來，開門導前行。  
靜覺鼠齧松，微聞鳥梳翎。林空虎氣逼，草滑蛇涎腥。  
山頭白濛濛，寒氣生夜明。猶被露華涼，遠聽風笛橫。  
悄然步初還，遊侶見自驚。幽房感仙蹤，客夢冷易醒。

上大茅峯

晨策登危峯，峯危屏鞍騎。巖阿氣候變，僕從神色異。  
目流衣邊雲，足滑崖上翠。陷知仙蹤深，斷若鬼斧利。  
迴響隱泉響，暗谷聚風勢。蟻行信威夷，猿升亦凌厲。  
倒視白日懸，仰干黃雲蔽。寒空四垂光，積氣浮厚地。  
惟聞天雞鳴，不見井蛙沸。靜懷鴻荒始，遠覺身世細。  
誰能逐輕塵，擾擾此中寄。

入蓬壺洞

一途走山腰，一徑入地腹。華陽洞名已參阻，玉柱洞名復  
洄洑。茲遊稍通人，所歷亦娛目。奇峰訝孤豎，密理看  
斜矗。冬温蒸厚地，溜響滴虛谷。初驚石鄰鄰，始見沙  
澆澆。捫蹤走妖怪，穴竅散蝙蝠。垂乳甘可餐，流膏滑  
難觸。心疑轉仙徑，曠蕩見平陸。居氓謀羲皇，邨舍散

花竹道人見纔訝，謂此足蛇虺。微微濕氛腥，慘慘毒  
霧藟。朋行勇蹴踏，我興恥瑟縮。惜哉萬丈窟，不繼一  
寸燭。山靈厭搜覽，居客怪剽剽。莫附杞人憂，將貽謝  
公辱。

懸壺岡

尋幽轉巖隈，攜杖行數里。離崖樹厯厯，出地石齒齒。  
羣峯已低環，茲岡復孤起。山棲寡俗駕，客至道人喜。  
開門響叢筠，繫馬落松子。檐澀挂薜蘿，堦荒合榛杞。  
蕉心冷逾碧，茗味苦還美。星燈禮金仙，雷火合石理。  
庭前有遐搜，已折屐。促坐況陳簋，念沈鐘聲前。影閉  
雷合碑，耽奇悵將去。卧靜想無始，遵路何茫茫。霜林  
亂紅委。

中州送邵太史音通入都

平生慕兩賢，非友而若師。束修好經籍，往往夢見之。  
其一錢少詹，識我弱冠時。注書挾淵原，辨字求据依。  
前賢謬稱許，謂云戴可追。辛眉先生初致札呈東原  
行有東原替人之語真天人。我聞慙且疑，一為校理君時徵人。  
點竄四部書，校錄三通碑。君著輿地金石碑目我方走江介，離  
隔如雲泥。長裾曳朱門，漸蒙孤陋譏。遭逢得良友，與  
我門識知。汪狂而錢倨，更有洪君奇。謂容甫其學  
乃精絕，獨到一世希。孤蓬生于麻，白沙入以緇。千年  
枕經籍，自以元朗期。欲換續釋文，此事茫無涯。先抽

爾雅篇。蟲鳥苦究推。削其偏。傍加古。是而今。非廣。撫郭人樊孫。高誘鄭康乃其枝。參軍小。齟齬叔重。吾綱

維蹉跎。未終成。行役以自攜。側聞校理君。著此二十

棋。聲音訓詁。閒質証書。易詩。經經自相勘。所失無毫

釐。徵信。漢魏。儒闕。疑不自欺。措言又平。準未。有參軍

隨亦取。正義。名冲。遠詎等夷。陸佃。鄭樵。輩無穢。不足

資。君書若行世。焚硯亦不辭。後儒苦參訂。惟恐微言

微。浮名本浮雲。豈以恤己私。前年走京闕。謁君叩門

籬。握手喜欲狂。禮意不及施。干言累。匈臆有若絲。不

治。又若大澤雲。四起無端倪。徐徐辨。涯涘。漸漸如醜

醜。是時君念我。恐有方朔饑。俾修石渠書。議功以入

賞。陸廷尉時子欲得職官表。贈錄閣校乃紀總憲。所計亦未

家。緣飾致詆訾。中郎比康成。術業無參差。三賢配游

夏。後世頌不衰。立言古人敦。獻可良臣為。翰林近言

官。君位清。不卑。有時得遷除。亦合陳丹墀。狂夫及芻

蕘。惟君擇從違。俗流但因循。護者曰詭誕。我今如愚

公。用志山可移。贈言愧無文。繼之以歌騷。踟躇惜將

別。且復傾千卮。丈夫戀日月。苦乏名譽垂。交朋重知

己。謂有藥石規。心酸勿揮涕。為其近女兒。同術而同

方。天涯若堂闈。努力研遺經。暇卽長相思。

李斯泰山石刻題後

穆書失政和。世傳周穆王吉日癸巳書原本以政和

獵鼓疑字文。近時審定石鼓為字文周時物最堅繼周數

見回首以恨滋。去年客遊梁。主者韓昌黎。謂昇山好

賢苦饑渴。賞我以不羈。招君載書來。著作于官司。編

年仿司馬。當廢薛應旂。君為畢中丞君談始深接。君

學方深窺。暇日出我書。折衷而拾遺。十言九合轍。閉

戶法在茲。微嫌我驚俗。改字搜根基。我言證佐明。例

不避謗誅。君書列學官。邢昺不敢睎。眇然當世閒。所

待言者誰。吾終望中丞。功業今臯夔。聖人重文

治。入告必領頤。石經最宜奏。次者兩廡祠。光光許叔

重。學行純無疵。景純自忠烈。鬻舍誦厥詞。奈何小說

重。學行純無疵。景純自忠烈。鬻舍誦厥詞。奈何小說

重。學行純無疵。景純自忠烈。鬻舍誦厥詞。奈何小說



遊黃山效庾信體

茲山上古關。千載幾來人。丹泉濯遊趾。晴瀑隔凡塵。  
壁裂纔分逕。松平半入曛。山花積疑雪。風鶴落如雲。  
絕頂誰同上。高吟帝座聞。

綠芳銷更發。紅葉疊猶深。梵香生作霧。仙樂聽疑禽。  
石潤如凝露。雲鮮不結陰。突崖天曙色。空壁溜宮音。  
到此冠簪賤。惟餘樵牧尋。輕身少方術。懸布媿登臨。

曉借莊公子 達吉 舍弟 星衡 至蓋屋仙遊寺觀

玉女房值莊明府 所自爛柴坪回紀遊一首  
蒼烟合山麓。中有平田開。耕犢散不收。閒禽噪莓苔。  
五里轉一邨。邨居始晨炊。非巢亦非穴。結構巖端危。  
人聲襍鳥語。木末參差來。仙潭不知源。忽迸地底雷。  
千年洗山骨。階若乃斧裁。潭邊東西寺。略約橫崔嵬。  
十登九不渡。側足心驚猜。頗聞飛仙人。過此常徘徊。  
石房自天構。簫聲拂雲迴。清泉至今瀉。月出疑來窺。  
我思二三月。片席坐不回。雨花颯然深。風蘿半空吹。  
目讀秘笈書。手浣平生埃。嚴阿值賢宰。一笑傾尊壘。  
公子況已從。矯矯含僊才。阿連亦能咏。助我伸雙眉。  
何如武林遊。獨往難重追。

山齋曉起

曉風吹檐絲。桐花落如剪。綠疑愁眉濕。江。團淚臉。  
霧霧生竹烟。斑斑積階蘚。蟬軀換靈質。柏髮易衰鬢。

空簾感秋人。流光展書錢。

潤州舟次偕黃二景仁作

谿回入邨遲。汐至卸帆早。暗槳翻月波。濕螢抱風草。  
鱗鱗夕雲起。漠漠水烟裊。星芒落空潭。露眼出深篠。  
微聞櫂歌遠。稍辨角聲曉。客程厭迴迴。夜色賞清好。  
從君買扁舟。達性逐沙鳥。

江陰舟夜同呂大星垣作

明月雖不行。舟行月常在。披衣出船尾。已與郭門背。  
深林閃燐火。遠樹作人態。零露初無聲。白此千頃來。  
孤大吹風影。征人語烟靄。驚鴻萬里來。涼雲忽破碎。  
幽蟲各清叫。噫氣滿大塊。淒然感秋心。振動不可耐。  
此行殊不遠。作客同一慨。返思宴居夕。坐惜清光晦。  
平生好探奇。欲出天下內。仙槎倘可乘。銀河儼相對。

夜坐寄友

明星搖空天。暗螢泣幽草。虛簾閉。秋情風枝聽。梳掃  
之子隔衡宇。使我鬱懷抱。東林月華遲。北牖夜涼早。  
沈憂對缸花。腹語中自熹。人生盡如此。彭咸亦須天。  
保此青霞心。毋令坐枯槁。

對月荅室人作

待月月既出。含情奈月何。微風吹秋衣。對影如橫波。  
下階怯寒露。入室愁清哦。與子非一身。牽連抱微疴。  
空光媚幽夜。聊復各雙蛾。浮雲若危樑。中有仙人過。

我願表蒼蒼。攜子招常娥。靈藥荷果成。一飲生春和。  
道逢瑤池母。霜鬢衰鬢髻。桂蠹百回死。老蟾瘦公麼。  
天上不可居。玉女寒豈我。踟躕忽中墜。似失朱顏醜。  
青山愛綠髮。訪道休蹉跎。此月千遍圓。百年亦投梭。  
浮榮安足珍。伐性恐已多。與子金石心。相期託烟蘿。

朱相國師珪 招飲卽席賜詩依韻和呈

直園天尺五。開徑水一方。新陰改炎序。名花殿春芳。  
吾師坐論歸。對此風日良。及門盡虛熱。接迹隨求羊。  
清言挹箴訓。雅集酬詩章。願宏開閭風。不獨由升堂。  
再推循尊惠。視此醇醪觴。春風滿函丈。飽德逾尋常。  
粗官守學殖。轉粟勤輸將。懼忝衣鉢傳。敢期竹素光。

題天津沈觀察長春振溺圖

天津地卑下。九河存一枝。易派此交注。海水湧有時。  
郡城浸及雉。民戶安能支。叫號奔竄中。沈溺相攜持。  
賢宰閔厥災。櫛沐瘁不辭。登城察高敞。築舍鳩窮黎。  
在遠載以舟。附近家可移。煮糜置中衢。佐以餅餌施。  
來者既得食。老弱亦不遺。全活及千億。官力民未知。  
封章達天閭。矜恤動 聖慈。民居漸寧復。得此鼓  
腹嬉。返思水國中。一月溺且饑。嗷嗷待發粟。賴宰行  
便宜。非宰善。學畫魚頭無了遺。宰今位直指。一路規  
旌麾。宣防建殊績。繪圖不忘危。畿輔水利區。溝洫猶  
可爲。義倉始恪敏。方格敏觀成督畿輔時爲義倉圖積貯宜未虧。和

糴願孳。肺市賈。爭尼奇。庶幾一年蓄。偏穴免流離。善  
政有。本未事。在賢監司。穀賤民不貧。足國恆于斯。事  
前不籌度。事後空嗟咨。留此一幅圖。以爲良吏規。

齋中四木

矯矯百尺桐。立根據孤岑。前有金井欄。後有車馬音。  
繁條耀春華。密葉團秋陰。但須有琴杖。何必伐作琴。  
幽蘭瘦秋姿。衆草矜華風。佳人惜孤芳。惆悵誰與同。  
托根諒無求。靜植宜山空。莫生瑤池側。矯旒修春容。  
年年貴侯家。金盆易新叢。

種榆莫當庭。下有半畝竹。榆高多惡陰。風露不得足。  
叢蘿附枝榮。直節自幽獨。

團團古欄桂。秋風發華滋。碧葉羅曉烟。幽香散涼颺。  
同是明月根。升沈異雲泥。我欲持上天。高寒露無梯。

素娥妒奇芬。不共玉宇棲。幸饒歲寒姿。恥學桃李蹊。  
折芳寄靈均。倘與荃蕙齊。

咏古時在曹

粲粲羊叔子。守正靡所之。去之三家邑。攘羊來饋遺。  
受之懼傷義。不受內自危。埋羊待其敗。事發衆始知。  
我謂羊舌愚。君子寧獨爲。攘羊事不發。誰能辨嫌疑。

題胡孝廉度說經圖

宋儒逞臆說。章句繁言詞。漢儒各專門。學必宗其師。  
遺經有淵源。源在此不在彼。諸君力追古。上接七十子。

三人已為衆彙作列士圖。我交陳太邱。二子識面初。  
圖中錄孝廉大生逢先達賢連名薦公府。冰山有。時  
昭陳孝廉。時相國和神不自舉孝廉大府多附  
推榮名奪華。和者子為文呈朱撫部石君師皖江  
乃行嗟予媿民牧挈肘避上游鏗鏗守遺經時恐罹  
其尤相期連茹升。朝綱正清肅。謬。鼎足賢。谷。容  
折其角。

題朱方伯勳撫松圖

昔我別北山。五松冷清陰。金陵寄居五松詞在歸來  
鍾山北有古松五株  
對蒼髯。頭上慚霜侵。方伯今棟梁。豈得棲邱岑。茲圖  
取彭澤。偶似思長林。古來賢達士。各有蕭散襟。無此  
孤生枝。同盟歲寒心。盤空結虬影。絕壁驚龍吟。彼羨  
橫梭。器與爾生。千尋落落用世才。蒼生望君深。藩條  
托開騰。所到流芳音。甘棠路人思。大樹介士欽。寰區  
想風采。慕有節鉞臨。丹墀謁。天子鵝尾標華簪。  
轉圓達民隱。如獻大寶箴。懷。思既優。匪晚節。宜  
深沈。外臺日。疲耗言。利由僉。壬君才。信。傲儻。所見通  
古今。觀人察周書。阜財佐。虞琴。不在飾。小廉。齷齪。轉  
釜鬻。我今迫衰謝。公事難肩任。思隨松間鶴。五松詞  
養他處去。作書中。贖貧官。贈人言。珍重逾兼金。  
一雙寄去。作書中。贖貧官。贈人言。珍重逾兼金。  
題阮中丞元雷塘表墓圖次翁閣學方綱韻  
歐陽表瀧岡。蛟龍覆文字。况公廬墓處。自作雷塘記。  
一室研禮經。三年守喪次。奪情必。金革拜。疏忠孝。備

笠展神清屨。松杉手攢植。翔禽或馴繞。古碣仍洩秘。  
樂樂鶴立身。鬱鬱牛眠地。蒼生還望歲。斯人寧散置。  
我衰棹歸舟。日想謝塵事。將乘邗溝月。一攬蜀岡翠。

澄清堂稿卷下

芳茂山人詩錄第二

召鼎歌畢中丞

元席上分賦詩本分賦樂游集刊為聯句

陳倉石鼓昔初得，韓始欲歌辭不敏，偉哉斯鼎晚方出。坐使才人俊難忍，鑄成二尺徑四尺，字或如螭又如蚓。東坡欲讀歎塞默，南仲如尋有譌僭，賴通六義求偏宥，頗涉百家知的埠。文云生霸合班志，以霸為魄差可引，又云賞馬証許書，有賞無償乃其準。推尋井氏得穆傳，考驗王居值京尹，同名不嫌或者忽，去古未遠猶稱朕，信知穆後有共，豈不到周餘人，獵猶豐宮當時大，祿禱重器昔聞陪，業箕銘功示世真，恢奇覆鼎入門何，轉殿六卿無事飽，公餽同姓駿奔分，祿贏百鈞涵牛，且腹瀾半面鑄，驚猶日眩雷雲舊，制匪糾結彩翠細，文浮癡脰薦之仍，几承以黼佐以莞，筵績之純巧，倂如過訝，斲指力士試扛，曾絕臍豈知楚問，玉郊，駟早見秦謀，動儀軫子孫，永寶嗟云云，七豈一驚憂，卷卷遷都，已謝挈瓶，智入泗，遠聞貢金，隕休屠出世先，崢嶸長翟模形亦輪困，此時此鼎，落何處，藏壑藏舟守其牝，咸陽原頭赤流燒，渭水都前綠封吟，曾鄰馬冢勢，隄机留鎮終南骨，嶸嶸誰云有耳竟沈埋，幸免折足，遭牽紉，宣和大索究誰獲，神物欲降須天允，時清一出世，方寶斗際多年氣，成蜃廟堂之質古所惜，草莽如遺孰當慰，試謀經傳識科斗，藉

埽俗學喧，龍龜泥沙乍脫，尙斑駁顏色，曠聞遺跡，靜思世事，直奔駒却愛字，鋒仍畫隼，與君拂拭過銑邊，使我摩挲類珉珮，焦山鼎存苦狹陋，吳郡地大空隱，賑靈巖之山水之淡，積翠疑鬢黛，疑鬢明駝千里好移致，錦屬十重宜載，稱詎因螭魅避光芒，要伴金仙置闌楯，鈞金摩拓動都邑，閩縣傳看走愚叢，便從物外與山壽，不共劫灰隨數盡，高齋古色燭鬚眉，祕室清吟鉢，肝腎成詩，或讓侯喜奇，講字庶謝楊雄，嘔借楊三倫，洪大禮，吉黃二景仁，放舟看荷至平

山堂

西風吹散青燐火，幾處苑門深不鎖，潤底官娃化碧多，月明幻出花千顆，細絲垂柳濃埽天，白蘋葉暖生暮烟，水香十里泛舟入，似夢非夢仙非仙，石逕朱欄看不足，驚蟬一聲溪樹綠，商女何知說舊遊，吳娘只解歌新曲，輕桡貼水橋上頭，移蓬爭得風颺颺，露華點衣鬢，絲髮晚涼多，處愁清秋半，陂森沈濕紅冷，岸脚插入波光暝，鴉鵲鳴呼不來喚，起花覓抱花影，醉中看天天倒垂，仰首欲踏青琉璃，舟人催歸倦僕寐，斗柄行拄城樓西，是時月落風滿清，老鴉據巢作鬼語，巨鱗拍波亦驚舞，回視千舟杳何許，一子扣舷二子歌，我手不放金叵羅，隋隄今古屬豪貴，此樂終讓吾曹多，人生快意偶然爾，急脫征衣濯清泚，世事



翻覆有如此君不見黑雲半天電光紫

黃二景仁遊黃山歸索贈長句

黃生骨格何軒軒。擺脫羈絆辭籠樊。俯視世俗中心  
煥悵然欲與山鬼言。南浮汨羅招屈原。洪濤浮湧顛  
乾坤。寸磔幽怪償厥怨。長蛟潑血江為渾。三湘七澤  
澧與沅。參差一聲波。波不喧。出沒交手多。婢媵與子疏。  
髮觀潺湲洞庭為酒君山樽。八九雲夢胸中吞。胃中  
壘塊誰共論。扣舷大嘯呼靈均。酌以椒桂香温麝。嘗  
聞黃山極。天門欲往叩額排帝閭。三十六峰愁攀援。  
人跡不到哀清猿。盤盤直上天宇昏。山慘怪魅來蹲  
蹲。蹙君鬼伯舌。腭反恍惚不懼存。丹元昂首大嘯捫  
元根。陽鳥讖。煮六合。嗽手折。若木敲金盆。銅海萬頃  
光。沄沄容。成車過紫。燾幡。倏忽變滅。歸崑崙。崑崙忽悲  
涕。心自捫。僕馬臨。睨愁雲屯。母嚙其指。憂。喪。殮。獨。攜。  
長。鉄。歸。田。園。突兀環堵積四垣。堂後撫視忘憂。豈採  
擷蘭藻。供芳蓀。亦既觀止笑以温。我時叩門日千番。  
羅縷異境唇。瀾翻。嗟我進退抵觸藩。咫尺衝沁拳肩  
跟。悲來但恐歲月奔。感慨皮肉生。陛。臂。君。獨。愛。我。氣。  
誼。敦。酣。酒。過。從。常。留。髮。發。篋。示。我。千。瓊。璫。元。暉。作。友。  
太白昆。補。石。要。使。天。無。痕。書。生。有。若。蝨。處。禪。舄。不。棄。  
書。佩。猥。豚。十。年。浪。跡。車。折。轅。面。目。變。盡。聲。音。存。雄。雞。  
一。鳴。驚。逸。現。附。子。不。羞。魚。化。鯢。

九月十四日泊舟京江道中偕婦步月作

維舟入空濛。人境杳如隔。圓光上來遲。眾宿已改色。  
舟中少婦病不眠。交手起。踏前溪烟。一風吹衣映空  
碧。欲立。溪水行。青天溪聲葉聲聽不得。一夕秋涼。萬  
蟲泣。稍看。蠹屋生。虛明已見風。鏡入深黑。山寒入骨  
清。欲愁。與子更化雙浮鷗。折荷為衫。佩珠露。願解羅  
綺。捐東流。東流茫茫。君莫問。萬瓦參差閉。幽恨深。家  
始此伴。紅顏出世。應須及青鬢。蟄螢照路去已遙。對  
詠復過溪南橋。吟聲吹落客。驚看隔。舫。人語寒。嚶。嚶。

宿江上

朝行空江中。暮宿空江裏。江頭一痕山。日入化烟水。  
波心。月出天。蕩搖欲上不上。知天高。游魚吹沙作飛  
雨。露氣逼樹分。秋毫。櫓聲啞。啞若驚雁。人語衝寒。不  
能辨。橫洲鐙影紅。萬條接。舵。水。紋。明。一線漁歌入夢  
心。四飛。忽復夢。斷歌聲微。舟人搖客。夢中去。魂在寒  
江。醉吟處。

愁夜

宿愁如絲酒腸冷。病婦對牀知夕未。鐙青背壁菊入  
帷。臥隔生綃看花影。念疏風露飛著身。氣息漸與燈  
蟲親。把書入夢聲在口。夢覺道書驚落手。

王廣文 吉士 沈公子 紹祖 招飲借洪大 禮吉看  
月作

沈郎飲客愛客狂樓高百尺置百觴白眼倒視天茫茫王郎飲客愛客語名理冷冷一揮麈座中洪生工論古我擊玉壺君起舞門前月出高挂城屋底猶雜呼盧聲僮眠觸屏燭花墜主人情多執客袂消腸腐脇不足辭起聽宿鳥行前墀神興出門足不知對語清影扶松枝城南古原舊遊處露葉螢光冷無數洪生橫絕意氣孤踈足先行不回顧深林時有碧火然人氣一縷生荒烟倒身看天向天臥明月欲墮胸懷閒此時霜落肌骨瑩酒力出與清寒爭星辰高高動風色呼吸疑有天公驚幽魂四飛宵如夢木魅聲寒出林空知君馳歸已神王看我獨往尤心動人生幾時樂莫違倏忽老去羞兒嬉新叢生枝故改色君看今夕非前夕古人雖存復何益髮白面皴吁可惜

青元觀看菊贈徐道士

道人無家花作命只種此花開獨盛愆陽自說人力多觸熱我知花骨勁原頭草枯落照紅更上傑閣看雲峰秋心不及花態濃九月邨景如殘冬

題沈公子行卷

沈郎幽棲絕塵務近復移牀後園任谿山一曲寫作圓已被佳客窺佳處垂楊出牆高拂街打門動竹花墮懷狂來只立樓上舞醉倒欲就尊前埋巖居半畝膝足容我覺天地真樊籠曉霞暮霞山氣紅中有孤

鶴盤長風

與洪大禮吉晚步

烏雅投林暮天闌日落草枯山欲出原頭遊客屋底來却顧屋檐飛木末山城節冷如邨塢野陌逕微車轍古只看落葉墮地奔未覺清影隨人舞十步失路五步回暝色先入寒松堆新骸委城蠅未斷舊石臥冢樵爭來涼風蕭蕭況短晷不飲誰能復遊此不然從君呼鷹射虎氣亦豪觀者髮動驂駟駘

登廢寺千佛樓作

城東佛樓幾年閉塞逕秋槁刺芒利飛燐射屋烏啄牆鬼風吹檐斷佛臂此間非墓非戰原豈有厲魄號煩冤青狸摔骨夜窺月日氣不到羅神姦迎廊一僧病枯瘠見慣妖蹤誦人跳老莎出戶曲復斜反鎖空堂晝深黑樓前慘碧竹作圍逼袖細影明寒暄殘霖滴階漬幽血敗粉剝壁生陰苔竹梢朦朧上無路疑墮中宵夢遊處回頭不憶隔世來過眼復恐今生去檐牙壓肩樓脚搖驚起穴棟千年鴟屏聲獨立瓦爭落失勢一墜魂難招原頭日落樹蒼莽既下心神久恍恍林端却顧寺角移那得騰身立平壤

荅洪大醉後之作兼懷黃仲則

平林交柯複牆短虛堂貯月不得滿停盃待月客入門月色正落幽人樽主人攜壺客呼酒倦僕已若寒

鷓鴣謹聲滿堂忽不樂，可惜長年付殘燭。尊前花好只數枝，門外葉飄多覆屋。謫僊既死今再來，月魄暫掩非真虧。百年狂飲復茲夕，少別一刻無由回。人生快意如石火，別後相思淚空墮。壯心愁作四十人，不及紅顏醉埋冢。

花下獨飲

幽人獨飲宵閉門，起喚花月來清樽。樽深中搖碧天色，只惜月好無由吞。牆根幽花不厭貧，愁欲對語寒相溫。繞花百匝枝在身，醉影貼地疑花魂。林烟墜空如練塵，酒面冷灑微霜薰。西風吹園落葉奔，游燧半老黃衣禪。時到舊處懷前因，寒蟲近熱弃不親。倒身看花落月昏，更藉石髮窮朝暉。

樓上

樓雅牽愁啼近遠，獨客夢跡嫌怨淺。曉魂出戶看流烟，露濕一星當淚眼。市聲諛諛時斷續，碎霧塞街檐。角轟卷簾結束寒，撲衣瘦雪初消瓦。苔綠平蕪茫茫變，臺榭似醉朱顏醒難借。前歲海棠今歲枯，東家女兒怨將嫁。

樓上倚聲圖

複牆沈沈井梧落，天。上聲來幾樓閣。樓頭美人吹暮愁，一葉入戶驚魂流。藕絲嫌單腕嫌弱，倒視牆根月痕却。銀河側注樓角西，聽斷蟲響聞雅啼。秋心如烟。

收不得露餐凝光五更白

入茅山作

松梢浮煙暮霞薄，樵葉無人自相逐。山披草死聞枯香，碎石馬蹄聲促促。迴嵬千盤失徒侶，日入山空響蕪斧。雙谿石髮伏暗泉，十月山禽作春語。

小除日鬼陵市中別洪大禮吉楊三倫醉作

千杯酬我上北邙，不及容我生前狂。千言相思寄行路，不及逢君得君怒。君來巷南笑拍肩，入市欲藉糟邱眠。官街隆隆塞賓從，酌酒還呼乞人共。乞人鵠面懸鵝衣，呼之驚顧行逶迤。胸無餘事得一醉，漸百與我行天機。市橋來看立重足，更脫纓裾舞鸚鵡。我生志大不自量，非薄曩哲如糝糠。小儒不荅風射耳，愛我如君合心死。屈魂鮑鬼不可呼，我識二子今應無。三千年來復誰樂，六十日醉真吾徒。凡鉛難燒石難煮，此腸應歸濁醪腐。眼中絕業合有傳，身後榮名若無主。三更惜別各不知，欲去顛倒前相持。幽魂茫茫墜空闕，側聽鄉語離多時。菰蒲蕭蕭夢中過，骨冷還疑枕君臥。

壬寅八月十一日夜西安節署終南僊館步月

聽趙芝雲彈琴作

秋河下映秋池清，中間月出隨波盈。煙中影結多時綠，風裏燁流不定明。秋堂主人有仙骨，授簡賓僚待

秋月珠履宵沾白露移。碧紗暮對青山揭。此時分照  
入千門。十二閒街靜碾塵。斷續城中傳柝響。依稀樓  
畔搗衣人。銀屏夜落橫琴影。月底弄琴琴索冷。指上  
清光凌亂生。弦中商意分明緊。一彈秋月。月生波瀾再  
彈秋。花欲語言流螢乍落看。還住斷雁將飛似更還。  
石闌前頭百重樹。葉葉枝枝化煙霧。樓閣疑浮海上  
來。風泉忽到山深處。曲終月淡天爲高。何處仍吹兒  
轉簫。一聲約住流雲影。萬里魚鱗豈不銷。主人尋幽  
足幽思。何必東山挾聲伎。君不見終南仙館夜深琴  
門外。終南碧無際。

冠山堂夜飲歌東姚廉訪順湖南

冠山堂中列紅燭。主人有酒傾百斛。中丞夜呼客論  
文。客醉不歸靜奇園。園名春風吹愁散。懷抱座上才  
人各。英妓平原孟嘗並一。却望長安共西笑。千金  
招賈東閣開。千金買花池館栽。看題捧硯盡紅袖。潑  
墨試取青眸回。桃花千枝弄容悅。欲奪尊前酒嬌色。  
一聲豔曲飛上天。明月白雲行不得。獸鐘紅深三寸  
灰。那信急雪凌春來。停歌出戶一驚颺。醉影忽落瓊  
瑤臺。雪光朝朝花暮暮。愛客筵張日三度。明朝花落  
雪還晴。主人遷官客峻路。終南雲生入洞庭。客送主  
人霸上亭。回紅轉綠不容惜。一舸去照瀟湘清。尺書  
問訊衡陽雁。何日東山續歡燕。園深花發客愁來。此

容知公亦稀見

聞鵲曲在穎州作

月斜顰煙星泣露。蜀魄叫天天欲曙。客呼不歸春竟  
歸。亂踏花枝覓花處。穎濱曩曩半夜風。吹聲墮水忽  
在空。可憐濃綠一千樹。血今化碧啼不紅。錦江飛雲  
劍門雨。果若欲歸當遠舉。勸君莫學好語言。白玉雕  
籠閉鸚鵡。

趙子昂畫馬歌在中州節署作

王孫畫馬愛馬多。攢蹄踞頸眠青莎。此圖奇絕獨無  
匹。滿紙愁雲一籠出。錦鞵玉勒難爲施。紫髯胡奴相  
視。嘻草痕連天接天外。萬里長風忽相待。將隨夸父  
逐紅輪。直軟神夔踏滄海。穆玉敢乘不敢騎。駿骨困  
若鹽車嘶項玉。能騎苦無遇一。喚奈何徒易主知。音  
昔逢唐太宗與之血。戰成大功感恩至。死意不足昭  
陵化石猶騰空。不然桃林之山連太華。放汝清時樂  
閑暇。人閒壯士亦不羈。局促休教老轅下。

與洪大禮吉醉臥古冢明日戲作

兩生宵來醉眠處。却往經過不能去。原頭乃有大臥  
人。箕斗起殊嶙峋。道旁農人爲余語。此墓多年近  
畔塢。天寒出窟狐作羣。林空無人鳥呼侶。悵然爲憶  
昨日遊。快意一失成千秋。試呼墓中人。汝亦能飲不  
醉魂。飄飄出幽穴。知汝見麴涎應流。山頭土乾夜寂



寔知汝哀歌動吟魄得非古豪英列屋羅嬌姬瓊盃  
糲食伐天性坐使螻蟻相凌欺不然朝行碌碌廟官  
尹似吏非吏隱非隱黃金買譽立作碑摩滅不博行  
人憫清風朗月去不回知汝至樂無如歸百年大窟  
信豪舉回視身世真劫灰吾儕不飲亦黃土夷蹠塵  
埃各千古一抔榛棘死何靈莫聽酒人頭上舞

借莊明府所同遊樓觀作歌

青松閣樓閣已起還復傾樓閣看遊人已盡還復生  
說經臺高入雲裏臺外看雲海濤起一溪泉響辨東  
西十里秋林亂紅紫坡陀曲折上扣門開軒對山衝  
酒尊道人怪客愛山險白日虎跳元猿蹲臺南古道  
何年毀秦廟千秋屹然在可憐詞客百回尋已斷邨  
農幾時養蒼碑碧蘚生模糊拂衣猶認武德餘當時  
惇軾自豪士先我題壁來踟躕踟躕弔古南山下就  
水茫茫去平野大陵昇仙亦葬仙古柏繫牛今繫馬  
我思五千言亦藉尹文始強畱著述勝丹藥玉竟神  
仙詎青史莊侯跌宕非常倫知我寵辱如浮雲匡山  
自有讀書處且門見在遊山身

徐民部大榕所藏戴嶧門牛圖

民部善書

一牛藏威一牛突一人操鞭一人蹶達官行人速走  
卒呼聲方喧鼓聲竭千年東絹黯殘闕人物森然動  
毛髮畫家書家重神骨想見落筆如落鶴主人臨池

用心砑運腕千鈞託豪忽羲之復生戴嶧歿幸堂羅  
賓酒盃凸雪地冰天避塵堀論詩看畫得津筏世事  
牛毛付消歇我聞清時獸不狘勸君更寫登負暨

題聽雨樓圖

樓為明嚴世蕃故宅查給諫登今居之奉使楚中作圖攜歸

一樓何時聽雨名當時何人之所營昔人耳厭歌管  
聲可憐有雨聽不清樓如傳舍人常換樓外西山青  
不斷豪門幾日變豎壇前有狀元今給諫單曾居此  
繞樓手植青琅玕甘蕉葉大不屑彈貯書萬卷畫萬  
軸閉門便作山林看當時主人別樓去山色橫空雨  
來處袖中攜得瀟湘煙筆下獨排崔顥句衡山九面  
隨輶車此時却夢樓頭居燕雲忽落畫師手雨中春  
樹青模模糊歸來恰見陔蘭苗未晚春暉最遲日此樓  
此畫一時開想見元龍好風骨我亦僦屋東頭城紅  
塵不到書帶生遊人却愛櫻桃館他日誰圖問字亭  
子居孫公圖題其室曰櫻桃傳舍

借句容朱文學及王公子出遊得梁井闌題

字作

出門一鋪隨一丁錯認乘醉埋劉伶井牀古字待我  
發城根徒步來玲塢誅鉏草土辨摹刻如讀怪牒搜  
仙經文云天監丙申歲作亭與井因書銘蕭梁天子  
初佞佛冀以方便延千齡是年淮堰起復壞飢鴻四  
野哀鷹零豈知皇帝愍渴乏欲借一勺詒生靈周田

八家共一井。漢制十里置一亭。濟入興廢有司事。何  
用天語煩丁寧。黃河之潤泰山雨。澤及天下由朝廷。  
楊枝甘露詎足恃。金仙入夢呼不醒。異時臨渴更誰  
救。荷荷口苦無人聽。悲歌弔古亦多事。但愛照影波  
清冷。千年萬口淚不竭。知有地脉通滄溟。摩挲苔蘚  
剔圭角。急印墨本懸中庭。此文埋沒分終古。日近汲  
輒堆長瓶。其前牧馬肆躑躅。行客縱至誰畱停。欻然  
遇我自天幸。若獲知已雙眸青。王郎朱子好風調。子見  
是井文以王蔭可言見葛府君神以朱筠谷言告我如試終軍。歸途把臂  
又欲醉便恐一別如晨星。

題黃二景仁所藏黃山圖

新安老子何嬉頑。看山不飽思吞山。胸中拳礪化清  
墨。失醉吐出千煙鬢。山邪雲邪倏滅沒。恍兮惚兮難  
追攀。羣峯奪路石根走。睇視一縷飛橋彎。雲門兩峯  
最巉絕。峯峯橫起通元關。何人振衣立長嘯。木葉脫  
落生秋顏。俯几寂聽聘眙久。魂去颯若風吹還。尺繪  
非小世。非大高。視疊嶂卑塵。衰茫茫造化本。一氣元  
精只在秋。毫間要令開卷蕩心魄。想見放筆愁神衰。  
惜哉吾生不得往。詎度妙景空迴環。黃生去後山色  
死。清水白石哀潺湲。揀身指點舊遊處。出入高下窮  
險艱。危吟已拚鬢髮斷。久病豈惜腰軀孱。歸來拂袖  
出奇句。似晒壯士投荒菅。男兒途窮葬巖谷。有淚不

對蓬蒿。我歌君詩憤才薄。復見此畫悲緣怪。惜哉  
吾生不得往。縱死恨血千年殷。

夜坐吟

斜簾織月秋。波紋薄。露壓草生幽。芬玉階美人抱書  
歎。珊瑚病慵堆綠雲。覆牆貼樹團團影。苟令心煩自  
取令。蜀桐囊澀挂新愁。啣啣暑蟲吟石井。  
玉蟾洗林光澆。澆空堂楚辭不堪讀。草肥蘭瘦衝涼  
煙。石髮游根被秋屋。橫竹暮愁生隔鄰。冰文簞孤吟  
骨驚。古梁雛燕夢離鶯。割情如絲補天傾。桂葉暗喻  
人鬢好。兩塘青帝年年老。

秋夜曲

月色如流煙。林光若鬪霧。露脚飛着青羅寒。幽蟲四  
鳴不知處。前日一書回。今日一書回。一回開書一回  
瘦。窺鏡但識雙蛾眉。憶君去時葉初下。別後梧桐落  
如雨。清霜作秋天。改容沉復紅。顏坐離苦倚牀欲素  
鴛鴦絃。君今聽曲何處邊。微風淒淒不能傳。更長睡  
短那可眠。

海棠向夕愁清寒。桂花搖風飛滿欄。幽魂初醒夢不  
返。恍惚疑睇青雲端。青天冥冥雁聲苦。君今不歸何  
處所。雲雖來兮不可攀。月雖明兮不能語。寒燈霏微  
背羅幃。照見壁上蠨蛸絲。書來字字有離別。此恨不  
訴君當知。



澄清堂續稿一卷

芳茂山人詩錄第三

草菴攜酒與王七廷瑜至城上飲有懷洪大禮

吉

草有百回綠顏唯二十紅孤懷逐春暝枯坐與僧同行路知山簡沈名媿陸通醉來須藉豕醒骨白楊風看水曾雙立登城空爾思款關非故客斷樹復新枝獨路飄蓬日幽蹤荷鍤時因君還置酒浮蟻上深卮

寄洪大

莫去危闌北斜當萬里天虛堂零竹雨孤屋雜茶煙斷雁沈遙札長騎上故牋此時愁把筆清淚透衣絳昨夢月先墮星芒燭四更影過花徑失魂入鷓羣驚落枕吟聲苦循衾暗露生明朝碧山外白道認孤行

游攝山詩

夜飲幽居菴

山寒依虛坳孤月下危壁竹裏噓驚風尊前失狂客翻翻鵲羣動露草明有跡孤筇此中去雛僕夜安眠散立各不言危躡望疑石榮葵平橋上獨影下空碧藉苔溫寒蟲據柏聽霜朝仙靈呼不起天樂散虛白歸視伴侶希餘尊倒砂磔

憩桃花澗

寒旻澹良辰缺月挂亭午有懷思窮幽折杖叩僧宇天垂松青長日薄增黃補薄掩巖上扉林巒此幽阻

篁支榻相倚梅骨寒自拄當前澗深裂卻後壁斜豎花根走紅泉樹杪縣白雨想見三月時谿聲怨無主心童尙作劇足掉那敢類願為巢枝禽不憶山外土

千佛嶺至紫峰閣

連峰入幽懷霧滑又孤往苔枯不畱爪壁削正迎頽升如挂枝蟻行避伏林蛛陰厓笑聲落徒旅始驚仰髮吹空雲邊帶裏古蘿上何人鑿山骨千載不得長因窮巖槍時遂造石宇廣微暉慘人顏陰綠集古想不見前後人金仙坐秋朗

白鹿泉值雨

塵生室幽幽雨合谿濛濛散行窮幽房百步不一逢竹肥蠹彈衣萍偃魚窺瞳垂亭碧潭裏倚閣蒼蘿中長廊走峰脊埽翠迷煙空遺歎入鳥語墮魂尋霜鐘不知何年苔鍵戶生陰紅牆虛椒芬歇沙薄蟲響通峽雲空裏回誰求賦幽蹤

大風登樓霞峰偕洪大

客心何飛翻曉視風色昏松龍臥雲濤微見爪甲痕孤懷有同屐薄飲況一尊披衣穿晨光結束儉不溫疾風吹枯原草斷不得捫摩祛足離地十步猶孤奔淮流動如絲中有驚颿屯從風去何憂只落江上村陰隨波間龍飲逐潭下蟻歲晏各憶家人氣隨朝暾勸君時孤來啄木空心魂



七夕

夷羿思故妻素娥辭廣寒玉清竊長庚竄身結幽歡  
銀灣鵲駕亦浪傳何物洋穢雲中仙樓頭女兒十三  
五朝供線絲暮麻縷人間乞巧不足譏天上幽期豈  
堪數我思窮河源上與天地論列宿自有司安得越  
職相追奔鳩媒雀訟世亦惡行露毋乃輕天孫誰能  
借靈槎一掃俗見渾天邊篋筐日包貢負輓牽牛健  
安用不聞今年歲且饑早魃奪路橫肥遺禾黍枯斷  
穀米稀何不令織女下織牛扶犁饑者得食寒得衣  
手傾天河注平畦散作雨脚交橫飛虛名無益聽者  
疑亦如北斗南有箕七夕之事何端倪嗟爾離合真  
細微

山行

得得馬蹄穿亂松臥馬倒看谿頭峯波停已橫斷煙  
白月出尚帶斜陽紅鐘聲初沈碧杉抄細竹人家俯  
清泠幽牆處處行挂鞭恐有來魂覓長道

正月一日

誰羣爭枝日紅斂曙色隔帷青映映蘭膏向壁分曉  
妍憶昨客至缸華前爆聲碎旬響深屋小弟環階起  
相逐愁心已入香篋蘇綠鬢二十驚蘭枯病妻呻吟  
藥煙裏取冷披衣起顛倒

夜起步月偕婦王采薇

殘香掩空衾出尸夜妻絕雲背度月來花稍逗煙出  
幽行過籬影微步上庭樾婢僕各已眠虛扉尚開豁  
園空息羣動露響下林末衆青多爭肥艾氣自孤發  
各懷幽棲願頗欲避白日君疴遂侵肺我愁自淪骨  
怪鵬藏深柯長聲豎驚髮回瞻虛簾下鐙冷小蟲密  
何時入名山共子著書畢

復與王采薇看月

一夕長林響全疑半嶺眠開簾逗懷月滅燭對牀天  
肌冷傷愁髓衣單濕夜煙幽歡君莫忘昨日是生前

徐溝道中九日偕舍弟星衡題壁

絲上山光望若煙漚夷澤畔草粘天黃華笑我忘重  
九紅葉愁程又一千猶是負書脂後乘可驚中夜著  
先鞭再來應有紗籠壁今日題詩共阿連

偶作

暗樹蒙昏曉幽堂暝不開魚腸和血冷獸腦與心灰  
鬢綠塵中短顏紅醉裏回惟餘仲卿婦對語一憐才

丹陽村居晚憩

曛黃登前灘昏黑憩征躅風微辨人聲煙定識溪屋  
門低樹雙合籬短逕三曲寒蟲抱疎花暝雀逗深竹  
問途慙身拙惜景惕程蹙空村獨眠客聞雞舞晨尊

揚州集方立堂齋中同汪劔潭金晚芳諸君作

黃菊清尊夜漏微貧交相聚尚依稀何能奉倩生猶

樂只認秦嘉客未歸紅燭照顏年少去碧山回首昔  
游非多因添作他時恨小雨泥深夢款扉

出郭游駱氏園

聞說幽居好林端睇遠岑亂墳行處轉荒竹坐來深  
靜倚空村立寒思薄酒斟野塘秋更碧照影逐孤禽  
出郭才欵帽穿林又踏鞵暫閒知客樂獨往得愁佳  
狂許塗人識眠教落葉埋晚來仍索醉知復倒官街

飲王廣文吉土宅

酒作前宵綠燈銷今夕紅與秋經歲別此樂幾回同  
世味霜螯外貧交醉眼中向君狂莫惜他日思無窮  
對語惜宵促出門知夜良解衣沾綠鬢散髮落疎霜  
獨鶴度雲影一星爭月光流聲滿山谷倚嘯碧天長

曉行句曲道中

山寒初斷靄月曉不收明暗影出門見羈魂達夜驚  
樹濃知鵲在煙動識人行無數澗花落晨鶯第一聲  
山雨紙錢盡不知何處墳細花行近見叢篠踏才分  
堤樹畱殘蒂湖波定曉雲生憎人事動日氣又細溫

江寧道中作

風雪金陵路羈游未損歡寒深憐勸飲蔬薄記同餐  
見水噓看影尋山約住鞍僕夫愁路遠私怪客懷寬

自隨園登清涼山以不識路止

寒衣踏荒術曉霧與山平苔有古時綠雪畱天際明

野禽先客立警鶴入煙鳴指點幽棲處風篁近有聲  
著述子心壯湖山公業成開門思剝啄具黍語傾情  
問徑幽期愜循途暮寫生只疑峯到眼誰識背山行  
攜酒上兩花圃飲醉復悵永寧泉作

三月四日與洪大登此

寂寞荒臺路狂眠共子來居人驚鑿險行客看繁杯  
無復侵袍草空生貼徑苔客心懷舊跡交手步千回  
路轉知泉近冷然漱玉琴頽櫓難列坐危徑更幽尋  
露肘天風冷鈞衣竹翠深原頭莫招手正爾作鸞音

烏夜啼

驚烏啼霜頭夜白空翠海綃如不隔機中錦字織未  
成寒入薊堂一鐙碧鳴鳴叩閣催望郎思淚滴石春  
苔黃殘屋離離掩闥臥罷瑟虛衾聽鴻過

長相思

天清月出鐙如絲中堂有客長相思流螢風吹滿紗  
碧華池夜興愁欲瘳露跡熒熒拾遺魄美人贈我枯  
桐琴欲往報之青松心君魂馳以南我夢馳以北吁  
嗟美人不相識長繩入井汲月華游絲骨空求落花  
平林交柯路何窄淥水蕩地天無涯長相思獨吁嗟

貴家謠

華鐙張中堂白日走相弔雌虹吸沓空妖狸坐檐笑  
主人朝醉谿谷中花底衷和借秦宮黃金堆盤夜爭

詣明日斜封出私第，鳶肩倒曳狐尾衣。朝下望履矜  
光輝，閣門自畜馬羣富。令史更辱名儒爲鳴珂，列戟  
一朝改七貴。三公復誰在，饒貲入籍充水衡。刺上惡  
名連四海，前顛後蹶各不看。去作愚鬼空心酸，田廬  
初與細民業。花石又入豪家園，君不見榮名千春子  
雲宅才如嚴。徐志琨，逖堂中青鬢易數絲，門外綠蒿  
深一尺。

得洪大書

故人書來不能奉，心如波濤忽驚涌。持書怪我顏色  
移，急視淚眼翻昏眇。書中愁多一月併，手不拆書心  
已省。嗔童起立復坐思，發視却寄城南詩。昔衣綠暗  
不能澀，藉草只憶扶肩時。君家小童亦孤矯，並載從  
予攝山道。君今憶我愛及烏，童亦依人似飛鳥。酒徒  
午日各自歸，慙慙夢我長河滄。明鐙作花不一語，暗  
室起步空千回。菖蒲割腸補血色，艾葉療愁不堪食。  
知君背客獨權月，酌我千觴屈魂側。

閩人制衣

何因置細帙，復此制羅衣。簾絲熒逗火，檐網露懸暉。  
意懶唯憑几，心虛更放幃。語停聞雁度，鏡小任蛾飛。  
野服殊今制，愁要改昔圍。還須臥砂磧，遲爾寄金微。  
飲鳥翅岡王園樓上與林大

韻得雉字

崇編洪大禮吉分

茲岡閉幽樓，花竹寄清美。心知異吾土，鏡影喜得水。  
客從朱門來，挈榼驚一市。嚴風砭腰脛，正想熱兩耳。  
空園旣修折，峻閣亦孤峙。梅梢入窗缺，瞥見紅破蕊。  
圍鑪未溫顏，拓戶已直視。煙清看山骨，木落數城雉。  
歲序俄已窮，佳游信難恃。離多惜歡稀，聚久識別始。  
清娛自秋杪，杪荒晏屢窮。晷替朋旣殊，俗萍客況同。里  
念彼千日憂，殫斯一觴喜。花時尙一月，蓬轉嗟數子。  
羈孤畏逢春，憊悴誠趨死。條枯生氣藏，華密孕衰理。  
分題記良辰，持用警知己。

贈錢塘蔣大令

星耀

早歲人傳二俊名，老泉遺集好編成。客來三徑風如  
昨，官與西湖水共清。跌宕琴尊他日事，團圞賓客故  
鄉聲。須知大海萍，還聚無柰雲山感別情。

細樹

細樹流寒霧，空園積暝煙。夢銷清磬後，愁在落花前。  
柏髮春來換，苔衣雨過鮮。眠遲共羸女，風露著脛肩。  
與洪大王七攜酒至城上夜飲同作卽以別洪

大

我狂亦有朋，我飲亦有處。黃茅菴前一痕路，豈意從  
君復幽步。荒敦三丈土，作城骨多人。少苔輒橫青，蒿  
刺袂不得過。席坐已與人，頭平王生儻。真酒徒薄  
暮，立倚僧門呼僧家賣酒。百回賈折券，乃復從提壺。

塵中流年酒中事十日歡知別離至誰來蕭閒逐春  
暝各有漂零損奇志金陵昔游非我春對語往事悲  
殘曠狂歌只合雜庸保賭飲真欲鞭天神空光垂肩  
髮飄左此地疑從夢中墮衣邊野蘚積浮綠帶上碧  
燐吹冷火我眠君立各一旁對面微辨杯中光飛絲  
滿壁髮顏熱游蟻出土窺肌香風蘿蕭蕭挂衣影隔  
浦僧呼不能省君行須及醉裏辭眼底數星橫耿耿  
洪大屬題雲溪一曲圖竝有黃大景仁影

柳絲初長不盈把竹馬來穿綠陰下三年柳色高入  
樓白藤織笈看君游東風吹條撲船尾樓上春眸注  
煙底溪頭昔立雙少年對影璧合齊墜肩橋南折枝  
贈橋北露色奉墜春袍前移家只思溪水曲生小多  
情飲春綠十年作客樹十圍可惜春人去相續門前  
還有渡客航落日對戶搖波光絲青百里或千里已  
曳遠夢歸溪堂溪堂幽幽閉誰省沙鳥閒來覓人影  
巢林空復借鷓鴣泛海何時聚萍梗我今客久亦厭  
山矧憶孤棹空潭還不憂縑塵損白袷但恐鏡沼非  
紅顏羈魂茫茫惜君別一夜飛度春波闊泥衣蘚韞  
今尚存歲晏更踏山陰雪

題畫冊同洪大作

風軒初來夢如綫暝色團華隔人面疎林月出浮鬢  
光石上腕怯苔根霜苔根當懷墮熒濕薄扇秋陳障

風立細煙入竹飛暗魂露檻星稀怨螢蟄花繁嫁早  
催衰姿只惜年去非相思頰紅還支瘦還鏡儂小閒  
愁自扶病

羅衣如雲曳煙濕花底春人背花立翡翠麝澀月墮  
檐空香半夜生枯尖梅枝鉤衣影相逐行怯疎闌更  
三曲幽暝小妹嚀抱肩露冷橫波看空綠霜肌束佩  
寒瑋瑋上堂暗漏泣五更虛簾風吹夢來去願得銅  
鋪守魂住

峇滁州張秀才 龍光

鄰花風吹過牆落書客傷春不升屋開械憶客歎下  
堂屋底秋落夜潛綠去年封書索詩贈今歲詩來感  
君病蟄燕初窺醉客廳野棠自發尋醫徑君來十日  
別一年繞按百市吟空賤來魂懼逐早潮滯去夢已  
立昏鎗前青袍幽單髮垂耳遠識夫君瘦相似攀條  
只憶隔苑梅欲寄紅灰惜香死我生識子已怨遲便  
恐別久非青絲吟愁嘔心苦鋒出况忍減飯勞相思  
碧山寥寥眼中路我復題詩報君去門關獨憶羊仲  
蹤壁立誰媒馬卿賦

駱廿二乘槎圖

紫泥之淵浣衣處朔亦曾游飲元露庭前老柏怒不  
飛歌鞭枯龍看君去錦袍曉射日脚紅倒曳句始摩  
鴻濛河源千丈落眸子海氣一縷蟠心胸還君此圖



柳生肘我騎長鯨欲東走男兒墮地稟星斗眼底蒼  
蠅莫招手

鄉人有言饑民者

僂人活民苦無力只煮華陽洞邊石山枯石熟屑作  
糜萬人食石山不辭今年石枯屑不得仙力豈亦因  
民疲老榆無皮慘行路已被強梁析薪公得錢甚者  
賣作香邇見村中復無樹泉乾喜看河底裂食土一  
月兼嘔吐已知旦夕委溝渠反使泥沙葬腸肚中人  
活田竭萬錢典衣賃宅絕可憐一升一斗得何補閉  
戶食盡身無絲勘災不成或疑詐堂上書生獸悲吃  
春泥屑石勿浪傳長吏言遭上官罵

月夜自韓城至邵陽訪朱縣丞情口占

滿路泉聲滿壑煙少梁山色暮芊芊月疑安道門前  
雪馬作知章酒後船縣榻客來宵正半哦松人喜秋  
新遷菊花影裏同懷舊紅燭清歌又隔年去年九月  
君曾集同  
鄉故舊為陶辰史及  
子作三十生之會

曉征行

衣漉漉雨黑來投主人宿主人室亡餘糜家有屋開  
門客我藉草眠狐行跳空梁馬行嚼草來枕邊男兒  
請纓當及時金印挂肘須青絲雞膠膠角啞啞起舞  
暗影何皇皇疎鐙光已微朝百贊莫百贊一夜壯志  
先頭白孽衣牽馬急下堂却對曉星磨劍芒

白龍池口占一首

臘月四日偕王半葦莊恂齋舍弟仲璇游豔屋  
霏霏晴日曉風柔山曲春生好試游綠柳漸能迷寺  
角碧莎相引到池頭魚知人靜時窺影童喜泉清自  
汲流俱是中冷江上客故鄉何日共乘舟

割麥詞

大兒要鎌童拾穗老夫來看歡出淚今年已乞貸主  
遲明日還招耆夫醉谿頭黑雨連夜過室中拍拍生  
飛蛾蝗生中田有官撲不似飛蛾飛滿屋墨陰十日  
臥穗紅食之吐惡傷心胷天乎罰民亦須養隔歲榆  
皮不曾長明年得活任汝生更無餘糧入官帑飛蛾  
傷麥爾誰訴夏稅來催打門怒

長安得古印文曰孫喜與子小名同口占一律

土花斑駁掩真朱不在秦殘亦漢餘一代識君非真  
莫千秋得我是相如隨身便抵腰懸綬壓卷新排手  
訂書莫笑百年身似客後來人愛倚因子

蔣立厓丈自塞外歸過大梁屬題寫影

朱霞標格月容光愛客曾開綠野堂楚國煙波涵政  
蹟天山冰雪洗詩腸相逢馬上成今雨歸去鷗邊有  
故鄉他日羊求應過訪蒼松陰古鞠尊香

別長安詩

翩然歸騎出青門草色長亭綠未勻不信朝朝花底

醉東風偷換六番春

不斷霓裳按曲聲無邊銀蠟徹宵明歡餘醉裏成書

易紕繆何曾似子京

洛下東西屋接聯等閒人望若神仙未妨皇甫輕居

易日日危談動四筵予與嚴道甫錢獻之洪稱存王秋聲客節署最久議論時有不

廉訪華筵傲翠微姚黃魏紫鬪芳菲元都觀側人如

海不看金貂看白衣王廉訪嘗以暇日招同節鎮諸公及于看牡丹興善寺

曲名新譜句新裁聲妓傳呼起夜來感激明珠盈十

斛買將歌笑為賢才請姚觀察

鎮日瓊筵錦瑟傍人言書記倚疏狂黃金擲得休嫌

重只費長門字數行

紅鐙和月影參差每日閒街罷宴遲守尉平生多狎

侮不妨馬上細吟詩

醉罷長安又萬年咸寧古萬年縣蘭陵美酒入春筵風流兩

合同鄉縣不放青蓮市上眠蔣文瑩筵亦有攝象長信之

東西招客兩官街有核何曾費咄嗟消得專鱸鄉思

急參軍為有魯朱家布政按察經歷兩朱君皆常郡人

紅桃如錦一山明韋杜春波處處生寶馬連錢時倚

玉要看擲果出春城

城南風日入秋清憶得攜朋落拓行雁墪聯吟一長

嘯本來李杜不題名黃仲則游秦曾與稱存及子訪城南勝蹟

濠梁公子信才豪迎客仙游一石驪感我琳宮借兵

法飛渠三日鑿城壕子嘗借抄樓觀道藏中孫子盤屋令莊公子伯鴻適因逆回西

通謀守禦之術甚至

暨陽太守最相思愛我蟲書學未遲陶香圃太守好篆書嘗從子問

奇莫笑當場汧國傳爭誇薄倖趁年時子同歲

覓句臨書事事忙憐君劇縣得池陽會因勺藥開三

徑看到蓮花似六郎

識字時時一座傾著書往往食前成傍人漫說狂如

故北海如今薦正平

一片行雲滯去車脚躑回首日將斜憐才不獨汪倫

好送客長安第一花

雲山須作少年游處處韶光要客留灞岸春風石城

月梅花應笑柳枝愁

穎州道中閱邸報讀弇山中丞辟雍詩及雷漕

疏稿喜而有作

一品衣看入上台三雍詩就壓蓬萊身依龍尾螭頭

價筆拔河聲岳色來賓客西都朝輩問蒼生前席

帝顏開衡門我正耽經術莫驟商量薦禰才時擬請立

三體石經

千年城費五年籌中丞在西安奏修省城廿萬糧加卅萬雷一

疏 特恩傾四海重臣從古鎮中州雲霄作事皆

垂史風月他時好上樓我趁政成初入洛龍門伊關一名百尺擬同遊

汝南道中寄別熊存甫太守

憐才節度謂俞山風流守一代梁園大雅存交到忘

年惟北海飲能十日共平原連雲槍引筴枝健照眼

花圍燭樹昏如此勝遊相失去青山重疊水潺湲

蔡東門道指平輿開閣論心舊約虛素旄白雲歸丙

舍太守以碧谿紅葉入匡廬家無長俸能容鶴車有

連鑣為載書莫憚一帆風力便待君同食武昌魚時

太守有入楚之約

賦得鑑不辭形

只有高堂鑑長看似水激惟懸昭質淨不顯照人能

與月分孤影如冰薄一層去同鴻爪過來比露盤承

止別形妍醜寧於物滯凝環中誰得遁虛受本非矜

應接原無礙空明到上乘清輝符 聖鑒日月比

升恒

賦得講易見天心

不讀羲皇易安知造物心九家紛異說真宰杳難尋

久靜還生動微陽漸革陰似圖觀太極如律審元音

數點梅初綻方中月乍臨鄉談千字修弼學一言深

消息探從古清寧測自今 聖衷通 帝謂編

絕覽書林

題查相國九石圖石自西征攜歸

絕域遙通采石山元戎生入玉門關攜來路比支機

遠滿載裝無惹苒還什冀不逾珍一握九峰長倚屐

千間 中朝將略思前輩砥柱威名鎮百蠻

廿九日同譚同年光祥夜飲口占

紅燭彈箏酒似泉幾人同醉九秋天但論素抱都驚

俗只隔緇塵便若仙黃菊影添聯坐處青山盟在拂

衣前官閒自覺疏狂稱日滿花磚得醉眠

題王秋勝復秉燭堂雅集圖

日下風流未合湮琉璃堂裏醉佳賓聚來海內知名

士曾是天涯落魄人君有金魚沽綠酒我猶珂馬入

紅塵西園圖畫蘭亭序贏得人傳勝蹟新

西苑枝書即事次朱舍人文翰韻

摘句尋章味久諸重窺中祕字如鸞游仙却勝張華

夢名姓分明在寶函

香案仙班賴散多新涼一夕換衣羅平明不為趨朝

起貪在美蓉苑裏過

研朱滴露數晨昏細葛凝酥賜子均問字子雲長得

醉傭書崔亮漫言貧

槐廳薇省接良游客裏逢秋且賦秋猶有名山書未

著抽簪却待返滄洲 耳秋山房招同人作消寒飲四首之一

專鱷風裏去何由自別青山又幾秋一丈軟紅誰把臂十分浮白月當頭杜韓去後稀長句嵇阮來時預此流一笑相逢須茗芋耳邊虛門蟻如牛

醉司命詞

花果經筵此夕開送神神去小徘徊世間儘有尋常媚不及臨岐酒一杯

來朝香案點朝班幾個神仙謫未還若把酒泉誇上界酒星也要到人閒

題慶比部保畫蝶

新生春草雙飛蝶畫取江南好景來莫被江南人看見夢中都化蝶飛回

前孫公園有宅一區中多變怪居者輒被挪揄以去自子移居怙然無恙庭前枯松復生因屬野雲作圖並綴小詩於上方

鄭公書帶天生種田氏荆花再發春只待著書人到東風吹活老龍鱗

竟夕元亭屏客蹤未妨才鬼一相逢空疎都恐同王弼也避先生筆舌鋒陸機入洛還宿見一少年言元

不甚欣解將曉去東有王家墓知所遇者王弼也見水經注

癸丑重陽日值日香山口占

樹色爐煙四面環平明策馬翠微閒問君可憶東籬下自在看山不上山

逸興登臨幾輩同又憐佳節去匆匆神仙上界班行蕭孤負天邊落帽風

宋孝廉葆淳以肆中周篋見示分俸購之口占

奉贈

自攜書劍走風塵魯鼎從君別廣真不耐乘車惟戴笠古今燕市有奇人

條水清奉感 恩隆售取尊羹辨烏蟲朱戶何人誇錫貞應知識字抵論功

次韻寄荅洪翰林亮吉

咫尺鄉園共結廬中年作客比嚴徐盧前我愧無雙士 帝後君畱第七車糝綠場中彈指過輾紅塵裏閉門居名山各有書千卷莫畏人嗤博士驢

嵩山古柏圖次原韻為胡大司寇季堂題

尺幅秋齋懸翠影雙株香葉引鸞羣生來定合同申伯題處何曾讓右軍溫庭筠柏樹詩有題骨格峻爾處尚等王內史之句

泉石性畫圖寒帶雪霜紋嵩山柏共漁洋柳漁洋先生有秋時傳和一代龍門在白雲

題張刺史道渥墮驢圖

鳳城排日敞離筵蜀道輸君去著鞭却惹神仙都願謫軟紅塵裏上青天時同在京邸送之蜀任

胸中邱壑幾人知畫裏風流似古時才子前身山小影青蓮詩與放翁詩陸放翁有緜雨驢入劍門之句



且可談元訪子雲也須沽酒覓文君揚州夢醒休回首看到峨眉月幾分判史先為揚州分司今宜于蜀摩挲書畫別長安檢點衣裾謁上官莫笑望塵輕折節先生只作墜驢看

寒夜小飲次英夢堂相國韻

流水繁華夢易醒談空時愛語冷冷重逢落魄長安客可憶袍痕似草青

小築池亭避俗囂曾聞畫壁為龍標鳳城若覓題詩處便是南塘第五橋

那惜寒更醉似泥江湖有約把春犁閉門一夕迷花住幾處鳴珂應曉雞

深谷幽蘭氣味孤寄情瀟灑似君無棲林我亦殊凡鳥暫借猶須百尺梧

水屋道人張道灑以畫幅見贈風景甚似竹里

江乘之路因憶舊遊口占二首題之

棲霞山下曾遊路水木清華畫幅如不為烏私愁未報早拋簪袖換樵漁

廿載江湖落魄名有教局促了平生他時會約騎驢叟同向棲霞道上行

題慶比部保小影

鄴侯風骨晉清談仙使浮槎下斗南絕世襟懷誰似此江波千頃月初三

驛程春柳又飛絲並騎聯吟記昔年此夕扁舟應憶我清涼山色馬蹄前君俱以尚書郎歷從西行上幸五臺之歲僕與仙霞萬疊看山容琴鶴相期厲古風行到西湖重照影繡衣今日異圖中

望君節鉞有傳衣遲我江東理釣絲也似隨園狂處士才名全待相公知君為文端公第十三子文端公之知袁子才前輩僕常以期君

大韻荅船山翰林見慰墜車之作

慙媿奔車自墜車翻勞賓客到門間求醫幸得千金術便廢應成一代書物有危機因力盡命多磨竭悔名虛八驥縱有前頭路何似江湖戴笠初

又荅船山翰林

十丈塵中觸熱馳何人博得畫兼詩前車好作登車鑿不在平常醉墜時

伯舅淵如先生詩稿凡八卷曰冷城絮養集爲卷六卷七乃辛未歲解組後居金陵所作也已手編付刊曰澄清堂稿爲卷一卷二亦先生手訂本有圈點悉仍其舊以賦冠卷首乃館課所僅存者其餘爲王給諫麟書攜去稿中五七古詩半係少作袁太史枚初閱先生詩驚爲奇才且云少時多作古體詩少作近體此從源溯流之學也其三四五八凡四卷則外舅南麓先生屬慶編次並與嚴孝廉可均共相商訂續而成之茲將丙申以後丁未以前及居京師時所作者編澄清堂續稿爲第三卷得古今詩一百八首從子壻龔慶謹識

濟上停雲集一卷

芳茂山人詩錄第四

自歷下之官兗州道中卽事

驄馬紅旌靜不喧玉京回首憶高寒三齊名士爭投刺一路青山送到官使者車單如客過聖人家近借書看時清不用矜風節慚媿儒冠換豸冠

次韻

趙懷玉

衡門雪後少塵喧有客書來正歲寒行部又添新得句趨庭卻喜乍遷官柔經注好關心讀魯國山多放眼看作宦盡如君快意爭教人不想彈冠

韓封

姓氏

天題墨未乾點煙杯水迥生寒得觀海

處皆奇境能讀書人是好官魯國諸生門下列嶧

山傳刻馬頭看遙知兵衛森嚴地猶戴我戎子夏

冠

王復

排來畫戟淨浮喧驛路陽和未戒寒持節行吟瞻闕里望塵伏謁笑卑官繡衣喜溢庭前舞書尺多頻帳下看海內才人齊仰首一時爭望進賢冠

次韻荅阮芸臺學使同年元東招卽往歷下之

什

芙蓉池館報花開驛騎傳詩一夕催不爲時需訪碑

使元時設也應天與聚星來

原作

濟南亭館傍湖開湖上西風且漫催萬朵荷花五

名士一時齊望使君來

次韻

濟南名士燕類開蓮子湖頭信屢催此去更應清

到骨鵲華秋色馬頭來

張問陶

花底長筵次第開匆匆鸞唱莫相催樽前讀畫先  
搔首何日明湖載酒來

伊秉綬

車騎東都祖帳開明湖簫管繞城催一從杜老題  
詩後名士皆趨歷下來

曾傳臚唱五雲開暫別仙班使節催相送好拈韓  
子韻祝君成政更歸來昌黎送卿尚書之嶺南節度序云韻皆以來字者祝君之成政而來歸也

方體

千年伏鄭面重開時君按馬麟湖上古文尚書湖上名流燕集催  
絳帳笙歌休散歌使君今抱壁書來

余鵬年

讀畫捫碑生面開詩成不要鉢類催鐵公祠裏吟  
風葉送到欄前作雨來

十月十一日巡視曹單河防作

平沙風緊射征裘近臘冰漸向急流兩戒忽分南北  
毫一抔須障充徐州居民儉歲輸薪束候吏寒更報  
水郵龍節一雙來澤國可能當食不紆籌時兼署山東通省運道

乙卯歲小春下旬隨李河帥奉翰乘廠舟巡工

涉上是日風寒歸後蒙惠海龍裘賦謝

重臣督漕屏前騎直似乘槎下斗牛民俗共欣瞻露  
冕衙官也許上仙舟較量碩望三門柱比例詞源萬

里流好繼謝公傳七埭年年春水送千艘謝公七埭事見水經注疑今臺莊以此名埭臺音相近

戟門披得翠雲歸似此知音自古稀什襲未應輕換  
酒提攜只覺媿傳衣重來東閣春風暖此去南湖朔

雪飛時往南旺湖一帶一日拜恩逾挾纈願推公惠  
到民依

嘉平望日自涉上回交州是夕大雪

四番雪澤逐征車余至臺莊南旺魚臺歸夢欣然對及歸兗州皆值雪澤歸夢欣然對

酒釭他日飛蝗寧入界明年春水早生湖七湖濟運

泉旺鋪張東閣開詩境粧點南樓作畫圖孤負登臨

好光景朔風向曉又長途

正月十一日同黃小松司馬易至嘉祥山中訪

武梁石室畫象小松作圖紀遊

石室千年為爾開翠微訪古共徘徊高寒到骨清如

許卻喜無人帶熱來

一雙石闕半埋塵萬樹桃花孰問津只有姓名先我  
到前年司馬重葺武氏祠立碑題碑陰摩挲疑是再來身

把臂梁園近十年雪鴻忽聚此山前畫圖他日傳佳  
話金石交情翰墨緣

春日行部曹南道中卽事

千株楊柳萬株花想見春山綠到家不是羽書鳴驛  
騎一宵魂夢在煙霞

度舍匆匆去恐遲廉車心跡有誰知寒帷一樣看春  
色不及江湖跌宕時

斷獄方與歸涕上道中口占

林臯風景似南徐霧濕紅旌日上初雀角未消還度  
舍雪霽何事又隨車前判臺莊載抄閱督費財關心

荷澤分流水獨山湖即古荷澤著手桑經一卷書旅食匆匆  
辭授粲尚慚肘後露金魚

次韻

周雋

乘驄踏雪往來徐知是甘棠輟訟初折獄已持金  
作鏡飛花便屬雨隨車胸無世上難平事腹有人  
間未見書樓學媿教叨共載豈應同隊說龍魚

呈謝玉中丞德賜題先文介公殿試策二律次

韻

萬言射策擢科名題品今逢一代英魯國衛官欣立

雪舊官西曹時蘭陵家學媿登瀛元戎小駐旌旗肅

東閣閒情筆硯精文字倍增風節重清時大雅屬公

卿  
冰壺水鏡比身名戴斗才華壓國英愛日再來升岱  
觀潤河千里到滄瀛白雲私幸傳衣久華袞全憑論

史精好把驪珠勒圓石幽光隔代慰郊卿

金鄉城西北訪漢扶溝侯朱鮪石室  
東緡城北古邱橫誰把桑經問九京清興忽來捫碧

藪野人相聚看紅旌扶溝功在名仄冷荷水流枯路  
砥平幾度滄桑畱片石羊公一過不勝情

和袁太史汝除夕告存詩

天才絕代要傳衣卻怪蟲魚著述非來書試考據以爲難蟲自累  
天遣先生長住世詩壇贏得替人稀

題南樓卻扇圖贈吳山尊妹婿蕭

廣樂聲中翠燭然荆釵出拜畫堂前料量嫁事分清  
俸不抵長安賣賦錢

一夕爭傳蕭史來塔鄉難得有仙才他年泗上尋遺  
蹟便指南樓作鳳臺杜南樓在兗州府城內

涕上春波處處生送君千里到蓬瀛畫看莫費交雲  
筆  
天子臨軒問長卿

詔子監司言事恭賦一首

丹詔求言新令甲監司封事舊章程神羊一角猶能



觸大鳥三年已不鳴方鎮儘知民疾苦書生莫市直  
聲名他時攬轡脚踏甚何策經時荅 聖明

曹南督送赴楚官兵寄畢制府 阮

一篇墨守寫辛勤手署頭銜上制軍作宦未深思入  
幕在公幕談兵漸慣當論文蕭蕭車馬辭曹渡漠漠  
雲山望楚氛也似西師埽回鶻番回養動時隨公在關中盼公投

筆樹功助

荅馬秋藥同年 夙秦 比部時主講源書院將入都補官

愿下相逢酒共傾忽聞北去曳心旌螭頭謁 帝

同時入比部以第九名雞舌趨 朝作隊行予與比部同時  
補西曹又進士改庶吉士未必官清逾客况怕逢人說利才名五龍  
潭上聯吟處他日秋萊數落英子在愿下屢與諸名士會于五龍潭精舍

原作 馬履泰

才人愛慕學人傾同望稽稽使者旌公著自能無

滯事李諧何害作徐行埽除稅政聊攻魏刊盡奇  
書賴挂名我欲還 朝誇向客 國家科第與豪

英

感事

看人華屋已成墟笑我青山未結廬西第頌多惟裏  
足南華事僻請焚書折腰誤欲煩彭澤長指終應聽  
本初御愧澄清虛志願芳蘭當路有人鋤

魏比部 成憲 奉使江南過境不晤作詩見懷次

韻奉荅

同寮猶恨隔曹司況是臨岐悵望時天上使星虛候  
氣江南驛騎早傳詩尊鱸一水鄉心動雲鳥遺封故  
跡奇東閣朝朝懸榻在好攜紅豆慰相思

原作

魏成憲

臚雲況是白雲司膚寸成霖及此時近聖人居觀  
習禮多名士地愛論詩鄭元注裏春行部君按部有自隨時倉頡圖中昨問奇君屬兩峯山人為過

昔人傾蓋處折疏麻更寄遙思  
聽鶯圖為恩觀察作

碧草成茵柳似絲一雙鶯立最高枝使君別有關心  
處試問春耕已及時  
柳浪和聲趁曉風湖山清福比蘇公雙柑斗酒民同

樂春在褰帷一笑中  
春來舊雨話煙霄似為嚶聲埽逕邀回首 上林

聞百轉白雲仙侶共趨朝觀祭音為比部同儕

春及草堂看牡丹

款門兩度入芳筵煮茗清談屏管絃笋味脆供微醉  
客花光濃照半陰天閒中世事拋身外樂處禪機在  
眼前史好兩回首曹南春似海萬叢不及一枝妍  
去年試士曹郡值牡丹盛開

登第一樓東阮中丞元

曲苑夫容放欲齊蘇隄柳絮已停飛迴瞻玉宇千門  
近樓在行平望吳山萬仞低高處元龍時獨立上  
頭崔灑看誰題他年想像平津館第一風流數浙西

題張徵君池上草堂畫幀

敬亭深與宛溪通招隱還留桂一叢拋却匡山讀書  
處人家池上看芙蓉

朝端此日下蒲輪嶺上何人贈白雲我亦青谿新結  
宅北山莫漫有移文

題西谿訪梅圖

萬頃蘆溪記昔遊夕陽無際雪光浮春風不遞梅花  
信旅客空乘瓠子舟有約名山誰獨往相逢勝侶是  
清流姚黃魏紫曹南譜不抵寒香一樹畱

為金雲莊比部德興題李憲吉明經且華遺影

畫裏相看有宿緣一編詩翰最翩翩可憐當日人琴  
痛恰是顏回髮白年李君廿九而卒

山陽聞笛共聲吞風義知君夙昔敦我到西湖痛師  
友一尋宿草一招魂時謁盧抱經學士墓及汪容甫葛嶺園死處

遊湖上玉泉靈隱寺及紫雲金鼓諸洞口占卽

事東宋助教大樽

素食荒村病舉樽木絲衣重始知春晴天高鳥寧依  
樹清水遊魚不畏人如此湖山纔放棹曾拋身命去  
埋輪得逢宋玉忘岐路處處仙源好問津

暄和風日趁幽尋卻屏肩輿步翠岑山面向人常變  
幻洞門終古自深沈杜鵑花放驚芳節鷓鴣鳥情多戀  
故林歸路松濤一時發也應天籟爲知音

湖上看牡丹

春光濃入野人家曳杖閒遊日易斜滿地繁紅正零  
亂牡丹只放二分花

阮中丞五月十二日招同程易疇瑞田段懋堂

玉裁第一樓雅集

神仙同上李膺舟爲我登臨屏八驛積雨中閒晴一  
日平湖寬處坐層樓漢唐絕業千秋定吳越才人四  
座收曠代知音數巡酒臨岐爭忍不淹畱

贈阿臬使禮布

五年契闊忽升堂邗水相逢憶去航秋憲再新衣上  
繡春風未著鬢邊霜曾栽東國棠千樹只飲西湖水  
一觴交似醇醪言似玉臨岐此意肯相忘

多時經席此因依一路苔岑聚亦稀交到袁絲論個  
儻情如平子契元微盼公江國仍持節老我名山再  
拂衣此去經時迂闊甚閒雲不稱九霄飛

將抵金陵道中口占

浙江千里忽思親五日輕舟抵風信喜同潮信  
順客囊知比宦囊貧書求多積慚廉吏山不成遊似  
俗人欲撫祥琴最惆悵草堂畱我可經春

贈洪太史亮吉

秉燭論心已有期，尊前霜鬢認依稀。我驚駒隙三年  
速，君自龍沙萬里歸。折檻風流成盛節，埋輪心事有  
危機。不知此後方元白，可仗文章定是非。君前詩有  
長微之之句，又云江州司馬  
通州，俾料理頭銜似昔時。

題許秋巖太守畫幀

成陰楊柳是誰栽，池上夫容趁曉開。已製新秋聖渥  
暑清風況有故人來。

嘉會燕臺暫眼過，都官回首憶鑾坡。雲龍剩我隨東  
野十九人中聚散多。昔自秋曹燕集都堂中，曾入翰  
前鴻臚卿項鍊高諸人皆  
預其列，欲作白雲違島圖。

爽鳩威望鶴形儀，萬頃胷中未可窺。我亦蒼生瞻露  
冕，每披圖書當塞帷。

聞道中朝憶傅巖，政成霖雨在閭閻。對君便寫松  
千尺，尙恐丰裁未若髯。

贈鈕大樹玉

鈕生士而賈游，歷齊魯間手持江子書。訪我逾數年，  
我時往河滸備兵曹。濮邊曹單交界，發書意思望會  
合。非徒徒然揭來吳東門，把臂開心顏。贈我中都志，祖  
德在舊編。僕家本  
鳳陽遇我於里門，醉我客舫聯出觀。所  
著書指斥新附篇，說經何經經腹笥。便便二徐趙  
宦光茫如隔霧，煙我先窮篆籀同志段。與錢錢想堂  
玉敬發

之思作石經稿，追仿三代前。秦邈徒隸書，附正體

變遷。僕嘗作石經彙列篆隸正少溫筆，雖工六義多  
三體古俗互証，必求依據。

乖愆，何以餉後儒。鴻都寫千言，勤拳鈕生意。箴砭俗

識，偏說文非僻書大哉。帝命宣時有請禁說文  
不宜用之制義

者非僻書之論。下士有買心，挾冊思賣緣。賁郎皆

買人賄賂通，上官誰能貢奇士。撰述朝章傳長揖，莫

釐峯焚卻范蠡船。

題何蘭士道生詩卷

冰雪攜來一卷文，游蹤檢點惜離羣。軟紅塵裏常懷

我，太白樓頭不共君。君視潛山左時  
余丁內艱歸帝里尙留

樓樹鶴蒼生，還望出山雲。尊前小別添悵，悵冷雨邗

溝一夜聞。

十月朔日曾都轉煖招飲休園分韻字字

蕪城萬井喧秋色，浩無主悵然登臨興。招此今舊雨

名園，倚幽僻勝境，隔塵土。灌木不記年，霜花尙盈圃。

茲堂屢易姓，傳舍鮮寧宇。當時金谷宴，可有魯儒腐。

高臺候將夷，青史闕無取。使君雅敦素，太守篤耆古。

澄清鬱奇志，俛仰思小補。移尊就空曠，清尙屏幃羽。

一作廉泉設禮飲經濟助談塵吟詩寄情耳聊用歷

韓社

秦小峴觀察瀟春谿垂釣圖

未必谿山得自由，臨淵我亦愛清流。人閒不少魚吞

餽又恐先生用直鉤

芙蓉湖上擬垂綸界石山前好問津如此谿流深幾

許可能容得釣鰲人

太液春明首重迴畫圖莫認子陵臺濟時正要經綸

手且為蒼生罷釣來

桂林授經圖為家方伯日秉作

陔蘭花發繞階除岫桂叢高近碧虛親授過庭經一

卷勝他晏子鑿楹書

北平世澤有淵源早歲科名日下傳誰似吾宗能濟

美三蘇名重又斜川

畫裏風裁露性真天涯手足倍情親紫微仙署青谿

宅棟鄂花連一路春

題許秋巖太守問耕圖

三年有積應先問五穀能分詎不如稗稗也須知道

在儒書最古是農書

一麾馳馬本風清江左棠陰處處成若問讀書兼讀

律 至尊前席待先生

題張蠡秋曾度真

美人駿馬真名士都到林泉勝處來誰信尋幽謝康

樂翩翩華胄又仙才

玉簫金管坐題詩嘯傲青山起未遲白下相逢慚白

髮輪君長似畫中時

馬融石室口占

傳經臺古倚高岑經術東家到子深莫怪生平償不

足要將聲伎換山林

為家方伯日秉題王蓬心太守所募董北苑瀟

湘圖

北苑圖中小謝詩雲山迢遞水逶迤使君按部行春

處太守含毫望古時宛在仙舟人約繹似聞天樂竹

參差十年讀書聯吟處回首秦關有所思曩見北苑

署中節

王觀察象儀于署中葺茅茨作詩次韻和之

亭外嵐光自廓如窗前綠意未全除戟門深處還調

鶴案牘清時又展書蒨屋圖民心事在草堂容我宦

情疏論文日有高軒過贏得青谿近結廬

次韻荅洪稚存太史亮吉

酒痕猶染舊時襟相對居然鬢雪侵結綬蕭朱曾接

踵抽簪元白又聯吟及身易定千秋業經世難灰一

寸心祇恐未移麋鹿性便遊廣夏憶長林

歸視圖為袁綬階廷壽題

一片澄泥視攜來問字亭摩挲思世澤呵護有先靈

什襲仍完壁傳家件一經我懷吳將印古篆想儀形

子藏家吳將印  
文曰孫武私印

題張子白同年大令若采西涼春色圖即送之



任

短衣匹馬便孤征 帝識循良在此行邊徼如今

要民牧請看才子作長城

昆侖山接賀蘭天一片河湟落眼前君問富民渠在

否下車新政是農田

百二秦關訪古迴驚人詩句達燕臺崆峒華岳題名

到何似看山人剡來

知君驛路最相思我亦愁看贈別詩他日西湖重訪

古半閒堂址獨來時

題畫

一株疎柳一株楓斜應懸厓落照紅多少閒雲爭出

岫讀書人在萬山中

石田遺跡辨能真淡處深合四座春藥下知音得賢

主豐城望氣更何人

借洪稚存探梅隨園飲小倉山房次韻

一代靈光入家時百城文史付佳兒尊開文舉連宵

燕腹痛橋公曠世知古樹著花先歲發冷雲含雨出

山遲中年小別關情甚添得新霜在鬢絲

蘇文忠祠堂圖爲秦小岷觀察作

千秋詩客有前因手薦春蘭到水濱祠宇不摧人代

好湖堤無恙柳條新嘉平終古思生日循吏重來是

後身我媿寒帷難暖席山陽水利屬何人

張穆庵轉運 映 屬題雲在山莊圖所寫厓下

某氏園也

琅玕影入碧波紋畫裏林亭竟屬君此日東南要霖

雨在山雲作出山雲

只餐山翠與湖光攬轡清風動路旁若畫使君行部

處一行隄柳一株棠

寒惟我亦到明湖厓下名園好在無畢竟蓮盧同是

客千秋畱得輞川圖

白公祠爲任太守 兆炳作

白公隄上新祠宇訪古曾經展拜頻水利繼成千載

政瓣香元有再來人兩朝詩老淵源合祠有懷社三

徑園亭結構新詞爲詩若問鄒滕溝洫事廉車我媿

澤如春

先生於乾隆乙卯歲任充沂曹濟兵備道適阮督部元視學山左諸名士會萃一方多文讌唱酬之作會刊濟上停雲集板存黃司馬易家未及攜歸甲戌歲從蔣明府因培索得一本茲將集中先生詩錄出並錄和作庚申辛酉間主講詰經精舍時所作亦附焉編爲第四卷仍名停雲集紀勝會也凡古今詩七十六首從子壻龔慶謹識

吾師淵如先生未登第以前所爲詩畢弁山督部萊入吳會英才集者葆童時卽已熟誦大抵原本六朝而出入昌谷玉谿之間七古縱橫跌宕一時與洪稚存黃仲則兩先生並稱鉅手中年以後覃精漢學校勸羣籍袁簡齋太史以爲遁入攷據至貽書相責不知先生之詩之工猶夫少日也自古詩人無不博通經史者杜云讀書破萬卷下筆如有神韓云凡爲文章宜畧識字迄今二家之集具在其徵引未嘗不富攷覈未嘗不精正不得謂長攷據者必不能爲詞章也慕及伯兄思敬受業先生門下十餘年來備聞緒論客春重遊金陵尤得朝夕過從竊幸得遂所願何圖小別未久而先生遽歸道山梁木之傷何能自己茲難弟南麓先生屬龔子少山編次遺集命蓀以校讎之役謹識數語以詒天下之讀先生之詩者嘉慶戊寅夏六月受業海寧楊文孫拜跋

租船詠史集一卷 芳茂山人詩錄第五

新除山東督糧道之官口占

一紙除書到驛亭故山南望不勝情別來鶴笑軒車  
態白鶴一雙出山時奇友人處聽慣蛙舌鼓吹聲未信澄清闕此  
出轉因温飽惜平生從他廚傳蕭條甚自有圖書抵

百城

山左道中

駒隙猶餘感鳥私詎忍忘得登 天子陛重到聖  
人鄉負米辭岐路浮家泛一航莫嫌行色儉文史富  
連檣

倉史廟

生公臺畔劍池旁展謁新祠憶聖倉異表不妨傳四  
目世官誰復擅三長漆書字不留中古白水碑空臥  
夕陽我自髫齡攻篆籀手舉蘋藻薦心香

試院卽事次鐵冶亭中丞保韻

芸館追趨記昔因棘闈文燕過蕭辰絕無雲處重圓  
月大有年中後樂身馬帳生徒他日廣庠樓風景一  
番新謫仙得任神仙府未覺蓬萊隔世塵

一卧滄江五度秋湖山重到憶清遊感恩令伯仍持  
檄擊節袁宏久住舟政美不妨官有暇才疎深媿志  
難酬籌河積穀經綸在借寇人思節鉞留

再至東省過河漫各縣

龍節巡工此地過滄桑重見感如何嘉慶元年攝運

帶一大清河即漢人所云河行誰濬大開神禹會疏瀆清河故道禹醜二渠之九河為

齊桓舊塞河緯書及鄭氏注經俱云齊桓塞九河為

秋派入海年久湮沒事有非常須慮始議無上策況

謀多郊原極目哀鴻集媿對移文別澗阿余嘗居金

後二年因租母九旬不復赴補

漕轉兼施古法存吳溝淮泗有通津宋時設轉般倉

船不入江以為良法故云自轉般之法江船不益高

北為吳溝通商魯放道若下游障口虛糜帑高地行

河索解人難過降水至子大陸播為斷二渠以引其

水大卸山即分其流一為深川一從黎陽山北行地

康廉訪基田嘗問余禹之治水由地中平陸河反置

處當掘深之則由地中行若行平地必又築隄蘇轍

所謂築垣居水田廬低下如齊豫數被災也秋水貫

妄言頻誤國乘九河之說相反一河受百川秋水貫

注勢口固其宜矣王尊捍患敢忘親寸長尺短從

評論可有人閒柱石臣余權泉時山左大府檄予治

之及奏稱習鍊刑名操守廉潔辦理地方事

務均屬裕如惟河務非其所長易人代任

禹瀆枝流歲幾經偶隨鷗鷺宿沙汀十分爽籟升秋

月一路明河望使星下水船如年矢急被霜蘆感鬢

絲青運租尚有清吟客庾亮樓高竟夕聽

題左寧南復督師孫高陽檄調揭帖崇禎十六年有平賊

督師平賊權難一倡義勤王勢已孤孫左也非亡國  
將虜明失計不遷都倪文正曾有此請  
思陵不能從也

題息隱園圖

息隱園中大隱人閒居一賦自娛親琴書無恙風流  
在六代中郎有後身

蕭疎修竹最依依三壑胸中有化機知向南華悟真  
旨圖中蕉鹿是邪非

愛招逸客敞高軒四面山光半畝園恰共翩翩吳季  
重也來十日飲平原

苔痕石上襍題痕惆悵尊前手又分我亦青谿同結  
宅輸君不負北山文

通州視三弟星齋于三角淀回舟口占

泉州地僻守桑乾累日壺觴得盡歡千里一麾臨海  
角六年三度到河干西堂春草勞歸夢北路車塵厭  
此官憑仗徵蘭有消息高堂聞信一加餐

次韻荅吉漕督

雨過銷殘暑天空見海噉檣排疑隔浦帆轉不離村  
豐歲看禾穰歡聲過市門宦情聊復慰猶是夢田園

李鹽政招飲次裘制軍行簡韻

綠酒波生燭燄斜西沽有客正思家吳歌繞座薰魚  
出消得離愁住海涯

節鉞增輝翰墨場偶因按部攬春芳梅花一賦驚才  
露不信先生鐵石腸

槎使虛傳博望侯運租高味幾經秋詩人星聚行臺  
少對月同登庾亮樓

朋簪都似合延津分手期敷四海春莫學公孫餐脫  
粟要開東閣引賢人

題梁匠誨同年鳳雛山館圖

意中池館眼中山畫裏居然翠壁環留得鳳池家學  
在清聲不斷五雲間

烏衣華望好門才千里征車把臂來我亦誦芬思舊  
澤卜居新傍鳳皇臺

題閩人真

春風吹動鬢邊班自展生綃對遠山輪與閩人出塵  
早玉京相見尙紅顏

曾記聯吟夜閣虛小園松竹亦蕭疎無人鬪茗焚香  
坐廿載繩牀擁亂書予出門歸閩人  
輒已整理書簞

人間小別太匆匆墓碣新鐫宿莽中管莫營齋等閒  
事孟光同傳約梁鴻

檢點牛衣淚未乾清宵論史一鐙寒對君最媿王章  
事兩度虛彈獬豸冠

石琢堂殿撰編玉北行留別一詩次韻奉荅

已分橫經又荷薪名山未乞向平身五雲先後朝



天客一部旬宣假節人有約專鱸尋釣具莫教塵  
土滯車茵雲巖別墅山塘路孤負梅花在水濱

題春帆北上圖

天人策上驚時輩湖海才高作壯遊回首浙西山色  
裏何人能上李膺舟

一樣專鱸動遠思春江我更挂帆遲得歸淺水蘆花  
處莫羨乘風破浪時

華秋槎司馬瑤滿北山旅舍圖

葛仙墓下白隄前廉吏棲遲屋數椽孤負陶潛三徑  
菊料量劉籠一文錢琴書課子青鐙畔風木思親夕  
照邊他日匡山讀書處流傳佳蹟勝平泉

匡廬識面圖為胡雒君度作

千里探奇汗漫行皖江雲入豫章城廬山自有先生  
到不許匡君占得名

搜討名山為注書傳陽原似古時無約君近訪安豐  
嶺一補八閩禹迹圖大別山在廬江安豐縣出漢人注今所傳阜昌禹迹圖移於漢水之

萬壑千巖尺幅收白雲盟在魏閒鷗我尋五嶽才登  
四試展生綃作卧遊

胡雒君環山小隱圖

曲曲青谿憶釣遊蕭蕭藪桂足淹留有人問訊陶潛  
宅千仞山圍萬卷樓

經學傳家自安定臯比奪席到蘭臺蒲輪莫負求賢

詔小隱還招大隱來

周駕堂給諫厚載視漕天津兼權艦使詩以紀

事

析津民吏盡歡騰黃帟除書得未曾報傳忽持雙使  
節頭銜猶愛一條冰水兒酒到儀俱却學士鹽行價  
不增却稱東方貧轉運運租船上作吟朋

題停琴竹月圖

白雪何妨曲奏遲青天應問月來時使君自有驚人  
句不用重攜謝朓詩

名山多暇足良遊管領東南第一州千古琴川風月  
地弦歌飛上庠公樓

轉粟功高到日邊乘槎人望若神仙一輪卿月升霄  
漢又和虞廷奏五弦

金雲莊比部德輿得岳祠銅爵將歸岳氏屬題  
江山半壁長城壞祠廟千秋祭器留出土也應同碧

血傳家原未抵金甌精忠有後宜無恨爵有精忠報國及岳祠建  
識家神物逢君異暗投把酒止澆墳上樹黃隆痛飲  
願須酬

李觀察廷敬座中分賦

種秧

水中分種日中栽畫出江南錦翠堆兩岸翻車聲盡

歌使君甘露應期來

線絲

應機誰與展經綸  
許文章觸手新  
只有素心同  
不染繭絲辛  
若笑何人

造醬

覆餅刺有著殘書  
三伏弄藏到臘初  
此味由來勝鹽  
豉不知調鼎竟何如

曬藥

茅檐赤日正喧妍  
料檢參苓入籠全  
能活千人著  
卷不曾服食也延年

折荷

卓午涼生綠水灣  
碧筒豪飲幾人閒  
荷衣製就商量  
久莫被簪裾賺出山

浮瓜

清泉手汲注磁盆  
沁齒涼生碧玉痕  
一樣寒漿圖一  
飽青門何必憶朱門

賣冰

似雪寒光透苧衣  
晶盤相對却炎威  
只除天上條冰  
貴賣到人間一片稀

舟泊揚州大雨三日  
夜以郭河陽夏霖圖留贈

會都轉樓

邢溝入夜水潺潺  
雨在河陽晝意閒  
却羨無心雲一

片有時出岫又還山

結鞅朝天喜盍簪  
高齋話雨又題襟  
待公此去趨  
宣室問罷和羹問  
作霖後時與韓先

六月三十日抵棲霞口占時乞假南旋

六年塵土夢鄉廬  
錦翠林巒畫不如  
猶對青山染須  
髮歸田爭忍待懸車

六月三十日遊棲霞在珍珠泉壁見王夢樓太守詩次韻和之因寄汪春田太守為霖

安石林亭靖節籬  
歸仍草草出遲遲  
行蹤野鶴孤雲  
伴心跡清泉白石知  
信宿未能忘樹蔭用三宿登臨

莫待藉筇枝青山如舊  
循青鬢慙媿重來異昔時

昔埋三逕菊荒籬  
歸計秋風莫再遲  
汎梗官場餘我  
共浮雲世事幾人知  
有情雪認飛鴻印  
無恙松留待鶴枝  
記否僧寮同聽雨  
六年如夢不多時春亥與汪

山左彌月望雨余入境過郟城費縣寧陽連獲

甘澍喜而有作

急雨驅蝗墜作堆  
郊原無際送青回  
誰知直指隨車  
雨也為征人灑道來

纔辭館粲又壺食  
不信椒蘭過有芬  
我似鄭莊糧不  
裹非關人愛故將軍

題牧牛圖為孫令良炳作

風景桃林得自由，戴高名迹偶然留。夕陽芻牧馮誰問，却怪他人畫鬥牛。

不施鞭策自天全，藉草看雲一响眠。誰識牧人辛苦意，待他蕃息已經年。

乘田小試有前塵，休養能回萬物春。畢竟牧民還似此，中朝問喘望何人。

讀漢紀偶成

梁冀初誅海內清，朱雲何事欲捐生。杜門周協從容甚，却恐人知不屈名。

題余秋農丹陽道中踏雪聯吟圖

傳書張逸應成志，問字揚雄亦有亭。莫似程門虛立雪，空談理學不談經。

君於東野為雲久，我恨宗之識面遲。悵好丹陽山色裏，雪花如掌獨行時。

華秋棧司馬觀瀑圖

不買青山但觀瀑，使君風味尚書生。巖如翠黛窺簾出，官似神仙着屐行。却對急流思勇退，誰從高處更揚清。披圖我愧征塵滿，何日來聽萬壑聲。

邢佺山大令 松林讀書圖

蒼松門外作龍鱗，著述中年漸等身。爾雅手增家學闕，西傾目驗地圖真。判除案牘橫經籍，料理蒼生對古人。我望關西傳絕學，天涯相見即相親。

轉粟北河舟中即事口占十首

媽紅露重捲牙旗，嫩綠風吹上柳枝。一縷名香兩行燭，使君船過路人知。

萬軸綈緇映翠裾，問奇門茗日無虛。五湖却笑鴟夷俗，只對紅妝不著書。

潞水津關駐玉驄，阿連來往一尊同。二弟星齋官直隸，每年若到舟次，敘晤近羅天。不高官職閒雲似，最好游行在半空。

詠史租船六七年，醉時判事醒時顛。乘槎試近高寒處，多少神仙羨謫仙。

手版遺忘禮節疏，謂倉場忘職履歷故及又看朝爽倚庭除。笑他大府持籌吏，也乞先生玉筍書。

拍浮日倚酒船豪，甘脆何曾饜老饕。一事江南較差勝，鼠姑時節已持螯。北河春夏蟹螯已肥

啼鴉聲中綠樹稠，乍嘗鄉味減鄉愁。鯿魚清飲如蟬潔，何事浮沈在濁流。衛河一帶近年多有刀魚，即說文所謂鯿魚，飲而不食者。

動地狂飈十丈吹，辟塵簾箔四邊垂。睡鄉自有逍遙福，夢見天清地曠時。

雲母窻虛月漸高，夜深仙侶對拈毫。醉來尚有宗之共，玉樹橫眠覆錦袍。

尊鱸堂上勸加餐，未到懸車要挂冠。從此收帆向南國，平江湖水接長干。

庚申冬日同人集一樹園閱十年矣，偶屬吳山

尊學士兼題册有感舊遊率賦二律卽用唐

陶山刺史仲冕元韻並以寄之時已巳年七

月五日

十年陳迹散如雲高燕鱸鄉憶夜分井上已投佳客

轄座中思接令公熏是日陶山因龍韜說劍慙初祖

虎阜棲神近故君重到山塘舊遊處幾人惆悵話斜

暝玉辰年假歸燕集一榭陶所遇毛君用古鈕君橋

元錫陶君梁吳生極汾

林亭臨水又依巖尙惜風光不越凡攬轡久貽名士

請廻舟合署散人銜看君鷓鴣風遊三島陶山子蟻老

我雕蟲枕一函擬向元龍牀下臥笑他宦海更揚帆

題徐河督端漢水秋屯圖次鐵撫部保韻

麾戈誰掃漢陽平人羨班生在此行國士運籌還入

幕書生投筆便談兵冠加鴉尾眞儒將手射旄頭落

賊營天與長城衛河洛一軍風鶴隔江驚

千騎登壇乍有須橫經學劍術非疏天人城北瞻殊

表烽火關西奏捷書受代我寧慚伯氏前罷東魯監

任好賢人摠薦由余山東江南督撫以君東南行水

頻持節才望原從此際儲

偽廉吏日食一羹衣短袂左持法律右會計終日何

喧喧與利復察弊清晨官中下火符吏胥戰粟民歡

呼催科不得名一錢起徭不得餘一夫東郡雪冤獄  
西邑枉法誅守令變色走路隅懷金曳橐空踟躕清  
聲徹九天夜半得如召入溫室問民疾苦寒

暑怨咨惟兩恤無承命稽首拜且舞出朝揚鞭氣如

虎日食不煩廚傳夜宿不入官府手曳空囊別有譜

道笏舊吏索資斧昨夜喧傳有過客公子輝煌到京

關東家得價鬻高樓都下新添廉吏宅

迂書生

迂書生少小捉刀削六經眼底五花烟霧橫苦心立

言說經意隔席爬癢指爪輕巍巍高科那刺促束閣

陳言親簡牘風聞例得入彈章解豸非邪亦善觸去

年上書陳理財科條細密煩安排公門拜爵復幾許

私室金溢光皚皚七月河流走霹靂飛鴻滿郊不得

食黃金可成川可塞問之不語坐默然

西湖三舟圖

題詩讀畫盡名流問水尋山數舊遊此地白蘇留古

迹何年李郭住仙舟一時勝賞千秋擅萬頃湖光尺

幅收我亦鴻泥餘印在倩人添寫話經樓前有第一

樓此

題馮刺史潮三士圖寫東坡詩意爲抱朴子陶

神仙與隱逸各自有千古東坡曳簪纓頗歷世塵苦

同有曠世才光欲筆端吐三賢參列宿餘子盡博土  
古人不見我此恨孰能補馮君不凡士白眼視寰宇  
空堂對前哲折節酬清醺人物近眇然名山倩誰主  
贈汪春田太守南歸

柳暗花明水拍堤淮南一棹去如飛漫愁此郡多滯  
帶直為時魚便合歸

板輿無恙鹿東存試檢奚囊句又新百費心神嬰世  
務半園花石待經綸

拂衣輪與着先鞭將隱何須負郭田他日同尋舊遊  
處棲霞山館虎邱船

阿城握手挈行厨安德停驂待郡符草草官場真等  
夢不會沈醉在明湖

題姚尚衣行樂圖

使君古君子篤行孚天人獨立性不阿雙履道自伸

聖人鑒忠讜授節來江濬尚衣佐垂裳推稅無

羸緝永懷過庭時重闢行馬門豈惟位業嗣且喜清

白傳衡門偶相訪傾益若飲醇既瞻江令宅復遊謝

公墩鵲客筵屢張哦詩筆如神燕閒寫作圖眉宇含

古春桂根在天窟桐德參高旻雖兼濠梁性彌感

恩遇頻潢池乍解甲瓠子猶負薪獨抱經世懷堪

與知者論當今赤心吏誰似黃髮臣期公此開府余

復歸垂綸耆英倚入社斑白逐後塵

二四〇  
季春上浣得雨偕汪刺史為獨張州佐玉城泛

舟次韻

夕陽初展墨雲收喜見新苗綠滿疇薄宦心情閒似  
客濃春風曛澹於秋水和會溯重三節屯氏河餘九

派流草草行廚成雅集幸逢李郭共移舟

深源輕出魏虛名紆鬱澄清攬轡情捧檄有人同小

謫散館改節以扶犁感我欲歸畊千家桂玉愁纔減一

夢純鱸去未成差喜隨車三日兩行春村落有歌聲

天津令任同年街蕙招飲并柬胡同年觀察

酒波欲豔蠟烟斜香案仙曹葉令衙清夢再尋蓬島

路黑頭同插杏花林予與觀察同年同入翰林又同改官皇州麥

潤隨車雨 天路風回過客棹猶對笙歌憶雲水

六年痼疾在烟霞

天津道中魴魚入饌口占

盈尺銀鱗入饌奇故鄉風物鎮相思來從江海交流

處去趁年光最好時細感不嫌多骨鯁清華端不借

高脂虛傳八月還重出郭璞神仙却未知郭氏注爾

云二月八月出不知爾雅以類相從然則今南中之

吳鱸小於魴魚而味不及非一種也鱸音同度言似

魴魚之義為小

倉場玉侍郎寧戴侍郎均元招同洪殿撰堂燕

集尚書館倉場署卽席賦呈  
方丈筵開尺五天長安知遇記他年金龜賀老尋常



解官都下時屢與衣鉢和疑一再傳洪修撰出戴侍  
門下子亦侍郎從半日清談依使院七年高詠在租  
船子自甲子年蕭曹政要先靈壹道德親書第幾  
篇庚午有王侍  
座中有王侍

深源再出媿虛名攬轡何曾獄市平自分圖書老空

谷敢誇霄漢有門生門生謂晉漢白居易問字于予襟期共

領西山爽心跡都方潞水清差喜計臺添韻事瓊林

陪宴補春明故事狀元歸第例科一甲

德州偕吳學士官會宴于自外任未得預嚴孝廉可均周刺史履端放

舟衛河小飲次韻

急流東去見層波殘暑初消換薄羅屯氏河荒遺迹

古米家船小載書多宦情漸比知秋葉樂歲聊看合

穎禾六載平津真卧治媿無循政入輿歌

送吳學士還山用唐刺史仲冕韻

曾攜采筆賦凌雲又咏揚州月二分子舍去修蘭膳

絮征衫來帶御爐薰中朝開閣今非昔歸

路先鞭我讓君到日秋風及鱸膾不辭行騎觸炎曛

畫錦猶嫌耀碧巖素衣爭肯落塵凡徑修封事陳烏

哺不問除書有鳳銜名嶽再經遊十日古碑此去獲

千箇明年芍藥花時節有約金焦飽放帆

德州晤朱觀察爾廣額口占贈之

魯酒慚佳客仙舟緩去程共消三伏暑重敘廿年情

僑郡依棠近余僑居金陵為官裝載石輕古梅花尚  
在別後幾枯榮觀察昔日官所病寓隱仙庵  
家學傳湘素殊勒鼎鍾演池能淨埽萍海竟重逢  
老我飛騰意輪君磊落胃無田亦歸去不待學為農  
時將引病

受業海寧楊文蒸校字

先生於嘉慶癸亥歲起補山東督糧道歷甲子迄辛未其間乞假南歸者一督運北上者八每於潞河舟次擁書數千卷公餘時有著作兼會集名流多鵬詠之樂故自題行舫曰運租詠史之船茲編租船詠史集爲第五卷凡古今詩九十五首從子婿龔慶謹識

冶城絮養集卷上

芳茂山人詩錄第六

題東山絲竹圖

一局殘碁似敵兵。拂衣何必待功成。陶情絲竹中年後。已被蒼生誤半生。

宿清黃交會口舟次口占

一夕波濤宿水濱。八年塵土漉車茵。秋來病骨驚心早。南下河身障口頻。開卷易忘行路險。求醫難似濟時人。黃花待我過重九。且向東籬醉幾巡。

題嚴子陵却聘圖

蒼松畫有物外僧印不知何人

時平容汝去巖廊。一櫂烟波指故鄉。多事客星干帝座。狂奴不及介推狂。

蘆花淺水任浮沉。莫笑還山入未深。却聽歸來仍罷釣。高人并少羨魚心。

得趙文敏所書曝書二字以署書樓口占二絕

句

三層閣擁百家編。腹笥何曾似孝先。薄宦廿年徒立壁。買書錢是賣文錢。

思量故紙隔烟蘿。拂拭凝塵返澗阿。他日不分南北阮。曝衣樓上曝書多。

郭文學 磨以神廬圖屬題

萊國樓臺無地起。幼輿丘壑自天然。青山可待巢由買。明月清風不用錢。

遠廬是處可容身。眼見朱門易主頻。我亦山塘新卜  
築。未妨舍宅學王珣。子買虎上一榻圖  
入畫居然似朝川。夢游何必到琅環。爲君更寫平生  
願。廣廈應須有萬間。

古詩

人爲僕。蟲長天。意令冬。蟄食穀。智而天。真人學。呼吸  
聖賢參化育。衣毛復餐粒。哀彼蚩蚩氓。中年耆將及  
我聞上古時。男娶待五十。後來習攻戰。滋生以爲急  
伐性牀第間。煎燔自供給。積傷在方寸。何況百憂集  
吾衰孔驚嗟。絲染墨悲泣。上壽焉可期。榮名亦空立  
齷齪腐鼠餘。青紫莫爭拾。

聖人治性情。中和以爲寶。禹教先人倫。箕疇法天道。  
諸子偏不中。一得自矜矯。奈何索虛無。解經雜莊老。  
浮屠出東漢。妖夢孰稽考。六朝暨唐人。濫觴飾浮藻。  
循環報恩怨。惑衆使祈禱。豈知真人高。識空入表  
責已。怨自。稀無求。物寧擾。不讀非。聖書。有羨侏。儒飽  
遐稽有虞代。畫衣當刑條。終身異章服。有類撻市朝。  
民固不畏死。法峻俗益澆。苟卿疑象刑。性惡識不超。  
麟遊讓生草。鳳去驚胎天。察物知天仁。則之自唐堯。  
仲由雞冠客。蒲鞭且停操。後有李日知。永屏朴與敲。  
彼哉酷吏徒。妄擬執法蕭。宿囚肆非刑。誣服由遮要。  
收帑始亡秦。五虐起有苗。爾後不足惜。壞此玉燭調。

辛未歲臘八前一日遊焦山遇大雪信宿而返  
山僧借庵索詩用蘇子瞻放舟焦山韻走筆  
付之

一邱一壑目所眈。何況名勝誇東南。茲山屢過不一  
到。望若海上神山三。窮冬病體幸無恙。裹裘瑟縮如  
僵鷺。鑿山疑賊靈運懼。有田不歸子美慙。江天萬里  
動寒色。蛟龍百丈蟠深潭。登山拾給焦洞近。枕流高  
臥神魂酣。濤聲激石壯。心骨松風入。戶侵笑談夜來  
飛雪照巖谷。瓊瑤裝飾金仙龕。佳辰臘八適相值。蓋  
粥味勝膏梁甘。桑陰三宿恐增戀。中冷一酌原非貪。  
長歌趁韻才力薄。濟勝有具衰年堪。詩僧高絕況同  
志明春再訪山中庵。

自焦山放舟登岸仍次前韻

象山招人遠目眈。破浪忽返江之南。勝遊難得雪盈  
尺。快友應記人同三。同遊爲劉司馬台中流回首望  
絕壁。天然畫本王荆斬。入驥不換此寂寂。萬瓦未醒  
居。潭潭鯨波吞。山石欲裂裂。枝戰風聲正。酣漫空。天  
花助禪。帆照座。玉屑開清。談刺谿旣到。忍回權。焦仙  
有約當同龕。才名畫餅豈足飽。世味嚼蠟無餘甘。江  
流有時雜。澄澗泉。性自合。分廉貪。鴻歸寥廓。弋空算  
樹。猶搖落。人何堪。急圖清淨屏塵俗。歸途夢繞臨江  
庵。

題周上舍廣衛入關登華圖次吳學士肅韻

咸秦在天上，二華凌雲標。我遊迫飢驅，適與名山遭。  
 八年客關西，不問資用饒。窮冬朔風厲，盛暑炎陽驕。  
 束馬登龍門，豈憚去路迢。天關呼吸通，霞際衣裳飄。  
 驚魂在千仞，一墜不可招。偶作蓬島遊，遂越玉宸朝。  
 求容恥錄錄，易缺愁嶢嶢。翻然夢巢許，無復懷管蕭。  
 歸田解簪紱，戴笠耘禾苗。側聞西諸侯，翹材盛質僚。  
 周郎傲儻姿，華胄東吳遙。飲醇氣誼真，讀書心神超。  
 開卷見絕壁，夢游起中宵。蓮花手攀弄，鶴駕從嬉遨。  
 東眺紫氣關，西酬白雲謠。千巖縮方寸，萬壑工摹描。  
 浮生苦拘檢，百歲憂勞切。從君采藥行，長鏡日橫腰。  
 修羊儻可逢，毛女時相要。虛名駒過隙，游蹤鶴歸遼。  
 手酌北斗漿，衣用天孫綃。借問曳圭組，何似升烟霄。

餞春次查京卿有折韻

柳拂池臺絮撲廊，淡烟疏雨玩流光。東風做冷多情  
 甚，約住飛紅又送香。  
 綠暗紅稀各有情，為誰惆悵鬢絲更。能消幾度經旬  
 醉，又聽新鶯出谷聲。

題宜侍御重光鬱岡樓隱卷

鬱岡本仙都，古有隱君子。昔游窮地肺，未得餐石髓。  
 初成迹荒遠，貞白此棲止。千年白雲冷，後見宜御史。  
 傳真孰添毫，野服想脫屣。道腴故無悶，名在長不死。

楚弓得有時，趙璧反可喜。文孫獲家珍，叔則真雋士。  
裴茂才璜為宜氏後裔索題我歸青谿曲，屋映北山陟。五松久成  
 陰，獨鶴不飛起。誰能圖子荆，枕流洗其耳。

題方閩督維甸青谿放權圖次朱文正師韻

公勛合寫凌烟圖，胡為空谷留白駒。公才  
 作舟楫，餘事經術追江都。陳情一疏急烏哺，循陔終  
 日永絳趺。三山二水釣遊處，手握旄節思江湖。計謀  
 已樹大猷遠，著述獨洗枝辭膚。青谿一碧照鍾阜，放  
 權便抵尋蓬壺，似聞朝寧屢側席，仍以溫清辭中  
 樞。斯人不出共扼腕，時有雕鸞無驢虞。鈞衡須用讀  
 書種，譬待貞淑媒。問嫫，東南河患歲頻告。至尊  
 肝食民飢劬，山中宰相鄴侯在，借箸有益蒼生無。

慶方伯保出尊甫尹文端公遊攝山圖屬題次

卷中韻四首

一代助華垂汗簡，六朝羈屐訪青山。顛厓尚有題名  
 在，父老猶思擁節還。落帽高情鴻印，爪籠紗詩句豹  
 窺斑。東南已奏平成績，小試經綸在此間。

銘恩鰲戴尚難勝，逸事開山問老僧。邵伯樹存終古  
 愛，羊公石立最高層。格天政豈誇三異，好士才皆擅  
 八能。民隱繪圖頻入告，封章藏付殿中丞。公遇偏安必請綸綬

胸中邱壑本無窮，親仿三垣築紫宮。千佛近依星拱  
 北，萬松齊捧日升東。靈泉珠瀉，奎章麗絕壁。天

開。輦道通。供張繁。華都屏。却祇留柏翠。與霞紅。

千佛窠。萬松山。珍珠泉。入開巖。皆攝山勝境。

西曹東國追趨舊。方伯在比部。與子澹泊平生味。共

嘗軼轍交遊都契合。至伯兄今相國。桂前鎮西域。歸

相過從。鎮金陵。亦韋平相業本絲長。主恩旌節今重建

報。當陽。

渡河

萬頃長河剩半泓。海田轉眼客心驚。濁流不信清。如此恐有波濤。一路生。

題慶方伯保宦游清興圖冊

春郊相馬

伯樂曾過冀北來。能收駿骨到龍媒。勸君更與求良牧。莫任空槽困軼林。

平江邀笛

碧桃花發草痕齊。一櫂春江水拍隄。只惜仙舟同醉處。不曾邀笛在青谿。

趁雨栽蘭

化雨光風未有涯。春來生意滿幽階。蕭閒官舍如空谷。便與當門種亦佳。

春園問筍

零紅碎紫漸紛紛。習靜偏宜對此君。寄語東風好扶

植。放教直節去。凌雲。

東閣開尊

西園雅集留題遍。北海清尊達夜開。我似步兵食一醉。為君佳約賦歸來。

琴鶴怡神

手譜弦歌致俗醇。又攜玉節觀楓宸。巖林片石何曾戴。琴鶴隨身也贈人。時語子古琴並以一鶴畜孫子祠

秋林清嘯

九秋木落見青山。絢爛霜林錦翠斑。還似山塘頻戴酒。子雲亭子畫中間。

海山雅操

腕底天風和海濤。琴音驚舞戴山鰲。移情自有成蓮在。不碍陽春調獨高。

蓮池投簡

佳句紗籠在上頭。芙蓉池沼燕名流。待君接武平津日。開閣重登不繫舟。望山相國督部三江作屋署西名不繫舟

海疆奏績

潢池烽靖晝凌烟。破浪乘風記昔年。應笑張翥徒擊空。仙槎虛到斗牛邊。

題方制府維甸尊甫恪敏公巖成萬松丙舍圖

次韻

白首歸來種萬松。首句冒山南指大茅峯。烟霞彩翠



成干色。巖岫回環度幾重。第八仙都名迹在。萬家啟地吉占逢。望雲未解宣風組。擁節思攜訪岳筇。手植

喬林經歲月。躬親負土謝徒傭。邪卿石自生前立。邵伯膏皆去後醲。再世同藏遵蓋耐。兩朝三命益銘恭。科名屢見孫枝發。節鉞頻聽馬序嘯。畿輔神君曾繪

象甘泉賢母亦圖容。地靈精爽時歸鶴樹古之而欲作。龍讀禮身常依石室。移忠助久勒金鑪。瀧岡舊德書華表。堂密新陰倚美縱。舍築三年申永慕。墳加四

尺更崇封。銜哀食尚辭。鹽酪賜真天教列鼎鐘。帝念前何仍降勅。公于韓范合希蹤。北山衡宇

遠相望。東野雲龍恨莫從。展墓細尋枯竹徧。出山迴顧翠雲濃。清風大鳥應常駐。儉德羔羊是舊蹤。弭節

他時勤過訪。著書甘我老衰慵。五松溪處容樓隱。高臥袁安又一冬。子簡居善王府之五松祠與公奇望街宅衡宇相望

得吳太守階書却寄

圖賊籌兵仗筆端。故人憔悴乍遷官。山居不識干戈動。猶向曹南乞牡丹。

題胡玉昆處士金陵名勝圖八幀

鐘阜  
龍蟠依舊枕江湄。餘地何曾讓獬兒。紫氣消沈黃屋冷。荒谿人負次宗碑。

牛首

巋然天闕作南門。渡馬人知帝子尊。似此家居撞亦壞。千秋名讓謝公墩。

靈谷  
萬松陰裏聽泉聲。百級琳官逼太清。不為蕭梁延國祚。金仙閱世太無情。

獅嶺  
盧龍山險獅峯接。老鶴河驚鶴唳頻。三宿崖前公弼住。南朝此際竟無人。

江關  
潺湲一夜鎖江聲。雨宿風餐感客情。幾麓古書三尺劔。開胥誰識弃縈生。

雞籠  
四陵北去一成山。塔影湖光盡日間。儒館傾積文物盡。疑雲只解護禪關。

石城  
百戰江山越霸基。巖巖虎踞瞰湯池。須知一片降帆出。不及歸舟載石時。

鳳臺  
元嘉招得鳳皇來。此地青蓮醉幾回。近我生平讀書處。瓦官遺寺古城隈。子庚子年讀書瓦官寺

五畝園看罌粟花

四山如畫獨登臺。衆綠成陰坐舉杯。花似文章摘錦

出人隨蝶。蝶擁門來。隔籬野菜。鎔金徧積。雨天光掃。翠開更有夕陽紅。萬頃儘教絕。豔費驚才。

題國山碑亭圖

趙大令曾攝荆谿因爲國山碑作亭榻本見

寄索句

校官晚出天譏毀惟有茲碑屹然在東吳蹟古接秦漢皇象書奇敵斯喜我歸未買陽羨田訪古不到山山巔披圖細認善卷洞識字重尋倉頡篇唐侯仲覽風雅趙侯替覆石作亭仍作記封山昔聞孝侯至廢舍今同召公憩吁嗟呼賞音人少誰來遊古文奇字空遺留君不見會稽亦有孫皓刻誤作窆石傳千秋今所傳窆石有天文玉石等字類天璽紀功刻太平寰宇記會稽縣引輿地記云禹廟側有石以皓長一丈云禹所乘也孫皓刻之字其船中折案即臨平湖有石函刻字改天册爲天璽元年時所刻也

題姚方伯令儀 秋山睹墅圖

不爲蒼生緩拂衣家山九點望依稀角巾便憶華亭鶴此段知幾勝陸機

錦江澄碧照清襟畫裏秋山似故岑謝傳竟須輸一著身親破敵又抽簪

門前罷極碧雲稠遲我升堂謁太邱留得鑿楹書卷在龍門作述有千秋今詞補有橫雲山山人著述之志

問奇載酒日盈門回首靈光幾輩存我亦冶城新卜

築更無人賭謝公墩

題吳君文徵所畫東方三大圖秦山東海孔林也

我官聖人鄉觀禮至孔林泰山亦三上古迹親搜尋徒持登萊節未覽滄溟深翻然憶邱園聊此投朝簪吳君妙詞翰繪事空古今買權揚子江來游北山岑示我三大圖燦若天列參岱宗小齊魯海若迷滌滌神哉奎婁野千古奉德歆我歸守書篋欲枕落白蟬爲山割雲壑鑿水開蹄涔甘與斥鴳翔不慕飛鴻音齊物等鉅細從俗聊浮沈長謝斗筲輩保此雲霞心

游仙詩

天賦恬愉適性情不須辛苦待丹成周家卜世空千古只抵錢彭過一生玉樓成後急修文禹篆周書半失具我有綠章通帝座神仙須用讀書人

幾年都廂困劉安鷄犬升霄仰面看未慣高寒仍佞傲莫貪圭組作仙官

剩有西王識歲星清都逸事記三生分明天上偷桃客辟戟人閒弄直聲

何曾符籙究具詮不管滄桑有變遷聞道昆侖多視肉吸風飲露便登仙

効召眞靈盡渺茫鞭笞鸞鳳太猖狂神仙不作和平福怨鬼終尋費長房

題屠大令傳說詩圖

仙息一夕下蓬萊。曾向鈞天醉幾回。理筆詞人滿霄漢。祇今誰似謫仙才。君由庶常改官

弦歌聲裏自敲詩。況有匡衡助解頤。江左風流愁閑寂。看君壇坫接袁絲。袁大

商量字字要吟安。漫問高岑與杜韓。我似江淹才盡日。避人詩債築臺難。

題三高士圖次王雅宜韻

何須鳥盡始盟鷗。智可家謀為國謀。霸越吞吳成底事。却教遲放五湖舟。范少伯

棲條何處擇高梧。客裏悲秋恨未舒。不是知幾聊適意。還山我亦為鱗魚。張李應

泛宅平江趁好春。與君千載作比鄰。家祠在虎邱與甫里祠相近

鬱林片石傳家在。莫羨浮沈宦海人。陸魯望

乙亥歲正月十日病中撰尚書今古文注疏成

因題元戴淳伏生授經圖

伏生自有子。而使女授經。經簡出壁藏。口授其義明。光光廿九篇。在世如日星。我官聖人鄉。訪古近伏城。元和郡縣志陽穀縣故伏城在縣東南二里伏生所居因以名之

鄒平墓空在立後志竟成采明已東設立五經博士惟漢儒未有立後之因否會學使疏題請立手疏典謨造絕學久畢生伏博士遂蒙俞允

宵前雪盈尺。燭盡雞初鳴。展拜壁上圖。白髮撫自驚。我子長未甞。嬌女亦始嬰。但期守圖籍。勿讓智挈瓶。炳燭吾自堪。且緩書納楹。

蔣大令因培官泰安浚岱頂玉女池得秦相李斯篆字殘石見寄搨本索詩

空摹遺篆笑申元申徐宋徐訪古輪君與不孤。一炬碧霞成瓦礫。乾隆戊午歲碧霞元君廟燬頭傳此石已焚千年玉筍未模糊。交希剩憶韓陵石。政美能還合浦珠。想見賞奇思勝友。先臨日觀望東吳。

題空山聽雨圖

石葉香濃出翠帷。簪花書好寫烏絲。早梅晴日閒相對。可勝西窗話雨詩。

蕨筍筵前屏舉觴。芙蓉湖畔理歸航。頻年已作浮家客。尚挈紅妝媿道妝。

韶光如夢去悠悠。莫遣春消夜雨中。我似維摩長病在。散花人近只談空。

題沈司馬恕所藏曹銳畫卷曹死後王學博也孫為其擇婿以此

詩今傷神感逝川。喬公遺蹟省他年。丹青便作妝奩簿。水壁都成翰墨緣。古道自堪酬死友。賢鄉終竟遇神仙。來遲未覩青綾障。此客登堂亦慙然。時沈已

洪大守梧汪大守端光招飲梅花書院出九日

行庵文燕圖索題馬氏玲瓏山館物也

竹西風雅思前輩。花下壺觴又一時。金粟尙留身後影。蠟梅恰放嶺頭枝。坐看玉樹頻驚老。歸啖鱸魚各恨遲。謝墅馬莊零落盡。幾人好古共襟期。

張大守問陶爲子題半身小影次韻答之

江湖差喜一尊同。懶聽高軒接鉅公。曾子不妨生蜀國。步兵原可號江東。頻來放權非緣雪。自欲收帆不問風。後世相知儻相識。其名位薄揚雄。

題廖轉運歸鶴亭次韻

長風萬里送歸程。逸翮曾經到碧城。拔宅去疑仙有分。橫江來應夢初成。雲籠亭後傳新記。清獻琴邊數別情。我亦邱樊思戡影。偶逢知己一飛鳴。

白桃花次韻

也從萼綠證仙因。好與梨花作近鄰。照水已非前度影。和雲莫辨去時津。嬾回素面朝天闕。罷舞霓裳對月輪。五日清風三日雨。爲他洗淨軟紅塵。

得周號叔鐘歌次韓昌黎石鼓詩韻

銘功彝器古人重。樂縣在御工升歌。八分改隸變倉頡。九千諷字存蕭何。茲鐘周餘出西箬。如見禹鼎如兌戈。輪困壓載力難抱。青翠入骨誰能磨。奇文可讀費講解。至寶偶獲非搜羅。昔聞西伯詢二號。奉嶂髦士皆峨峨。雞斯贖罪入天府。鳳羽表瑞來巖阿。鑄金

自欲子孫守。假器或恐神。靈呵周公尊。師諡可考。應叔之諡。史籀下筆體不訛。畫沙分明爪落隼。懸針纖瘦文成蚪。年深列虞想。追蠶響應建鼓爭鳴。豈區區後世。棄車輔。絲絲伐國。尋斧柯。百鈞重器。土埋質。千年往事。機投梭。可憐古樂盡弛廢。誰見端冕來委蛇。尸臣鼎出問張做。幼婦題後傳曹娥。我曾訪古入函谷。近復引疾歸江沱。家徒立壁似司馬。地刺片石尋光和。江南北古物。惟校官碑埋頭故紙獨。扇戶敗興歎歲仍催科。眼明一見徑須購。手拓百本寧嫌多。有情曾聞泣金翟。沒字空復嗟銅駝。知音幸顧聲價重。妙製豈任烟雲過。攜歸宗祏世永寶。參校蟲篆朋相磋。升堂似擬虹貫斗。渡水忽懼蛟興波。楚人得弓事。偶爾魯國取。卻禮則頗。投珠匪暗庶得所。挈瓶有智期靡佞。魏絳無功尙忸怩。展禽別贖難媮媮。土花未脫半滂滅。水墨不厭相授抄。從誰荏撞發清韻。令我才盡猶長哦。陳庭何必雌雄雉。出地偶復同雙鵝。有嚴在上翼在下。得純亡休福不那。銘有云。嚴在上翼在下。又琳琅金甌日環列。布素茅屋忘坎軻。家珍薦廟抵圭璿。神物在世光山河。人生如汝壽堅好。百年過半非蹉跎。

百節相招同石殿撰。玉陳大守。漢借余燕集

制署令公子出拜賦呈一律

木天追步許題襟。江國開筵又盍簪。同向行臺看玉樹。忽疑芳燕到瓊林。傳衣他日爭先甲。聽履中朝有嗣音。星聚東南依北斗。好添佳話在棠陰。

臘月十九日為蘇文忠生日招集同人設祀五

畝園次集中游蔣山元韻

文物開來者。神靈有惠然。拜同庚子日。會仿永和年。  
鍾嶺尋游屐。秦淮記泊船。公集有泊舟金鑄金思少梁苑懷前度。署有此會。  
伯題象替青蓮。公有題太  
吳宮借左偏。五畝園在舊吳王府東猶龍歸上界。馭  
鶴下層巔福讓三生慧。廉陳一勺泉九州知誕日。千古惜生天。手筆期同輩。心香結篆烟。高寒回望處。玉宇月娟娟。

贈張生次許漕督北楸韻

爭名何必向長安。湖海才高著眼看。文舉再生應爾薦。邴超一到令公歡。翹材得似平津少。行路休嗟鮑照難。脫手新詩勞贈我。有人擊節欲傳觀。  
花外山光柳下風。扶輿處處得君同。飄零未必才空老。漫減何妨刺鮮通。問字踏殘庭雪白。論詩敲盡燭花紅。休嫌仲蔚蓬蒿徑。自有高軒接鉅公。

江光一綫閣次姚比部韻

翠微一徑入雲斜。極目東南未有涯。江水白添連夜雨。嶺梅紅似半天霞。何年蘭若迷陳井。明脂井宋人謂在法寶寺

終古青山屬謝家。過眼韶光天愛惜。春寒留住十分花。

秋郊口占

未成邨落兩三家。古樹霜寒立暮鴉。不信秋風最蕭瑟。蘆花起舞學揚花。

唐太守仲夏石殿撰韻玉先後假館五松園有

詩贈于次韻答之

未到縣車便乞身。抽簪猶惜鬢霜新。問奇不斷門前客。投轄常留坐上賓。小築數間同傳舍。一年幾度值花辰。故交多占夔龍席。贏得江湖與散人。

霜葉多時戀故林。雲羅何處網翔禽。眼看弱柳風流在。坐蔭長松歲月深。庾信小園聊獨樂。杜陵廣廈負初心。落英芳草門前路。平世桃源任客尋。

一徑留莎滿客廳。幾人看竹問居停。已憑鐘阜為圖障。直借青谿作釣汀。攬轡未酬宣室問。還山不負草堂靈。狀元坊謂石象堂與文翁室謂唐陶山江左他時說聚星。

二頃何曾作遠謀。營巢應笑拙於鳩。圖書清閱蕭閒坐。花月春江爛漫游。賺我名同殘夢過。報君詩媿夜

光投到門一派春。淮水有約攜觴共拍浮。

五畝園落成口占十二首

小芍陂



芍陂浩千頃。一壑不嫌小。我無澤及民。灌園以終老。

蒹葭亭

露白葭蒼際。斯亭面碧潯。無人見高絮。一鷺下波心。

留餘春館

婪尾紅初綻。成陰綠未齊。春光無限好。留地種醅醅。

廉舟堂

唐太守仲寬題額云辛未之歲淵如  
廉舟堂觀察歸自東省宦囊蕭然不受屬城  
饋贖越數年人思樂易之德多寄土物因  
以曹南牡丹植於後庭後取鬱林廉石之  
義以署其堂且勉後  
人無忘清白之傳

移來深色花。臣門忽如市。方媿載石人。空齋一卷詩。

枕流軒

松際濤聲遠。荷間露氣侵。尚嫌泉聒耳。止水照清襟。

窺園閣

五畝輿公宅。三年董相書。黃金花色裏。樓閣是仙居。

蔬香舍

拔葵箴俗吏。種菜惜英雄。我愛薑鹽味。歸應爲晚菘。

綠斐芙

就竹架南茨。臨流開北戶。遠客屢移牀。此君常共語。

映雪亭

臥閣三冬嬾。凌寒一卷開。花光兼雪月。併送夜明來。

鷗波舫

烟水橫窗遠。江湖入夢回。觀魚猶罷釣。鷗鳥莫相猜。

奧室

花好迎冬旭。衣須振俗塵。任教霜覆瓦。寒谷早回春。

嘯臺

四山如畫障。萬綠見橫枝。嵇阮無仙骨。蘇門獨住時。

冶城絮養集卷下

芳茂山人詩錄第七

題羅山人 聘為子寫昔夢圖十幀

含飴夜課

乾隆十八年癸酉歲九月甲寅余生於常州郡城之觀子巷今劉氏宅也時家大人以四月入都大母許太夫人故守節撫孤及得孫愛憐特甚五歲入塾歸太夫人必篝燈課讀母金夫人紡縣其側比家大人歸已九齡矣

烏夜啼 香柚樹兒抱書來塾師處阿母視兒衣老嫗問兒飢兒就大母牽裙嬉大母勸兒書再續一錢買豆十回讀書聲紡聲燈一粟鄰雞欲鳴更漏促父歸識父兒九齡背誦文選留賓聽

山夕酬詩

歲乙未予始借室人王夫人來句曲官署屋前有喬松桐桂秋宵論史燈月淒清夫

人有詩云五更殘月欺燈影一樹風鴉續

烟霏露暉暉月出桐柏光入幃幽人對吟病妨冷柏子熱香桐淪茗開書瘦脫玉釧聲背菊幄垂翠鬢影錦衾懸薄牛衣似酌酒屬君還論史王章之妻兒女子何事干卿三歎起事見袁太史枚所撰志銘

地肺尋碑

句曲學舍去茅山三十里曾借錢少詹大昕訪求古碣復與洪孝廉亮吉信宿山齋中宵賭酒中峯或冬月解衣入蓬壺洞行數里深不可測燭盡而出同人訝之

弱齡頗好道慕有龍仙芝勾金之壇聞神仙所娛嬉天風吹衣雲繞足洪厓拍肩同信宿宵攜酒檣上頂峯冬脫裘裳入幽谷初成兄弟去不回越翳之穴迷蒼苔山中字相充隱耳不識梁武非仙才地肺玲瓏似堂密我欲南穿洞庭出龍威祕符不可得洞口題名土花蝕

采石同舟

采石有絕壁大書珠聯璧合四字俗傳是李白崔宗之醉月處歲丁酉子與洪君亮吉客安徽學使幕中登黃山白嶽上天都峯熟游青山白紵之間釀酒太白樓前而返

我游皖公山直造天都峯萬松偃蓋石鑿空鋪海千頃雲溶溶琴高溪淺魚可數八公山空鶴唳苦就中秀異不可忘白紵青山熟游處江光接天一葉舟東山月出同拍浮竹君學士文章伯想像高樓醉佳客洪生當杯感陳迹我亦題詩臨絕壁江山如此不逢

人醉酒大呼李太白

漢官訪古

歲戊戌至甲辰入關七載值畢中丞沅開

翹才之館著述之暇與諸名士出遊曲江

樂遊原訪漢長安古城所得瓦當文字奇

古程上舍敦嘗鎔錫印沙釋錄成書流傳

海內

阿房一炬成焦土金銅仙人泣移處長安所遇故物

稀片瓦千年出荒圃秦宮蘭池漢未央蕭相事迹珍

琳琅宣和好古惜未見不與什襲千金裝漕渠斷絕

昆池塞惟見高原劫灰黑路人但拜蝦蟆陵萬戶千

門豈能別君不見銅雀瓦如没字碑臨春結綺餘陳

泥世人知寶宣德製今所傳未央瓦如瓦魚目混珠

吁可悲

龍門題壁

癸卯歲北試下第自晉入秦借仲弟星衛

登井陘歷三天門訪絳州石天尊象碧落

文不得遂登龍門渡河之韓原仍至長安

節署

連山插天松挂壁竟夕風颭蕩心魄起登絕頂看黃

流雄雞一鳴日九赤循厓謁廟歎禹功斧鑿何處施

神工馮夷都深數十里萬丈蛟龍蟠水底有時發蟄

一聲雷多少凡魚欲飛起渡河展拜司馬墳如我壯  
游曾幾人君不見天池鯤化搏風雲濁河如帶難容  
身

蓬島游仙

予以丁未科及第入玉堂校中秘書於西

苑之文瀾閣旋以散館改官比部張檢討

問陶贈予詩有云十二瓊樓無定所神仙

何必住蓬萊

我昔飛步蓬萊巔玉樓落筆驚人天綠章一夕奏奇

字仙官不讀南華篇剛風吹墮白雲裏郎位哀烏冷

如水有時呼吸帝座通謫來猶在天九重銅頭鐵額

頑仙宅偃月堂開手堪炙招之不來官屈節揮手爛

醉長安陌浮雲蒼狗倏變遷我亦夢醒辭釣天青霄

冥冥黃鵠舉釣竿東去迷烟霧回視蜃樓小一漚散

仙更有逃名處

五臺省謁

乾隆五十七年 西巡之歲予以尚

書郎扈從時家大人官河曲令治道臺懷

省覲于清涼山麓自奉大母及母入都就

養不見家大人六年矣

長城北去山極天千乘萬騎來駢闐巉巖無路自終

古人力要令石戴土山環谷轉如平野鞅掌無時得

休暇征夫。心動馬回。頭遙見白雲。親所舍。循陔何日歸。採蘭翻累。俯畜羅晨餐。夜深去就。瓊帳宿起。訝瓊瑤照巖谷。雪花如掌。作陽春石隙。桃林紅萬簇。時大雪。桃花官高下。香烟生天清地曠。山空明黃衣之僧。占名勝。白屋無地屯耕。似間北臺尤斗絕。太古常留丈深雪。我疑此處有仙真。可惜前人無轍迹。

書堂問字

子始僦居琉璃廠橋之西宅。前有大樹海內之士。賞奇析疑者。咸識其居也。後移寓孫公園小拓室。字為諸名士燕集之地。每歲朝鮮使臣至。必款門投刺。朴卿齊家為子書問字堂額。又大書崔德語云。不讀五千卷書。毋得入此室。

琉璃廠西青廠口。塵鬻圖書街。尊自十丈紅。飛過客塵一。株緣認先生。柳高冠。褒服來叩門。登堂畫字口不言。愛才異域且同志。豈有文譽雜林傳。異書海舶有時出。不似大航留偽帙。開成石刻贈殷勤。要使薄海尊經術。興來落筆蛟螭翔。五千卷室崔德藏。似聞比歲朝。天客猶訪當年問字堂。

孔林觀禮

甲寅歲輯古文尙書馬鄭注。成企想前哲。有執禮器西行之夢。乙卯歲六月遂拜究。

沂曹濟道之命。展謁孔林。得見公府所藏宋元冠服及御賜彝鼎。良為多幸。

昔夢執禮器。隨聖東山行。豈知奎婁宇。外補來建旌。升堂不親丹書字。怒誠卻。媿鍾離意。前朝袍笏舊留遺。昭代鼎彝新拜賜。草草三年政未成。再過

聖域。心怦怦。微言欲絕後。生責手撰集。語酬神明。宋

據孔子集語簡略。因別撰成書。至嘉慶丙子歲刊成。寄聖公慶銘。

題吳君文徵為子畫江湖負米圖六幘

萬卷歸裝

嘉慶丁巳歲。子丁母艱。歸自涉上。但攜故書數十篋。時值湖河合流。渺漫數百里。大風一日夜。從舟相失。子翼母柩在舟。舟人惶急。禱祝子怒。曰。人以重貲獲濟。我乃以書遭神忌。不畏請於帝耶。應時風止。而書在他舟者。竟沈濕。或云聚書易散。且致火患。此可壓勝矣。

行李蕭然。歸泛濟。數十篋書而已矣。路人方笑使君貧。河伯忽然疑。意旨前舟風引覆水涓。後舟搖蕩不可維。千金欲奪子羽壁。六丁不護瀧岡碑。一波未平一波起。河湖合處深無底。大呼幾欲徇機輿。萬里長風應聲止。歸來檢點空嗟吁。卷帙散亂文模糊。或言藏書之家例遭劫。此物落水長無虞。君不見鬱林石

時苗憤廉吏脩然本無欲。人生者好盡爲累。萬卷歸裝不知足。

### 巫門訪墓

吳將孫子武基在吳縣見劉昭注郡國志引皇覽元盧熊府志謂在永昌鎮至吳郡志失載後人遂不知其處嘉慶庚申歲冬予偕董文學國華家茂才延買舟訪墓至巫門外地名雍倉得古冢有柏樹甚古土人呼孫墩惜無碑識定之越七年乃建祠虎丘東麓立碑瘞象云

吾家吳將高絕倫。功成不作霸國臣。春秋三傳佚名姓。大家却在吳東門。吳人耕種少閒地。訪墓雍倉一舟繫。鸞環惟見古柏存。徧覽平疇失碑記。傳家私印不可磨。家藏孫子銅印方不闔間冢側祠巍哉武成及寸文六孫武私印王廟廢不舉。東南淫祀何其多。君不見烏喙之鄰。施開謀內變。忽然消霸業。西施可惜入官遲。不付將軍教兵法。

### 青谿卜宅

子以丁巳歲歸南僑居金陵舊吳王府有古松五株因建祠祀明功臣燕山忠愍侯諱興祖侯故祀雞籠山功臣廟歲久傾圮今粟主附祀曹王廟至是始申明有司建

芳茂山人詩錄 卷七

### 立專祠

古松五株何代遺。後映鐘阜前青谿。迤東傳是江總宅。吳王苑近烟波迷。卅年作宦徒立壁。垂橐仍爲白門客。戶多車轍似充隱。家近吳頭常泛宅。松濤聲起萬壑喧。石骨叠作羣山根。清池觀儵竹籠鶴。風月滿院看常新。主人再歸甘蠖伏。賈文得錢還潤屋。佳賓時至與懸榻。俗客若來從看竹。碧玉水生新漲痕。黃金花放陽春暄。校書更上三層閣。載酒仍過五畝園。園在廟右

### 禹穴探奇

歲庚申予主講浙東之戢山恭謁禹陵並游吼山諸名勝考張晏注漢書稱禹陵上有孔穴則卽今陽明洞後人誤以廟爲陵明嘉靖間閩人鄭善夫妄指向西之隴爲立碣題識不經之甚予既據太平寰宇記知窆石爲孫吳刻擬作記辨正之

我曾壯歲登龍門。直過中年探禹穴。中間作宦苦羈束。日月真如電光掣。龍門壯哉比大文。禹穴秀絕如詩人。榻來謁廟有神助。雨脚收盡開朝暉。發岸忽晴是日甚雨陽明之洞臨絕壁。正對香爐一峯碧。游人不識孫皓碑。誤向石船呼窆石。碑崩太平寰宇記考爲孫吳時刻會稽之刻久失真梅梁改易新榜焚修廟閩人題



碼最誣罔青鳥之說遷古墳向平好游尋宿諾杖策更須窮五岳君不見虞巡那得至衡山我欲題名上南霍唐虞時南岳霍山在今安徽省尚書大傳諸書皆云然今以衡山當之太遠

延陵話舊

子與同里諸子交洪編修亮吉蹤跡尤密嘗以詩贈子云偶讀開成大傳詩七年我亦長微之又云神仙共挂蓬萊籍風月間吟楊柳枝其後竟同入翰林比戊辰歲從山東假歸洪自戍所回里與諸同人多文

謙之樂

青山莊廢花石移白雲渡近烟波迷素交重訪半為鬼黃墟一醉會如泥生平畢竟懷知己故土風光冷無比蔣公蔣侍御三徑罷開筵楊子揚大元亭空故隄魯靈光有老探花補觀論詩勒史逢人誇仙妹夜醉劉晨劉中贊宅食譜朝尋朱亥今中丞朱家翰林仙人狂欲絕洪編修自把孫洪比元白五雲同看御園花萬里獨踏天山雪近來所遇多後生相逢不識空知名西州再過有餘慟東山中歲難陶情老去頻思釣游處晨星舊侶驚重遇莊周莊刺會夢胡斐回趙壹趙司馬漫嗟窮鳥賦

湖樓話經

阮中丞元既延子主講浙東復建話經精

舍於孤山之北集諸生之高才者講學其中屬王少寇初借子送主授經之席精舍前有第一樓當湖山勝處予以鄭氏集經訓之大成許叔重存三代之古字議立主祀之

第一樓頭撰經話正對湖山最佳處中丞開閣思翹材招我來游浙西路樓旁許鄭新建祠壓倒白蘇空賦詩湖光欲入子雲室山翠自擁江都帷淵原更湖朱公叔先是朱文正提學浙海內傳衣盡名宿萬間常芒士歡顏五色不迷文過目幾時華屋悲山邱王通王少寇初示疾還歸休中丞移節改京職我隨今撫州衰病憐子北山住子近主講鐘山堂前問字少人過自檢圖書理殘蠹

題吳君文徵為子畫海岱拳帷圖十幀

東緡訪古

漢平狄將軍朱鮪石室在金鄉城北有畫象奇古予官涉上每歲防河曹單過此摩挲故刻搨本藏之後為黃流所漫舊迹都湮矣嘉祥又有新出武氏祠畫象及肥城郭巨石室皆與黃司馬易親至其地扶溝侯墓漢石室畫象猶留古人迹黃丞好事導我

游武氏祠碑更新出。我來行部攜桑經。詢訪古跡驂  
常停車前。入驕豈足慕碑下。七日難忘情。篋中墨本  
神明煥。再來已值黃流漫。千年邱隴道。翳迷咫尺滄  
桑眼中換。君不見桓韃石椁誰與題。南山雖錮無人  
知。昭陵發後蘭亭出。翻作佳話千秋垂。

南樓卻扇

兗郡南樓為杜子美趨庭之地。乾隆乙卯

歲之官明年為族妹與吳孝廉肅成昏於

使署妹貧隨叔父流轉至都幾為貴人筮

子擇才士許嫁焉大母愛其姿質收養之

如親出吳時方北試越五年入翰林

南樓雪霽月挂空。梅花翠羽照春融。華堂屏開感婚

夕。畫戟四照明燈紅。鳳皇樓峻遲回久。婿鄉合有神

仙偶。不是相攸溫嶠才。可憐幾似韓憑婦。我知季重

殊常倫。早年下筆驚淵雲。催妝詩寫簪花格。織錦梭

投綴。玉文匆匆又值春官試。太白樓前送征騎。將離

花下別。中閨遠志書回仍下第。記取盧儲一日知。杏

園春信未嫌遲。爭傳北闕凌雲賦。莫忘南樓卻扇時

單父塞河

乾隆丙辰歲六月河流漫溢豐縣決口單

父河隄亦壞予偕康廉使基田建議隄塞

築壩長數里遏絕大溜三日夜功成費銀

三萬兩復立重隄格隄單邑河患自此不  
作自經河決未有遏止者大府以下游江

南潰決未及

上聞康廉使記其事云

東單縣北岸黑龍潭夜間猝遇大水漫隄

下注決口二十六丈外灘低身三丈餘

水奔騰直注濤聲雷轟聞數里外時基田

與交沂孫觀察星行從河決口隄長四里

餘盛夏舊籍料用完新籍未登場乃伐近

地柳枝買民人麥捐剛柔相開用土迫壓

從西首鋪進收至東隄三晝夜鋪設河

不得進決口斷

東南比歲黃流溢疑有陰權蔽天日豐工已見大隄

開單父懸流亦遘疾黎明東望黑霧屯倏忽破岸同

崩淪青嶠已隨鮫室沒赤子盡戴魚頭奔東方廉使

王尊似偕我行河到河汜直憑身手障狂瀾並少蘆

灰止淫水芻茭未積勞輸將負薪擔土同奔忙填淤

淺處到深水擁遏兩岸臨中央地軸如山萬夫下虹

梁欲叱龍豷駕滄海為田只片時黃金與土真同價

眼看轉敗還成功古來趨事須和衷君不見帑金虛

糜七百萬隄塞不就嗟曹工曹工合龍卒不成明年

謂打乾口

泰山祈雪

東省無冬雪明年多蝗蝻之患予權臬時

以丁巳歲二月禱雪泰山及罷任回兗州

道經山麓時已三月一夕得大雪疑有神

應云

我從歷下歸東魯，龜山蔽天手無斧。一冬無雪蝗孽生，記禱靈山謁神宇。泰山初登高不危，如人大度無町畦。山長谷迴地勢闊，雖有邱壑非險巖。漸轉還如蟻行磨，一石千人萬人坐。石坡誰刻釋氏文，欲使豁流誦聲過。一重一掩路折紆，入峽似入壺。公壺豁然開朗見天日，疑出人世遊仙都。石梁臨潭倚絕壁，瀑布飛來徑途絕。回頭却認琴筑聲，空谷滴泉鳴石穴。萬松對面隔一山，蛟龍動影雲霄間。南天門高高幾許，輿夫蟹行馬蹄苦。金泥玉檢竟沉埋，汲字碑橫最高處。再來山下空舉帷，雪花一夕凌春來。隔年祈澤若有應，信我人忌蒙神知。看山憶舊匆匆去，回望齊山在烟霧。莫教潔白太分明，半壓黃塵半遮樹。

曹南樹碑

歲丙辰行河至曹縣訪得湯陵在景山即

皇覽稱漢御史卻長卿所見濟陰湯冢也

後世誤在榮河既移咨山西謝方伯啟昆

辨正其事因議賞修廟越八年復以參藩

莅東而究沂魏觀察成憲已為置祭田修

整祠宇予為立碑又嘗親訪魚臺伏羲陵

今亦誤祀陳州惜未請之于朝釐正祀

典

涉陰薄縣殷王畿，河流橫隔故迹迷。漢臣行河得湯冢，榮河之祀真傳疑。我來笈舍曹南憩，徧覽川原求古記。微鄉微子難識已伊尹墓，荒景山陵亦如平地。手題貞石為勒名，恍有夢寐通神明。魏君後至幸同志，為置祀產修軒楹。君不見伏羲陵在鳧山麓，宋刻元碑尚堪讀。豈知今亦祀陳州，祀典誰釐望當軸。

鄒平立祀

水經注載伏生墓在東朝陽即今鄒平之冢。子權臬東省以伏生傳書在秦漢絕續之際，議為建立博士訪其後裔宗譜申上之竟荷。俞旨有漢一代之儒始有列于

伏生之書藏屋壁，晁錯寫時幾朽折。當時或使女授簡，豈有經文口傳說。承家理湛俱通經，千秋冢墓留鄒平。聖門子賤本華胄，見顏氏家訓東州不闕馳賢聲。元

明耳食未問道，經義猶循安石造。南宋諸儒注經多南宋王安石新義

濂洛關閩博士多，漢儒未食傳經報。我來權臬始發端，撫教後裔屬長官。竟申政府荷俞旨，得有世

祿傳淵原。十年更撰尚書疏，先哲還從夢中遇。尚嫌

科斗變今文，敢後先秦求。訓詁子撰尚書今古文注疏多用漢魏以前說

彌阜吹沙漸欲平，遙瞻高密不勝情。禮官問有培柳為漢時有氏後裔並無出典容臺竟未駁斥外臺

柳東省近立有子博士其諸職有培柳有培梅

柳東省近立有子博士其諸職有培柳有培梅

柳東省近立有子博士其諸職有培柳有培梅

柳東省近立有子博士其諸職有培柳有培梅

誰奏鄭康成。

濮陽芟舍

嘉慶癸亥歲嘉平月再至東省奉檄補賑

曹南一路涉歷冰雪兩月魏觀察成憲贈

詩云義陵湯冢考原真行部重來廼澤春

別有蒼生迎馬首搨碑人與賣書人蓋戲

之也

我從沛上至濮陽。跋涉原隰凌冰霜。鳩形鵠面繞車

轍。升斗未徧無餘糧。頻年買穀無長計。東省穀貴常

補賑多折色倉。困空虛折錢幣。可憐滿把不充飢。誰

省。灾黎更憔悴。我從補賑聊從寬。明知多弊覈實難

中。臺未絕胥吏費。外省祇增供張繁。君不見汲長孺

河內發粟不取旨。又不見劉思立請廢賑簿停詔使

魏君作札還相狎。議我沿途購書帖。虛名或恐誤蒼

生。善政誰知困成法。

臨河訪古

博平有鳴犢河故道地與齊趙分界卽孔

子臨河不渡處也自河漫濟濱入海通流

至此予以甲子歲春之安德任經過其地

有句云河水又通鳴犢口春江不作狎鷗

人時兼攝登萊道又有句云三篋古書隨

後乘一雙金印在前驅

狄水揚沙壞舟楫。臨河昔畏波濤急。千年水徙鳴犢  
湮。幾時又見奔流入。博平境小齊趙分。我行至此思  
古人。宜尼憂患尙不免。宜我坐席無時溫。頻年南北  
東西走。捧檄裁沾祿。升斗勞薪愁過漢。金隄泛梗。撼  
輪齊。土偶移文慚媿出。山阿北上租船又納禾。未信  
澄清由攬轡。可能撫字緩催科。

衛水浮碑

旣官安德之明年有告衛河第三屯出有

古碑往視爲北魏營州刺史高貞碑中有

載卡字不可識予審卡卽弄字因爲移置

州學高氏族葬在此先出有高湛高植兩

碑湛碑楷法工致藏安德封氏

高家兄弟椒房戚。大家難防水衝擊。馮夷知我好古

碑。夜半浮出長河湄。畊氓見此驚告我。往視如獲瑤

瓊瑰。碑中奇字頗難識。賴我能通六書說。文初變楷

帶。分隸石。幸埋沙。未刈。缺。千夫邪許移入城。橫舍立

處高崢嶸。流傳墨本徧寰宇。考史共記高貞名。八年

濟北燕南住。善政應慙頌來暮。後人或比峴山碑。憶

我摩娑不能去。

潞河訪廟

子每歲轉運北上泊舟潞河之側通州元

己前無城自予十五世從祖故明功臣燕

山忠愍侯興祖始築城鎮守舊有勅建廟祀祀享常開平王後改關廟方志載有正

統時王植碑記今不可見矣

我遊河朔先訪古每歲維舟潞河潞河西元代未築

城燕山征虜於此停侯為常開平王金湯保障民載

德廟食會配常開平可憐故址難重識斗母官還委

榛棘方志云廟舊城尋徧東南隅不見殘碑署王植

金陵亦祀明功臣惟侯肖像猶生存明祖建功臣廟

臣像時惟公生雞鳴山基亦荒落粟主寄食曹王彬

存因虛其位我營家廟湖初祖後倚鍾山右王

今功臣木主寄曹我營家廟湖初祖後倚鍾山右王

汪廟象不可見我營家廟湖初祖後倚鍾山右王

府吳王府申詳有司各題他時或仗子孫賢廢祀通

州再興舉

題吳君文徵為予畫歷下旬宣圖四幀

明湖餞別

嘉慶丁卯歲夏六月權藩至歷下與石廉

使韞王交替借周通守世錦周大令馬蔣

少府因培餞別於惠泉寺寺臨大明湖在

歷下亭之東山光水色殊為勝境各為詩

紀事云

歷城滿地伏沛泉大明湖在城中間鵲華照影秀欲

絕蘆蒲拂浪鳴儵然行廚草草非難致半日開筵坐

蕭寺地勝看山憶故山心清省事如無事曼卿天人

講世間判筆不抵民情奸藩條一攬等失馬蓬島再入同登仙周郎清興蔣生筆且共尊前會真率陳君且莫問三空京兆只宜留五日

龍洞探奇

去歷城四十里有龍洞石壁奇絕或如累

甌或類削成方秋霜林紅翠若錦屏徑官

深泉流作琴筑聲又十里餘為佛峪多六

朝刻象古洞有隨唐人墨蹟題字子凡三

至其處所見關洛江浙名山無過之者

我游龍洞驚奇絕畫不成圖口難說名山踏徧孰比

方仙境入來疑隔別初循仄徑如桃源石上濺濺鳴

清泉前山引勝後山阻千回百折依螺旋是時十月

楓林赤花錦屏開照空碧側厓銜日半規紅絕頂留

雲一層白萬山斧鑿痕從橫一石壁立由天成或如

削方或重巖岌岌欲墜風雷聲緣山有穴入復出條

見飛仙上空闊遙看老鶴避峯巔誰置浮屠臨木末

前頭更有佛峪深隨唐題字重搜尋橫空結屋玉京

闕沿路飛瀑瑤琴音生平苦戀山水窟三宿難留意

超忽茲游猶恨未懸車我欲移山向吳越

安德行河

漢屯氏河即今衡水其支流北通王莽河

經德州至海豐鹽山入海歲久淤塞臨清



上游漳流漲發汶水低弱輒閉閘以防挾沙淤運糧艘不得出口謂之捫口自予建議重浚恩縣四女祠支河洩流入海捫口之患遂絕直省靜海一帶隄岸亦不至決溢時以權藩巡工安德

禹河故迹屯氏存支流通東經鬲津燕齊錯壤水利廢近海畧見溝通痕老黃河身今占種民力難資官屢空四女祠前舊道湮臨清閘外新沙擁衛流高處汶流低濁漳合之五斗泥挑沙放閘豈長策糧船不出丁嗟咨我來議浚申前詔故大學士劉文正

會直隸東省洩水先從下游導萬夫合作不經旬千艘遄行奏成效前年度地雪盈尺今年巡工雨沾幘不辭櫛沐至再三況復旬宣有專責君不見趙王河我曾議浚謀孔多消疏濟運究何日一雨沛上積潦傷田禾沛上趙王河久涸每夏雨潦淹浸田禾且特以濟運屢議浚不果

賓興得士

丁卯科鄉試得士有文登畢君以田經學無雙畢故與予舊交負重名久困場屋姚殿撰文田以對策賞拔之子時權藩主鹿鳴之宴以為佳話

大羅天上几筵張萬條紅燭相輝光龍迎雷擁聽名姓蕊珠仙籍鋪中央一聲堂上都傾耳莫省裴頭與

黃尾孤寒平地竟飛騰聞呼畢卓真名士我希開閣平津風稷下髦士來追從春花雖多秋實少百樹期收一穫功元之拾才有神識倒海求珠山剖壁目迷不失李華文心賞獨有劉蕡策明朝桂苑歌霓裳星攢多士雲龍翔座中方伯喜欲狂吾道東矣生升堂得今中義仲省文所作已白省文鐘次蘇文忠石鼓

歌韻作詩紀之

陶唐推律正建丑磬擊后夔瑟警叟見呂氏笙鏞間作和人神金石諧聲感飛走五鐘見尚書難觀失先型二典猶傳在人口周家考工重稽古義氏世官宜有後省文今中義仲銘字庚庚得三九銘云今中其用追孝于皇考已白用佩喜前前追史籀失斯喜文人子孫永寶用享凡廿七字後壓邈隸輕顏柳推求銑舞合古度夾鐘辰應卯值斗購之不惜金滿簾餉我還同叩懸肘平生耆古比昌歌真贗從誰別苗莠或疑已白卽紀侯大去國心存孝友春秋繁露玉英第四齊將復讎紀侯自知力可以不死也汝以志距之故謂其弟曰我宗廟之主我先君歲時有所依歸率一國之眾以衛九世之主襄公廷之不去求之弗予上下全宗季弟遣微子舒難同心而俱死之故謂之上下全宗季弟遣微子舒難賢臣無闕轂金壺注誠慎駑馬鐵畫遺文見科蚪文人追孝用佩喜子孫永寶祈胡奇世衰宗器詎長保鄭國竈嘗音契啖當時神物避兵彘出土奇珍奪尊卣邨夫野老不識丁熟視離婁等矇眙強尋韻字作

皇辟偽造禹迹迷岫嶮。我嘗居室先宗祧。追遠猶慚德歸厚。千年至寶人鬼敬。再拜陳辭嗣孫某。銅山金穴豈足恃。過眼烟雲化鳥有。不須什襲飾金玉。亟與特懸求。棊枰楊雄博物習。雕蟲宣聖考文窮。畫狗見文邇來解組作寓公。已免漂梗思土偶。抱之肥道老空谷。藉校古書期皓首。露盤金狄本沒字。僧父遇之從折培。尸臣官邑張敬釋。郡國鼎彝沒長取。光浮紅翠欲成虹。質帶泥沙先刮垢。外堂便作分器陳。傳世方期挈瓶守。施諸猛虜震越。細認追蠡未消朽。吾翁瞿鑠近九旬。進爵摩挲句眉壽。

張君開福從海濱得吳天紀甄贈予卽次來詩

韻荅之

聽雨愁風臥病時。經旬不出董生帷。蓬君楚尾傾程蓋。餉我吳甄勝蜀師。亦甄名或云蜀氏兩世交看陳紀在。子與君父百城書守晏嬰遺六朝古迹期同訪。一路燕昌相識春花趁好姿。

冶城遺集一卷

芳茂山人詩錄第八

題温忠烈公瑣遺象

孝非絕裾忠同銜須緊母之訓為臣之模國亡家亡光光司李血書千言脫屣妻子易名奕禩詒謀一經無忘清白尚有典型

蘇文忠公壽謚詩在西安畢督部沅署中作

公昔手題太白真我亦題詩為公壽乾坤茫茫替人在各有浮名挂星斗河間開府雄文章為公生日羅清鷗滿堂賓從盡賢士就中有客如公狂公神猶龍去天際畫手思公會公意濶達修眉一尺須胸中尚鬱如虹氣吟詩作賦亦偶然有時彈冠復挂冠一生不負范滂傳恥與俗士相周旋秦中舊是公官處八觀蕭條散風雨東湖一片月如煙披髮騎鯨倘重遇我家陽羨公所棲慷慨自賦除年詩江文通筆竟誰授紀少瑜夢疑吾私生年三十弄鉛槧不及秦黃媿生晚詩成一笑公可聞復恐來者思今人

試香

辟寒簾底漸氤氳石葉拈來取次焚銀燭暗隨灰一寸繡衾虛借煖三分離愁似雨都成縷幽夢從他欲化雲曾為如蘭人坐對錦裯幾日罷重薰

對月

隔簾當戶最含情半掩燈明半鏡明一度落如人小

別暫時圓比夢難成空階霜葉時成響虛扇風琴自作聲惆悵尊前邀不得關山如此又孤行

六哀詩

黃仲則少府

我識黃郎最少年典裘一賦正翩翩花裁陰骨須輪俊鶴比天姿合遜妍尚訣巨卿真死友子在安邑遇君病甚劇不辭阿嬰竟神仙方城一尉猶難得君時向可有科名到九泉

馮康齋廉訪

升沈官位憶馮唐識偏長安賣賦郎同輩方子雲注容甫洪撰存揚蓉裳諸君獨好著書逢客諱自耽名教愛人狂武昌魚好廉寧食安邑肝多惠豈忘君前攝常州太守何處遺孤啼素舸恐無琴鶴換歸裝

少日逢誰眼最青句容博士老明經袖中詩去琅琅誦座右書來字字銘別後豈知年在已死前空想室添丁君詩有野客年衰懶算空庭花傷心兩度餘發望添丁之句竟以死後得孫陽過腹痛何曾莫綠醺

朱岷源學博

來是單車去一棺秦關西望恨漫漫遺書避債臺中著斂骨翹材館裏看太史卒在弇死有孝標能念助調中生憂僕射不憐韓子時在中丞幕府太史贈詩

程魚門太史

翰林學士本天才不及相逢把酒盃八百孤寒連夜接千秋四部一言開生前題柱心傾寄學士本識于學對陳吾輩月下世死後登堂雪涕來于以矣令信少白因入他日鴻都聞更奏好焚邕篆請泉臺前奏請刻石經會荷士旨頌翁山中丞亦擬有此奏

朱竹君學士

平泉公燕集羣賢子以翁山中曾識靈光尚巋然韻字至今留篋底是日竹柏之權分韻風流從此散廷前思量孤負遊山約公曾約作不忍重題卜硯篇公屬作宋謝枋得惆悵愛才非昔日平津閣外幾掛硯詩竟亦不流人傳

查儉堂撫軍

游隨園贈袁太史七首

五年客夢此山中重過名園話不窮惟有先生與開府謂畢相逢教吐氣如虹小隱金陵卽謝墩春游長日任紅裙桃花十里人家種欲擁詩仙上綵雲山泉流漲入方塘三徑新開竹數行孔雀窺人金絡底似知來客有文章一重雲影一重花金粉成圍住紫霞幾代清涼輸六代又教山色弄繁華

等身詩卷著初成絕地天通寫性靈我媿千秋無第  
一避公才筆去研經

赤城桃樹倚雲栽越嶠梅花逐蝶來天與遊山人關  
鑑宗之顏色謫仙才先生攜霞裳遊天台羅浮而歸

愛士人猶似昔時劉又多謝世人嗤却懷知己生平  
語無復才奇氣尙奇先生始見子詩有奇才少也云天下清才多奇才少也

偶成

城南壯士始囊戈思婦家家望月波醉入長安市樓  
卧箭瘢如掌賭誰多

晃朗寒空卷甲光戊樓沙薄月荒黃班生二十空奇  
表只夢穹廬伴國殤

酒後步月

捲地寒光起積烟遠山如夢失平田稍看白霧縈天  
末便有空江落眼前星影碎傾霜樹裏遂風冷斷碧  
雲邊酒腸詩思清如許不信茲遊骨未仙

二月花

二月花二十人花枝一生人一春春風紙錢滿新陌  
不見花墳積三尺花枝看客常白頭頭白誰遇花時  
休烏程千石作花壽黃金百斤繫君肘君行忘死花

怨生與汝衰髮移芳齡松生千年自伐性紅槿逢君  
傲君盛枯香殘萼無驚吹勸君且復開雙眉前身只  
逐東風去却換紅顏入世來

花開

一花才開一花落門外車聲殞聲續玉堂美人讀道  
書不放春色窺幽居游絲初明日絲細自愛清寒服  
朝氣古梁蟄燕亦避春入室靜對爐烟温春風百萬  
花舞骨獨瘦梅魂歛香雪

清明

棠梨低飛雜蝴蝶白袂紅顏上墳立酒香百滴持勸  
君莫漠土花澆不入古原日晚游人多駕裙風帶相  
經過可憐異體隔哀樂蜀魄自泣金鶯歌江雲蕭駭  
欲飛雨一去西郊一南浦居人淚盡不復來月黑空  
呼鬼鄰語

寒食出游

鸞霜行托大堤暖獨燕背花飛自遠城南書客來覓  
愁步屨只在林塘幽墳頭蝶逐人出却認生人作  
枯骨花間有樓空數層殘絲眯目愁孤登麥苗低迷  
柏濃膩絲雲如烟染天地原頭春早花落多二月踏  
盡如春何花為顏草為鬢華年無多天亦吝一月春  
歸去年閏

題吹簫引風圖

披圖真見鳳皇臺憶得仙游訪古同秦女鳳臺故跡在盤石  
惆悵長安西望遠秦雲猶為故人來盤石在盤石  
林巒澹施秋光淺臺殿高低月影深此夕參差為誰

思只餘紫鳳是知音

愁夜

卷簾唯挂枝敗戶或垂蘿苔積蟲多思牆傾月易過  
腕消驚劍落影瘦覺鬢多頰書彈淚粉對若拂愁蛾  
慚同相秦別各染茂陵疴擁翅雞无響心長柰夜何

題繩旃伯父畫

伯父官遷日重逢在 帝京山川于役苦琴鶴舉

家清多別衣塵滿相看鬢雪輕畫圖傳本色仍是一  
書生

伴柯家萬里幾載別江湖滿縣花無恙隨身風有鶴  
閒情工染翰上考謝催租何日東籬菊歸山醉百壺

口占送萬大令應蓉之官仁化

嶺南令尹今才子謁 帝承明結綬新此去好成

清白吏別來休憶軟紅塵酒傾岐路醒千日花惹離  
愁過一春桃李他時栽滿縣瓊樓須念忍寒人

闕題

長年渾一夕知爾慣孤宿如何隻棲客眼冷睇空綠  
波搖想滴袂簾動疑轉轂纖暉不盈天一羽自肅肅  
幽病斷香縷苦淚并尊淥塵網暗不收棲螢上翬幅  
孤肩耐風露病息驚在屋曉色何勞勞懸星似魚目

新開河放棹東章觀察

竹里途中憶六朝新渠一例潤肥磽鄴都水好誰能

用賈晉功多怨自銷禾黍高低人放間谿山回互客  
乘潮清淮聞道須重濬慮始人誰嗣鄭僑

仙游潭口占

穆駿曾傳過樂池隨家行殿圯何時多年事往雲仍  
在終古巖深客未知木杓欲橫人境斷石形疑借鬼  
工奇風流我笑髯蘇怯題字重來却讓誰

臘八日出遊贈莊明府

山光向曉雜陰晴柳色知春解送迎臘八日從遊蹟  
記三千里放客愁輕幾人影共征鴻亂半嶺雲添積  
雪明拈得新詩報賢宰年豐村落有懽聲

口占贈莊公子

青山絲竹紅樓夢起為蒼生却未遲官若限年應更  
好似君樂過少年時

瓊樓

瓊樓隔青漢美人如飛仙開戶月澤迷折花掃流烟  
邃心飄空濛裏裏不得省應有露脚來秋衣一時冷

殘愁

殘愁裏裏中孤眠門外流魂墮曉烟小閣一層天萬  
里不知春綠到誰邊

梅莊訪陳華南郡丞其地本韓斬王宅

桑柘千畦擁一村霍山半面對層軒詩人不為鱸魚  
去三泖春波直到門



清風遺閣挂藤蘿想見看山也枕文不是蘄王行樂

地荒涼臺榭本無多

濃翠交窗惜不摧繁紅經雨落成堆牡丹到此難矜

貴只共山花一樣開

為我招邀客到時簷花替裏坐論詩桃源草草留賓

日那得知音共酒卮

題羅小峯梅花冊二首

想見江南幾樹斜瓣香絕伎屬君家神仙未必都寒

儉寫出冰天爛漫花

放膽文章筆有神圖中象外勢橫陳梅花若肯勻顏

色穠李天桃不占春

玉蘭

迎春開趁早春時粉膩香溫玉斲姿容易階庭長得

見人從天上望瓊枝

牡丹

濃香豔質自天然栽入樓臺望若仙應笑東君相識

晚不教開占百花先

菊花

傳延年是神仙侶瘦骨疎香好自持珍重花開金粟

後歲寒留取傲霜枝

月季花

已共寒梅留晚節也隨桃李鬪濃葩才人相見都相

賞天下風流是此花宋人有天下風流月李花之句

題梁匠誨孝廉接山草堂圖州文任

蠻烟掃黛雲巖碧玉麟踏空曉無迹畫綃回首古牂

牂一笈編蒲誦青白喬柯留蔭威遠樓郎君下筆相

如愁試飛尺檄諭父老八驂訪舊天南頭

題金月湄舅氏解鈴圖

短衣長鉢碧山隅手弄金鈴持虎鬚自繫不妨還自

解目中原未有於菟

詩豪酒俠見天真翻笑城南射虎人我愧巡方無異

政披圖空想獸能馴

針魚翁望對江翠蘿諸山

江豚翻波早潮突獨鶴飛遲覺天闌收帆上岸客始

驚却視一舟輕欲沒山頭曉寒收斷霞樹影細碧如

籠紗狂風吹衣不得渡隔岸青山謫僊姪

闕題

素浪疑衝桂殿開仙舟疑犯析津回騎鯨客去東山

冷此樂千秋待我來

伍詒堂索題南山圖乃王麓臺為其先世張太

夫人作

畫臨北苑留真蹟坐對南山作壽杯想見絳紗慈範

在一獲傳世抵瓊瑰

移家金陵卽事

自看雙鶴掩柴關靜看浮雲出岫還不問蒼生不攜  
妓謝公直是爲青山

綠楊風引到山家拄杖尋幽日又斜滿地繁紅正零  
亂牡丹不放十分花

經時無術惜才疏檢點空樓一寸書北去心情渾不  
定刀魚放下憶時魚

翠微深處列華筵碧漲生時蕩畫船孤負水衡貲十  
萬歸來儘用賣文錢

遊攝山次江總遊棲霞寺及虎穴寺韻

茲山吳楚望古跡宋齊肇小別四載前重來三月杪  
鷹身入巖劫飛步出林表厯劫幾樹存詩有六排空

萬松小捨宅今尚存題名古逾少天開巖有唐沈傳師題名福見不得

惟佛龍內有朱繁華及春餘濃香發清曉紅或錦纈  
胡恢王芳題字然白疑月華皎時繡球壯谿香閱靈藥山靜辨鳴鳥

未窮絕頂遊猶望空烟裊吾衰取適志勇退豈云矯  
幸遇名僧談僧然然氏集無嫌俗人擾

入谷亦不深能使世慮捐殘春去何駛滿地驚飛絲  
瞻眺故鄉近定省歸思懸愛此無心雲舒卷東南天

山迴隔林薄逕轉通人烟蔬香勝肉食茗酌非貪泉  
伐木尚求友宿桑匪棲禪大還乏仙術小隱逢堯年

題家頤谷侍御深柳勘書圖

早投簪紱老烟霞絕業名山願正賒自欲讀書求甚

解不妨種柳似陶家

疏通經義証康成作賦寧矜擲地聲天與吾家難王  
肅叔然死後替人生

掩淚遺文手一編門前烟柳故依然鑿楹不負書千  
卷欲向同時著述傳

題紅蕙園

一種幽芳遇賞音數花絕豔逸難尋孤根有日辭空  
谷看取丹心換素心

汪紫珊西園餞別圖

鶯啼花發節喧妍重向邗溝泊畫船風景西園都似  
舊再來秋柳又飛絲

已別延陵又送君驪歌岐路不堪聞深情千尺春江  
水可抵紅橋月二分

文壇詩國鬪名流日近長安是壯遊十載交朋易星  
散酒壚重過不勝愁

官閣新吟絕妙詞折梅他日寄遙思知君定有鱸魚  
夢夢我東南理釣絲

題陳進士凝齋道遺影次姚太史韻

國士思模范儒林想鑄顏紀羣傳世澤濂洛在人間  
子舍終身慕書城百堵環詔條徵別集琴德仰高山

義舉拏瑛獨清風化懦頑肝江樓隱處叢桂幾時攀  
題甘夢六桐陰小築圖

炎曦滿地紅桐影接天碧中有展書人歌聲出金石  
書卷三千富桐陰百尺高孫枝看出屋雛鳳亦凌霄  
君築青谿陽我居北山麓朝爽共披襟歸雲過飛閣  
嘉樹真堪譽清尊開日開羊求蹤不斷論古訪君來

黃梅次韻

密綴枝頭半展時才過小雪是花期先春正色霜難  
壓晚歲寒香菊未知落葉有情同抱樹夕陽無限在  
高枝兩行金粉平分處却笑江梅破萼遲  
檀心靜裏有香傳粧點昏黃水國天半面玉顏疑對  
酒前身金粟不棲禪眉間相映姿長好燭畔將融質  
更妍千樹花光圍白屋抵他宮闕住神仙

題靜坐圖

蕭然襟抱欲凌雲不用移牀遠俗塵江左士修耆舊  
傳斗南家有再來人此時木落真吾見到處風生四  
座春我正耽閒遊物外相看偏愛葛天民

次韻贈張船山

避俗君能戒獨清浮家我亦學逃名但令人愛陶元  
亮未必途窮阮步兵中酒好忘經世志著書聊遣暮  
年情長安令僕多才俊不用牛衣問仲卿

慶方伯以其尊甫尹文端公遺象及袁簡齋王

夢樓象合裝成冊又自寫小象并寫張船山

及予象彙爲一冊屬詩紀之

傳衣箇箇喜聞詩繡佛人人願買絲雅集西園曾作  
記風流東閣許重窺三朝共寫者英會半面真成曠  
世知鍾鼎山林各千古後人須恨不同時

題六梅閣詩冊

自結吾廬傍虎邱何曾鄧尉放扁舟摩挲尺幅梅千  
樹五月披裘作臥遊

闕題

綠蟻頻斟座上清青萍時聽匣中鳴浮雲只似人間  
世學道心平事亦平

何日扁舟訪戴行數峯江上引詩情開械更捧家珍  
重一卷兵書抵百城

題吳思亭禪趣圖

得道應須慧業生忘本自儒家不用攢眉入社未妨  
微笑拈花

佳士寫真非易名山絕業長存有客香薰曾鞏抵他  
絲繡平原

題嚴小秋憶秋圖

陰煞江南杜牧之蕭蕭暮雨倚聲遲誰山秋色清如  
許更寫先生返棹時

古詩

富貴有不如貧賤安足恥向長所未知死何如生耳  
我知倦思睡所惡擾之起恬然就衾枕冥漠如小死

耄期慕休息大卧同一理釋氏想更生神仙有蛻委  
其於來去間戀戀不能已聖人見其大凡物有終始  
精神留著作形質付孫子况有廟食人馨香閱千禩  
爲我報子長易義不外此

題陳舍人希哲天寒有鶴守梅花圖卷

我昔別北山寓鶴友人處十年還山鶴仙去輪君與  
鶴常相守早年禁近抽簪久曾趨温室樹無言歸詠  
孤山梅在口雞羣顧影殊常倫爵糜雖好思出塵白  
雲長護書千卷明月來窺酒一尊君不見腰纏十萬  
何足數鶴到揚州思遠舉又不見車前八駿徇以身  
華亭之唳那可聞歲寒我欲尋三友鄧尉梅花鶴與  
君

題巴臬使哈布看劍引杯圖

東閣風流乍許窺披圖宛對浣花詩賈生自媿相知  
晚不見吳公作郡時  
旬宣到處有仁聲心跡無私比太清電掃公庭稀訟  
牘于公把酒益精神  
滇南樹績在旂常孔翠高冠出上方平過人間不平  
事一條秋水匣中藏  
循良治譜本兼儒公暇重開萬卷餘佩犢帶牛風盡  
革三吳大有爲公書

戴星勤績已傳留秉燭何妨作夜遊我亦扁舟學吳

詠論心多上庾公樓  
知音兩世結緣深花萼追趨到竹林紅葉樓臺如畫  
裏勞公一棹訪山陰

題地樓夜集圖

谿山最佳處細路轉丹樾漸升坡陀高遠見飛闌豁  
禽聲正相樂花事亦未歇夏友期適來遊蹤興難遏  
摩碑訪遺宮淪茗到禪窟歸途展折齒列坐燭見跋  
玉山一時積金盞十分凸凸分手卽席間懷人忽天末  
題詩補前塵對畫慰中渴憶從婪尾花看到當頭月  
揚州方立堂招飲作

別緒紛紛話夜闌故交鄭重整杯盤尊前落月隨人  
到鬢上新霜秉燭看蛤蠟味邊忘事易鱸魚風裏去  
鄉難廿年陳迹依稀在他日鷓鴣盟未可寒

爲吳玉松太史雲題蓼花圖

紅蓼偶相對滄江思渺然九衢塵土裏一夢水雲邊  
玉宇寒逾豔花磚望若仙歸舟應羨我小泊此花前  
題裴孝廉鑑午橋耕讀圖

晉公別墅記南莊勝境重開句曲鄉地肺仙山當戶  
列秦淮源水到門長傳書不墜青箱業觀稼還營綠  
野堂我愛青谿作流寓謝墩南畔冷城笏

題汪大令聽泉圖

空谷泠泠碧玉音似曾相識寫曾襟飛颯影自蓬山

下樓鳳枝還聖域尋

為吳思亭題錢葦石先生蘭竹

不見靈光有所思淋漓醉墨想襟期丹心直節無人解付與空山片石知

饒春和戴竹友 延新韻

花事闌珊急雨催春光未老興先積贈行倩爾將愁去小別如人有約來濃綠似嫌頭上雪飛英猶戀手中杯錦袍灑酒仙舟蕩此樂人間第幾回

題陳舍人 守譽 薊莊山居圖卷

輞水樊川併一村何時親款太邱門百城書卷承先世 發齋先生嘗聚書數千卷總命曰江西文統 第五才名並哲昆 君行 雛鳳早年看展翼桃花平世豈無源清涼山色聯吟處止惜先生席未溫

僑居金陵客有比予隨園者戲作此詩

孤負隨園曠世知生兒略早去官遲也營招隱三層閣尚少驚人萬首詩福地淹留先有約名花開放不同時只愁此後無窮世賭墅爭墩又待誰

隱仙庵古梅

六朝山裏一枝春瞥見繁花照眼新歷劫不消香骨格幾生修到玉精神年深未必求知已夢好常疑對古人不是隱仙狂道士空山誰與鬪荆榛

十一月廿一日慶方伯過常州屬題黃灣泛月

圖卽次元韻奉送入 觀

金閨亭畔手纔分又值扁舟訪戴人一夕蘭陵同翦燭渾忘霄漢與沈淪

鏗火杯盤共一杭最佳風味在鱸鄉饒他邗上三分月可抵江南一片光

大海浮萍易合蹤朝 天莫惜去匆匆誰摹李郭登舟處添箇神仙入畫中

贈行東閣折梅華有脚春回未有涯不繫舟中重話 舊制著有亭文端公題不繫舟與袁簡齋集處 知公節鉞又傳家

惠山第二泉觀魚口占

水底游魚上碧天山光日影共澄鮮中冷未必清如此妄被人呼第二泉

題周助齋載菊圖

開尊看到傲霜枝九晚香中記索詩花亦知君難割愛春蘭秋菊不同時

仙厨絡繹進奇珍笑我空餘漉酒中一種簪來花更好高冠翠羽鬪鮮新

扁舟人望若神仙幾輩同尋翰墨緣記否耆英高會日尊前花是傳延年

又題鄧尉探梅圖

已盟鷗鳥卸銀魚水色山光黛不如却笑孤山太孤寂要看紅袖折花初



沈烽靜柝等閒過豔曲尊前喚奈何驛使縱傳春信  
到一枝不及萬花多  
風泉聲裏管絃清錦翠叢邊雪月明高卧東山閒未  
得愛花心似愛蒼生

題采芝圖

弱齡慕仙術蹉跎鬢霜侵中間困游宦及此初抽簪  
朱君究方技福地來句金間有龍仙芝見茅山志結伴同  
招尋茅濛避秦隱越翳入穴深咄哉陶隱居混俗無  
遐心梁武非仙才虛譽相浮沈我乏駐顏方卧疴對  
遙岑早讀黃庭篇不為梁甫吟相期訪真侶舒嘯開  
神襟舉手謝時輩遺以青鸞音

題王觀察廣言憶舊游圖八幅

續室書簪夜向闌雪花入戶泱泱瀾誰知絳帳虛垂  
日報苔宣文逮養難  
款段尋詩塾角巾槐花如雨逐征塵錦秋湖水長山  
色併入文章秀絕倫  
含香粉署幾經年檢點山公啟事傳我亦鴛行曾聽  
漏高寒回首夢鈞天

一麾秋曉出春明且莫登仙羨此行何術澄清纔攬轡  
至尊前席問蒼生

鐵溝重過不勝情歲歲乘槎指析津一鶴迎門似相  
識再來人換繡衣新

金焦兩點鎖江流破浪乘風作壯游九萬圖南近霄  
漢低飛何事羨閒鷗  
觴客南屏畫幃中至今石室繪文翁須知燕宸聯吟  
處電埽公庭案牘空

九疊匡廬杖策還驚人詩卷動江關待君更握三吳  
節吟徧東南一路山

閩督董同年敬增歸里賦贈

廿載重逢鬢雪新卅年同醉杏園春一生峻望逢迎  
少九曲巖疆節鉞尊外補摠關宣室念君性見時  
與汝俱外任亦是榜運遂初還乞散仙身尊鱸正  
好時清泰出處俱堪傲古人

題嚴子陵却聘圖三首之一

畫中風景似前知雛鳳雙雙抱又攜圖中有載得西  
施只孤往浮家此段勝鳴夷

題周明府午日山居圖

萬壘青山一派泉公庭銷夏正鳴絃誰知枳棘卑棲  
處心在羲皇上古前子隱不妨來立石東坡止解此  
求田更慙咫尺桃谿路未放山陰訪戴船

乙亥花朝同人集五畝園吳思亭有詩見詒次韻奉答

結廬人境隔塵囂舊雨頻來不待招千載論交忘月  
旦一春行樂過花朝竹林徑好三三鬪梅閣寒從九

九消老去相如重滌器何須榮遇說題橋

方觀察體招飲署齋時新葺綠雨山房次吳思

亭韻

病來書欲納楹桓作達輪君酒盞寬茅屋數間重結

構葑簷一路待全安經綸花石真餘事圖寫江山亦

壯觀壁間有盧山好繼陳勛請疏浚潮溝春水十分

乾時議復秦淮水

道便民運載

殘銜明滅隔書帷門外霜風動地吹浙瀝雨聲愁不

斷呻吟病骨痛難支永懷茅屋將積戶遠憶扁舟涉

險時我擁温衾坐深閣也須矜恤漫嗟咨

自七卷已上乃檢篋中零星稿紙編次成帙此第八

卷爲冶城遺集凡古今詩一百二十三首又七卷中

搜羅未盡者也先生詩多不存稿九歲作落花詩有

句云明月照空池少與同里知名士遊爲毘陵七才

子之冠復以伉儷能詩嘗摹宮體有婦病句云眉痕

偏覺瘦來濃指爪都從病後長一時傳誦蔣侍御和

寧嘗稱先生詩云氣清才奇筆超非吸風飲露者不

能也其縱橫光恠真推倒一世智勇吾鄉大有才人

應讓此君出一頭地程太史晉芳亦稱先生七古詩

云蒼涼沈鬱自有七古以來此種未滿十首真太白

再生杜韓則無復爲之何況餘子客長安節署與友

人一夕賭作銷寒各體數十首踰時而成文不點綴

惜已散佚僅存東坡生日詩一首耳暮年酬倡之作

氣息醇茂尤得風人溫柔敦厚之旨其餘題詠尙多

散在四方他日搜輯再刊補遺從子壻龔慶謹識

賦

館試千尺雪賦

以飛流激峽盈科不已爲韻

訪泉聲于巖壑挂瀑布于烟霏望千重兮峽峻儼六  
出兮花飛吳郡峯多數寒山之故蹟說文箋罷題聽  
雪于禪扉始則幽人疑徑逸士沿流谿水濛洄悵桃  
源之誰入小山蟠鬱攀桂樹以難留想三島之神山  
未通銀闕比五丁于天棧空望金牛乍疏鑿兮粗加  
遂林泉兮發秀劈當玉于崇巒走白龍于孤岫風吹  
不斷披襟則快與相當石破飛來礪齒則寒難多漱  
于是光照幽崖涼生遠峽陽春不散訝瓊樹之常新  
碧漢逾明擬玉山之高插誤蘭舟之訪客安道頻來  
問蓬戶之幽眠袁安應快旣躋攀之迢遞亦激蕩之  
晶瑩似匹練兮孤曳方皓月兮常盈積是天山無間  
寒温之節落非銀漢猶聞斷續之聲爾乃襟虎邱之  
岌業帶鶴市之陂陀嶺穹隆兮比德峯縹緲兮同科  
仙闕遙開似靈巖之石峭天花亂落奪鄧尉之梅多  
昔之放浪烟蘿淡懷簪紱雖托志之幽遐遜茲方之  
奇崛氣凜然以自異雁過頻驚徑覓絕以誰援鳥飛  
猶不山非仙而亦名人其地以專美況江介之膏腴  
又蘇臺之密邇看遊屐之時經觸吟情于無已自  
天題處墨花與玉屑爭霏拔地移來峭壁共貞珉並

峙

冷城集補遺一卷

芳茂山人詩錄第九

長門召幸圖

流天明月夜笙歌向曉銅壺靜不波  
恃有黃金買詩賦可知永巷望恩多

閉門

閉門苔綠抱幽人  
枝朽書淫動一旬  
何物牡丹猶爛漫  
江梅開後已無春

俠客行

三尺劍如枉矢主人奉觴客上視  
主人緘介莫復言且去海上尋神  
仙朝行歌暮行乞綠蘿如烟坐石  
室武功尺五骨夜飛日脚射面聞  
天雞青裡前號鬼旁怒客于此時  
馳不顧鬢絲一夕爭心長尺組爲  
國平邊疆佞臣頭汗不足用飲器  
須復煩名王

送別

城開見春草極此萬里天何不斷  
征路青青分道邊離程斷還放手  
何能及看盡陌頭人雙辭復雙立  
君行路多岐我心有因依東風吹  
楊枝百葉盡向西鞭聲鳴空林知  
君去烟底淚冷不得銜風吹落眼  
尾呼君莫回頭前有百里程波明  
單騎影華晚獨吟聲獨吟還獨宿  
夢識青山曲一夜鵲聲離驚魂落  
谿屋酌我綠玉醪開君瑤華音窺  
杯見愁顏投杯感孤心

寄洪大禮吉

絕業平生亦有儔  
異人盧霍待孤求  
百年易冷名山骨  
萬里誰馳極塞頭  
獨旦逃現休輟舞  
兩賢蒙羿亦須讎  
牛衣尚有長貧婦  
爲訪騰空作遠遊

詩三章

鳳皇爾何能毛質欺四海不及銜石禽  
精誠死難改山羊一角能觸邪  
裁形作冠當殿銜白磨我謂可蘊  
醜世盛安用相驕誇男兒自有志  
江水亦有涯涯空詎無旁志大終不  
他譬若金在鎔我必爲鑊錮鑊錮  
森叅一千丈決雲能開截流響安能  
從汝繞指柔正畫匿形如魍魎

懷蘭褐衣中種蘭無人處折蘭擢爲  
灰慎勿寄行路芳草自有心男兒亦  
有思眼中天多地三尺抽劍百遍行  
前墀男兒雖有思芳木自有心青桐  
未伐更百尋安用屈折揚徽音子期  
叔夜去不反九死莫作師涓琴

義車何嗚嗚微物各有求  
雋才無長年夢鏡已白頭  
精氣塞大明遺蛻安足留  
黃埃濛濛撒如雨下辨齊  
州盡絕土中天白日若不  
光我浮其生讓前古吟詩  
作賦豈足論後世知我勿  
以文朝狂暮狂胸礪礪復  
取醇醪自昏穢朝愁暮愁  
衰色侵只借粉蠹耗雄心  
淵騫以後盡章句入傳莫  
復求儒林

陶隱居遺址

前有陶淵明後有陶隱居斯人乃生六季餘桃源蒞  
蒞不知路只惜先生此山住道人指點白石壇古屋  
裂地生琅玕心知至人本無跡尙厭碑碣汗名山丹  
砂茯苓此閒足何必聯翩至皇屋山中章奏達帝闈  
非吏非隱胡紛紜當時丑木變草肅宰相已受前朝  
恩君不見大茅仙人亦殊苦上界今猶列官府

神仙曲

海明昊天雲立空懸珠結玉成仙宮桃顏阿母雙鬢  
蓬裁帛夜寄東王公莎羅作轡駕紫鴻吹落笑語從  
迴風文螺之厄碧蒲席白蛙如霜飯塵客鮑魚腥聞  
少靈骨重霧媼娥喚劉徹蘅蕪枕暖夢不醒明日密  
刺刑文成

自江寧至和州途中作 四首

斷煙疏雨近清明陌上花枝笑獨行一夜孤吟憶屏  
渚兩番別淚洒金城空村病馬驚風立落日荒雞趁  
客鳴小住溪頭最悵春波如夢綠蘋生  
短棧裁恨與閨中夢破征途怨曉風藥裏不靈生太  
瘦愁城有味賦偏工可能兩鬢年年綠驚見山桃處  
處紅記否勞勞別時語索君詩寄北來鴻  
王孫去後草黏天裊裊游絲欲化烟淺碧四山圍款  
段亂雲一樹挂秋千漸憂壯歲如三月可悟前生是  
隔年灰蝶有心飛不去豆花開遍野塘邊

窮交千里悵分飛誰欵家園舊雨扉自謂過之今不  
及閱人多矣子真稀好憑采石爲書几欲踐天門作  
釣磯江西北江南兩愁望白雲幽桂素襟違

幽居

閒禽有餘樂相對鳴不已石逕銜梅根風檐響柏子  
空光隔簾青落照入林紫中有草元人鬢絲垂兩耳

夜坐懷吳二

開卷思君久缸花落紙燃瘦應憐我在寒欲到君邊  
忽憶醉歌處驚看月露鮮素娥如解語不忍向君圓

春感

黯黯羈愁枕手眠征魂凄斷買花天一痕殘照千絲  
雨春色如人弱可憐

壁上新詞網細蟲月寒燈盡背香籠檀奴不返春空  
老敲碎檐間玉馬風

曉渡烏江

日出江頭榜聲苦啞啞啞雜人語飛烟胃空滅復  
明對面帆檣迷處所舟人說事不解愁驚起殺魄鳴  
啾啾英雄失路古同憤一夜夢斬淮陰頭只有碧流  
流不已壯士聞歌髮休指重瞳背寒赤龍死西風欲  
立一江水

曉坐

曉風吹檐絲桐花落如剪暗綠凝愁眉濕紅團淚臉



羸羸出竹煙斑斑積階薛瓦獸對蒼巖銜松下荒廠  
蟬軀變靈質柏髮易衰鬢空簾感秋人流光展書篋

寄內

新恨都因夢微涼不解醒弱螢棲戶動飛露墜枝明  
帳側銀鈎落檐虛玉馬驚芳心灰共滅隱几道書橫  
蟬響動高梧星低夜暗徂疏霜生玉溲斜月覓金鋪  
壁靜蟲牋在闌空雁帛無鬢香銷枕久不耐曉吟孤

病目

西施媼母久失真妍媸過別天公嗔今人碌碌古人  
在此中那得空四海我今有眼青不能白眼嫉俗宜  
為懲天公彎弧射眸子欲令狂生悔如此豈因酒惡  
生紅雲不為風酸落鉛水請對以臆目若言公勿嗜  
飲羅烹膳凝神寂慮壹氣存母耗爾精德之門我聞  
大笑莫予侮瞭眊胷中豈無主張生不盲舜父瞽世  
間病目那勝數日月有食回清光至理苟得形骸亡  
腦脂遮眼我何病快意一醉猶能狂

入塞

廟食將軍笑烏啼少婦愁徒聞萬人入獨有貳師侯  
自喜邊氛靜何辭薄命休所嗟空物故不獲共馳頭

和胡雲坡宮保師紀

恩詩元韻

崧高今古迭生申當代儒宗有替人一卷遺經傳似  
續三槐奕世晉絲綸白雲望比天樞貴烏鳥情通造

化仁請諡期過還賜諡非常令典為耆臣

九家撰述揚先志乙部收羅契 帝情楹內納書

齊相去殿中曳履鄭公行論邀文矣千秋定諡取良

哉一字榮自是甘盤勞記注載 恩追孝感交榮

燕翼人皆頌德芳龍門我幸近清光西曹肺石論寬

猛南國甘棠未翦傷宮保曾官周甲年深增少慕文

公青世兩朝 主聖得臣良承家又見孫枝擢齋

吏部與星行清白遺規慎莫忘

闕題

麝蘭香好莫輕誇一種人稱及第花除是仙人攀折  
得廣寒心性厭繁華

散花時節近重陽招隱吟成舉別觴應是秋風吹不

落山中顏色畫中香

題折蘭美人

回首天台有所思青衫白袷好年時窺牆不為東鄰

宋直愛青蓮醉後詞

俠游前度記停棹香水溪頭第幾家不但成陰愁杜

牧種來桃子又開花

珍重崔微畫裏看沈香薰罷供幽蘭攜來小影天邊

住應夢飛身入廣寒

送徐臬使所之任江西

石城雙槩送行旌春水三江比別情曾否替毫議承

旨居然投筆笑經生淮徐堅壁紆籌久隴蜀膚功唾  
手成贏得傾尊重話舊萬花影裏碧山橫

雷茵

蟄蟲初醒燕初還自愛園蔬未忍刪幾處踏青經雨  
後一聲隨荀出林間偶同蘭草生當路莫認仙芝賺  
入山內食客來仍染指爲他失箸也開顏

題青山莊訪古圖

里居時子與洪雅存太史亮吉王秉玉比部  
育璋吳公珍明府堂常遊青山莊尋訪古迹

閱十餘年予得第入翰林三子皆計偕北上

會合京邸補寫爲圖其後洪王登第吳以縣

令隨牒中州又數年而王捐館舍又十餘年

而洪吳亦下世矣

眼看華屋變平疇席帽僧衣落拓遊交密總思貧日  
好情多常替古人愁黃廬寂寞稀同輩白髮淒涼過  
故邱一度披岡一怱悵青山門外卽西州

立夏前一日趙味辛懷玉

舟過吳門小集授書  
堂味辛與林遠峯第俱有作次韻和之

一權江湖水接連逢君剛舉餞春筵遲來未與耆英

會前五日與潘榕皋吳玉松周勛齋石琢堂諸君有此叙得句重聯翰墨緣鷗

鳥盟寒甘鷺退子規聲好勝鷺遷重觀橋同年遷官

春光似海留難住獨閉衡門畫欄川

幾輩重登李郭舟細從華屋數山邱人如魯殿成遺  
老水愛平江少濁流過眼花開到婪尾擊鮮魚早集

吳頭時始食鱖魚未成歸客攀行客又向常州入潤州

菊有同枝異色者紅黃並放因屬袁吏目爲圖

口占紀之

駢枝殊色鬪濃纖點染秋光費筆尖如此名花耽隱  
逸姚黃魏紫一身兼

題汪小愚桐陰聽鶴圖

菊花叢裏扣園門難得相逢把一尊可是家山忘未  
得桐成琴後鶴乘軒

君住西湖我北山除書恐復到柴關未妨他日隨雲  
出又買扁舟載鶴還

題甘于湖敬侯墓碑

東晉衣冠成古邱文孫不媿繼賢侯蕭蕭風木鍾山  
路訪墓何時跨蹇游余祖明佐命功臣諱繼達賜葬鍾山至今尙未訪得共墓

寄王生詩

袖裏桑經眞故紙眼中瓠瀆又登臺蕭蕭白髮華年  
去可似黃流挽得回

闕題

會記鈞天結綬隨見公自媿挂冠遲東南山水題名  
偏況有驚人萬首詩

五色雲中數少微三高祠畔遂初衣家山未遜蓬山

好雛鳳摩霄亦倦飛

九月晦日王通守招集得樹庭作

風光又餞九秋天得樹庭開扇履聯脫略要如斯會  
少招邀終賴主人賢清歌嘔嘔珠同貫晚菊疎疎燭  
助妍却笑病夫剛制酒爲君破例一陶然

重疊前韻寄方觀察體

未妨鹽鐵議從桓經術能兼吏治寬司馬園林非獨  
樂杜陵茅屋似山安三三會恐追陪後七七花開頃  
刻觀方牧清風只如此豈宜筆笑德琳乾

單父塞河詩

一卷河渠手重開防川此日爲低徊誰知都水行河  
去翻似高人荷鍤來詎假長菱和玉瘞徑須捧土障  
流迴毫殷從古嗟昏墊先事何人與捍災

功成不日聽輿謳紅旆巡工下綠疇曉埝人如春蟻  
出夜堤燈似燭龍遊放晴天與經旬便輪枯田仍一  
倍酬極目東南風浪惡江鄉誰與繪民流

賈策於今未合宜上流築堰竟相持黃金與土真同  
價滄海爲田只片時比戶視民猶按堵看山容我又  
支頤自來河勢同兵勢祇要爭先一著奇

曹南道中即事

麥浪村村見桑陰處處成政平民物便官定夢魂清  
訪古經雷澤看花駐郡城最嫌游未倦旌蓋促行程

九月二日工次作丁巳

早年姓字破人知中歲功名漸覺遲九十韶光過一  
半此中爛漫是何時時年四十五

霜整箇箇客前排菊藥離離影亦佳卻對杯觴不能  
引黃河萬里在胸懷

誰言曼倩戲塵寰玉宇高寒鶴未還屢見桑田變滄  
海神仙光景似人間

也隨雁陣宿高岡喜見犁田透麥芒拋擲華年與佳  
節忽忽七日又重陽

將歸江左作

夢見歸期已有期重看衰鬢惜歸遲官隨病去愁才  
減鶴共書還喜可知出山崎寄鶴友人處尙厭浮名添俗累幸  
無長物擾清思仙都未抵東南好花月春江載酒詩

吳次升太守送牡丹至金陵卻寄

驛騎傳花到恐遲故人情重合酬詩移栽堂北蕭閒  
處憶見曹南爛漫時丁巳歲試土曹南植牡丹正放異種未容金作  
價清風應與石相知唐陶山取廉石之意爲余題廉卉堂白門四月春

如海人愛姚黃第一枝

弁山中丞見示木瓜詩四首次韻奉和

是誰投我伴堂空永好情添一倍隆秋實有人成獨  
賞歲寒知雨更堅中經時抱樸兼金價他日調元上  
藥功恰稱廣平心似鐵不須梅惹賦才工

雕盤玉案薦相期一摘寒林莫怨遲心比和圓能不  
轉味如諫果有餘思求曾若渴虛長夏熱豈因人獨  
後時定恐東陵名近似細從香氣辨差池

相於懷袖亦因緣耐久交同竹柏堅曾與提攜休落  
手不施雕飾竟朝天宜州人種木瓜鐵紙作花根留  
以充上貢見本草圖經

中土疑雲上山憶宣城隔雁邊金粟前身誰省識好  
離形相認方圓

植梨香讓久還聞桃李情同重不分作報商量清比

玉相扶容易步凌雲莫愁抱蔓隨秋盡須省傷根有  
客芸曾子芸瓜誤斷  
其根事見家語看取華堂存碩果主人栽得十

年勤

龔子少山編次吾師遺詩合之手定諸集共得八卷  
蕪既爲校字付之剞劂矣復搜羅散佚將編爲補遺  
適句曲裴竹隱茂才寄示藏本一帙皆丙申以前少  
作中與雅存先生酬倡者居多南麓先生因屬亟爲  
校錄前稿所未載者共得古今體詩二十四篇悉以  
附入斯編並投之梓噫乙未丙申之間兩先生皆諸  
生耳顧王君周南旣手錄其詩裴君復藏之篋奇珍  
若琪璧今兩先生手稿往往棄去無存獨賴是帙以  
傳若裴君者其亦異於世俗矣夫受業海寧楊文孫  
識

長離閣詩集序

曲阜孔廣森

昔靜女之三章取彤管焉被壽人於笙磬非無都荔之詞列縞宿于羲娥不廢葦杭之怨葛山少婦執越布以歌勞柘館貞嬪裂齊紵而歎逝書之硯北盡金屋之奇才選入江東卽玉臺之新詠女子善懷香奩尙已則有通華胄望淑慎閨儀南國新人東家舊姓十三織素二十七裁衣漱潤蕤于瓜年刻芳名于茗玉長言婉婉女師德象之篇好句流連吉甫清風之誦前身蓮葉不踐陳泥他日椒花必多新製况復鴛鴦左顧孔雀南飛歸小婦之高堂調弦錦瑟識上頭之夫婿絡轡青絲鑪熏夕而共香鏡照塵而同影司空博物本兒女之多情內史工書作夫人之弟子斯又王郎天壤愧此多能居士桑榆羨其嘉耦者也若夫紅羅帳掩朱鳥窗開初成墮馬之妝自服游龍之彩繡餘茵苔倦卽停鍼製就茱萸織常當戶莫不語緣情靡感與候遷牙管一雙金釭二等雪凝謝苑擬飛絮于風前日出秦樓歌條桑于陌上至如雙聲讀曲香沈水而郎歌繭懸絲而妾和西陵松柏便結同心北地焉支彌增善昧香囊叩叩是繁椽之定情雜珮珊珊有鄭姬之驚夜奚止爲歡玉女爭投百箭之驍射雉珠臯始見三年之笑又如草生南浦梅下西洲

贈子將離呼卿小別葦藍盈匊指五日以爲期蕭艾懷人比三秋而更遠遺簪紹繚破鏡連環書檢六張文周四角蘭成集上曾裁寄婦之言徐淑詩中不少望夫之什亦或少君歸里對挽鹿車侯光去吳仍偕鴻婦漢水之平塗七百江陵之遠道千三春嶂青螺來發雙蛾之色秋波白鷺迴成九曲之珠是則七邑東征曹家善賦百泉舟楫衛女寫憂抑亦詩發乎情情生于文者與然而蓉生江上杏倚雲邊未免牢愁誰能理遣重以諸姬適邨未歎肥泉季娣歸郢先零弱歲芝焚易感蕙質何堪幾日飛龍祇愁藥店數聲別鶴忽上琴絲簾塵則榻冷琉璃吟筆則林空翡翠左思嬌女能無失母之悲班固佳甥應有問神之作於是子荆改服文度多傷求故劍于箱簾綴遺輪于鏡檻紅桃麗宇遂書河北之箋白蠟妍辭徧識閩中之媛而或者謂結璘有藥弄玉疑仙三髻雲鬟蓬壺已隔層波羅襪洛浦仍逢倘作異聞傳諸好事則綢繆贈荅將皆戴勝之瑤觴宛轉聲音盡入彩鸞之唐韻



閨閣而工吟咏事之韻者也綠窓名藁伽音著集風雅之家述焉然大致不外賦草題花抽青媿白非必有驚人之句超詣之作鄭貞懿云近世婦人女子作詩率皆纖艷委靡桐城方夫人云偶爾識字堆積離礙信手成篇由斯以論實其然乎余觀王孺人薇閣偶存詩有異焉其思幽以沉其言超以雋揚激楚之清音役精空之妙手蓋雖苦吟雅宗之士有所不逮可謂體絕香奩才雄巾幗者已聞孺人端麗明慧熟漢晉書工楷法多才藝顧年僅二十四而化去屠氏湘靈袁家君懋折玉埋香古今同歎其詩尙有二百餘首尊人菽山先生索之未至茲所見者才三四十篇而已菽山先生將以授梓屬余爲點定爰弁數言於簡端云閩縣葉觀國

序薇閣偶存詩草畢復題長律一首

容華刻玉氣吹蘭細帙長隨鏡檻安罷繡吟成藤紙貴留香草在墨池寒生天有籍宜叨利住世無多似小鸞若向詩家論格力長江昌谷重登壇罷繡吟候虞鳳著留香草合刻屠瑤瑟沈天孫詩

薇閣偶存弁言

閩縣何森林

東鄰亂女爭傳賦若之才南國佳人競做簪花之格紫絲步障時落譚鋒青玉華軒頻灑絮雪鮮妍翰墨居然衛氏夫人英雋才華允矣袁家學士豈特釵鳳鏡鸞之句妙著新妝亦非香蘭醉草之吟代傳白燭者也觀薇閣偶存詩集併讀小傳知爲毘陵女士姓王氏名采薇別字玉瑛乃武進王明府菽山老先生之第四女句容廣文孫君書屏老先生之冢婦而茂才孫淵如之德配也靈慧夙成岐嶷蚤異蔡文姬六歲辨琴徐惠娘八齡作賦端莊靜一不愧林下風姿貞淑幽閒羣仰閨中儒雅誠所謂埽眉才子當不徒刺繡神鍼無何零陵道上倏逢解脫之緣女几山頭竟作飛昇之路振珮環於天上餘韻無聲留詩卷於人間靈膏不散瓊鐙灰冷三更好月空明寶篆風微一縷游絲竟去掌天厨之九百天地人寶藏兼司檢月牘於三千始中終夙根未斷茅君西畔夢訂後期叨利東偏詩傳前事考月夕之分數兼聽鴻溝傾灰墮而遲留空悲慧劫絳河已杳長居離恨之天青鳥不來永隔塵緣之路聆鐘聲於闕下蓬島宵分滬露氣於宮中瑤臺夜迴五霞洞掩已鞭鹿而逍遙

一足童來枉焚香而睇視靚流雲之黯黯密緒  
千絲聽珮玉之錚錚芳魂百匝靈雖長在總香  
杳而冥冥見卽如初亦生生而世世語雖涉怪  
事卻非誣傳密思於仙娥皆堪訂證寄遙情于  
乩筆孰語荒唐顧遺事之可傳究仙蹤之莫挽  
就使樂天長在徒刊紫石之文劇憐牛女云亡  
空誦遺芳之稿爰吟短截聊當輓歌謹撰弁言  
用申哀誄云爾

翡翠玻璃得所於絳仙才調女相如玉京難覓脩文  
客珍重紅妝作校書

殿居切利鬱巍峩青鳥西來隔絳河惆悵昆庭石公  
子吹笙何處聽雲和

偶來塵世了前因知是蓬壺第幾人劫火灰殘天地  
老白楊青草石磷磷

幻影過馳廿四春瑤環莫認去來身劇憐故國招魂  
地曾否趨庭晤老親

題辭 并序

三山張經邦

薇閣偶存者毘陵王菽山先生第四女玉瑛女  
士遺草也玉瑛不櫛書生埽眉才子楊盈川之  
女少賦金釵王內史之妻幼工絮雪性獨耽夫  
吟詠手不釋夫篇章鸚鵡視中罕點石州螺黛  
鷓鴣香畔恒攤蜀郡蠻箋重以案側伯鸞人間  
司馬才真勁敵歡比良朋從枕上以論詩直欲  
遠宗四傑向花間而吮筆非關頻埽雙蛾意必  
探珠音還憂玉以庚庚之妙理運乙乙之幽思  
斯固慧勝文人請超巾幗者矣詎意優曇一現  
僅開頃刻之花切利先歸遂駕長離之鳳芳園  
豆落祇結相思露井桃殘竟成薄命嗚呼天閭  
難問呼妙子以何從仙路非遙幸巫咸之可叩  
爰憑青鳥還寄素書掌玉殿之縹緗勝彼瑯嬛  
百架降瑤天之咳唾裁將金簡一函密語深情  
不數分釵擘盒青天碧海空懸夢雨靈旗噫王  
子登不踐紅塵董雙成虛傳遠信與思及此厥  
痛何如是以菽山先生先示一斑於梨棗而淵  
如孫子尙尋斷夢於稠桑雖令方朔術窮迷雲  
輿兮八極尙冀劉生傳在貽彤管以千秋用敘  
長歌聊充哀誄祇慙禿穎莫罄靈奇爾  
瑤光炯炯煥天章散彩遙臨大道王第一仙人同妙

想次三神女亞厄娘珊珊風度離仙闕慧質明眸朗

秋月似吹芳氣作蘭言疑隔冰牕見香骨仙女昌容隔牕見骨

愛繡細帙近簾裾少小先工倒薤書鳳珠平連金翡

翠菱花移傍玉蟾蜍更有清才薄柔靡揮毫獨把鉛

華洗俊逸寧如罷繡陰精深真陋香奩體詩成高唱

入層霄露滿瑤臺奏六么跋膝聲凝雙鳳管參差音

颺九鸞翹夫壻由來亦仙客碧虛宮裏曾借謫天台

雄賦擲金聲零雨清吟擘銀畫階前唱和月痕斜趙

管風流未足誇那知一夜飄蕭雨落盡同心姊妹花

從此朱顏減歡思投琴獨灑看花淚孺人以悼花如

人面不禁秋流雲爲車鶴銜轡用薇姊致疾渺渺茫茫離恨天

水晶闕外住霞耕反瓶覆水空悲咽難寄桐君十幅

箋脈望薰殘檢書暇鏘然風送仙音下董雙成到步

虛輕一足童回寒漏罷噫吁乎上界真人游戲歸祇

餘荀令斷腸詩願將別鶴離鸞曲寫作芙蓉閨死詞

讀長離閣詩漫題卷末 儀徵阮元

青燈涼涼夜如水魂豔心香動殘紙病意多從別後

添吟懷已在生前死琉璃硯匣彩雲天好事人間那

得堅玉臺空有傷神句鏡裏宮花破不圓

長離閣集目錄

長離閣集一卷 詩七十一首 詞一首

燕燕于飛

山中作

自君之出矣

山中憶吳如霞姊

復與季遠夜起視月同作

池上書寄薇隱

望夫石

香草河舟晚

晚步

夢遊

秋胡

蘭芝曲

華清曲

昆靈曲

前樓

句容齋舍

寒食吟

秋夜荅季遠

夢天

春眠曲

夏行曲

秋望曲

冬坐曲

木蘭詞

春暝曲

離居曲

霽行曲

病中憶歸效簡文卦名詩

曉起效徐陵體

早起憶弟婦

銅雀臺

不眠

曲渚

山空

雨夜

病臥得季逵詩

送春

山夕

幻夢

初春

山夕

夢起步後園

半領和薇隱韻

舟次

有感

水宿

九月十四日舟由丹徒夜半與薇隱乘月登岸

行三里作

寄薇隱次韻

山齋病起憶亡姊

苔薇隱復次前韻

悼姊

寄季逵時客和州

空室

山夕

蔣墅舟次和季逵下第有作

七夕悼姊

憶別和薇隱

晚立

二月十七日東薇隱

得薇隱從金陵寄一書

三月三日

夢起

寄父

空樓哭亡姊

春夕

秋夜不寐

哭姊

臥病

向夜

偶成

歸寧後尋亡姊故居

夢中作

又

幽夢

寄季述

回文

和薇隱韻 醉花陰

附小傳

事狀

墓誌銘

長離閣集一卷

毘陵王采薇

燕燕于飛

流光何暉暉暉暉亂春日獨燕銜愁來懸飛鏡池淥池淥何多情堂空復孤鷺羽豐離其窠哺足辭所生回身顧新侶得食哀哀鳴

山中作

夜松何濛濛月小飛不起知有抱瑟人垂光碧簾底露氣明曲巖花光照虛夜一片白雲聲飛泉隔煙瀉  
自君之出矣  
山中憶吳如霞姊

自君之出矣兩瘦不相識炯心如流丹掬贈焉可得

帷鏡照宵衾澗水聞夜室天靜遠烟搖華雲度流月幽棲亦心好思子方首疾憶昨寄遠書淒淒淚盈帙生愁一何滋少樂從是畢虛房想清讌蛾響落清瑟何由寄新吟慰我中似結

復與季述夜起視月同作

虛扉淡宵開涼鏡照幽素肅肅鴉不翻團團雲稍去蛩底聞行泉箬黑辨浮露外役于此捐中疴自茲念循階桂華歇交戶瓜蔓吐徒乖有懷衷未協長往趣亦有同心人斯情積難訴

池上書寄薇隱

日曛幽眠涼流雲漲巖曲相思寄長風動汝窗外竹

長離閣集目錄終



池頭孤行薄羅冷卻憶把書雙對茗受露衰荷散葉  
香臨谿獨鳥矜毛影

望夫石

妾顏初如花妾心已如石定情雙妍姿不忍君歸見  
衰色妾顏當彫心不移妾身亦化君始知冰爲肌草  
爲鬢山頭無人寄君信妾意淺君心深恐君復化填  
海禽冤禽來銜石方動不作巫雲入君夢

香草河舟晚

疎林無人葉飛影暝渚歸帆貼空冷斷岸泥多鴨爪  
痕亂山鐘到鴉巢頂鄰舟嫋嫋歌入烟明月已讓星  
懸天來風吹衣恐仙去白道還疑翠微路

曉步

曉色凝不來鴉唬去何許茶煙生溟濛孤桃索人語  
幽亭無人拓窗徧一桁碧山低未見日氣如烟聚水  
心雨光滿地流花片

夢遊

一星迷濛遠谿路出礙荒烟入橫霧峽中泉氣冷逾  
秋峯底天光碧疑曙僂鳧飛空蜀江小露雨香挑覺  
春早瓊樓貝闕搖靈瓏衣翠霞紅各漂眇流雲爲車  
鶴銜轡心著游絲不堪繫斷橋圍水水壓牆雙燕爭  
魂墮空砌

秋胡曲

珂聲瑤瑤踏春疾立處蘭風下林未柔柔落臂弱不  
收花頰流紅射朝日冰綠夜斷不願金妾淚自墮因  
著簪倉庚少婦能銷妬磐石男兒不鎖心

蘭芝曲

嗁鬟垂雲粉黃落夜半嚴粧起幽閣已分單棲似伯  
勞劇憐薄命逢姑惡紅桐掩墳秋骨灰阿母淚落心  
當回莫隨怨魄填波去合化幽魂促織來

華清曲

玉魚如冰冷犀齒雪色靈禽作仙使石扇龍銀守別  
魂不似蟾宮敞千里蓬萊山高無落虹釵盒夜泣翡  
稠空雨零石磴荒夫草網暗宮門縊女蟲

昆靈曲

宮槐曬曬向清曙蠶粉梁空燕無主玉篴不動踏堂  
塵簾底菱花學眉語蟬絲細帳蟲織成秋算夜碧嗁  
潛英翻翻小蛙隨君幅跡跡衰梧作履聲

前樓

前樓交樹檐柯徧後戶穿窗月輪見樓空貯愁愁不  
升飛露著鏡如吹鐙長天無鴻斷來信自禱夜風吹  
夢近一夕參差隔院聲梨花飛白春人鬢

句容齋舍

山鶯破曉第一聲綠蘿雨落如珠纓連松猶合夜泉  
響殘月不避晨光明晨光隴隴逗深幕開戶持書候

空鶴零雲一片吹不開卻挂碧潭潭上閣

寒食吟

花枝揚揚柳宛宛不動陂塘水芹短破冢孤梅掩骨  
深敗牆小蝶尋魂遠紅鮮綠穉隨春天咽咽蜀禽飛  
不高紙錢挂樹雨淋盡滿地暝煙開鬼桃

秋夜蒼季述

金鑪無香道書朽隔枕秋聲下殘柳瑣窗眉欵愁寄  
牋懸夢已入浮雲邊蕉廊風多獨吟處落葉幽魂各  
來去寒蟲一夜唳漸低露白星黃共爭曙

夢天

碧闌十二花無數桂葉低籠若青霧蕊宮誰遣別魂  
游只有青禽送來去波離扉薄不上關對語月姊瓊  
樓閒銀河珊珊瀉聲小手弄白雲天下曉

春眠曲

篔簹壓戶簾紋細空色湖光著山膩鶯眠樹杪弄垂  
絲翅上花鬢醉芳氣琉璃隔香香暗流薇帳夢醒聞  
輕鈎空闌盡日無人影日炙落紅焉不收

夏行曲

白波疊玉荷如錢綉戶織月疑空煙青蟲挑鬢受花  
露丹鳥入幕樓芸編疏桐垂陰下苔井雨去新蟬一  
聲警蘭堂夜靜還獨開小玉眠涼抱枝影

秋望曲

花梢凝霜散寒螿檐角垂絲挂零葉南谿別處渚連  
空瘦綠愁山照波濕細煙青鎖雅尾長淡日半入幽  
蟾黃虛房未曉吹鐙坐露眼風蹤弔曲廊

冬坐曲

曲瓊押幔香絲起酒波微皺夜及子花蟬心朽不得  
仙粉蛻空僵碎黃裏風樞龐龐通月澤屏外鳥嘯瘦  
林直已罷懷人更憶親冰紅淚落蘭膏碧

木蘭詞

生男勿喜歡生女勿悲酸女生當縣弧女足亦莫雙  
行纏不見木蘭女代爹征可汗出門望行塵日色青  
漫漫顧笑諸少年泣行胡郎何汎瀾流塵凝雙眉飛  
露綴兩肩閨中何能貴不及鐵衣錦韉黃金鞍閨中  
何能豪不及銜霜度雪聽風湍蛇矛丈八氣決前精  
感白日昏沙煙生還見天子天子動色言要金佩玉  
作織步綽約顧影驚千官上堂拜父母父母疑重看  
開簾覓我故時鏡手脫長劍分雙鬢君不見東家女  
兒好顏色朝貧穿絨莫貧織西家女兒衣盈箱自矜  
嫁得金龜郎男兒封侯妾何有要取黃金自懸肘

春喚曲

青楊分鬢下拋地暝色春空綠膏膩怨土成雲葬玉  
京虛簾燕落相思淚檐鈴細語春眠回撲樹晚蜂嬌  
不歸園扉斜開石泉冷笛韻吹愁出苔井黃月如星

慘一鉤杏花樓暗藏人影

離居曲

露華網戶參差光碧筠粉薄如棲霜涼堂下簾簾空  
地素手無分玉如意燔膏作鐙檐不紅夕撫綠綺空  
窗中一聲涼破楚天碧去雁叫影思離鴻南山點苔  
愁向曉獨客腫腫涉長道樓前月浪卷衣來夢裏江  
聲隔帷小

齊行曲

幽窗無人竹枝重晴色風林散雅夢曲沼圓文上薄  
冰差差曉日魚吹動黃編落枕愁獨眠下階自惹花  
間煙金蟾鎖春不得住已入暗戶生苔錢南雲沈沈  
雁慵度鳳紙回文積篋蠹已是春衫染淚來亂紅更  
見鵲唬處

病中憶歸效簡文卦名詩

雁小過樓迷流雲復滿溪蘿蒙纜上月竹比已開扉  
蠟照憐粧損蟲吟識夢離旅魂宵不定革帶日仍移  
病漸因霜痼心恒似葉危何時升晝閣言歸妹把衣  
曉起效徐陵體

春鏡動春烟春林綠半天簾低壓枝卷窗迴對禽眠  
書帳蠅彈紙琴牀風觸弦辭衾惜香在掃徑待花薦  
研墨汚羅袖看魚落翠鈿誰云厭長日終是惜馳年

早起憶弟婦

日華生曲沼昨夢去東軒露雨出深草禽花雜一園  
粧餘唯拂卷繡裏更看山護葉如長帶蘋英似小鈿  
何時話離恨雙笑北堂前

銅雀臺

日莫碧空杳望窮如有存雲凝想歌態月轉見牀塵  
草暗露凝跡樹斜煙曳魂此中君不起何許泣能聞  
可惜分香女都無殉没人

不眠

不眠虛靜夜憶別損清娛月芒生鏡匣露顆雜簾珠  
徑壞轉鮮葉巖寒尙碧蕪息檐唯旅燕映樹有垂翬  
夜夜梅枝下迎寒減病軀

曲渚

曲渚斜生白疏星動欲昏四更桃葉影一縷杜鵑魂  
斷雨還零砌虛簾自打門蕭蕭庭竹短都作淚花痕

山空

山空收夜氣墟上露千星嶺月流塵几窗風亂道經  
鶴隨雲到戶蟲與葉棲亭是夕懷蕭史幽行徧綠汀  
雨夜

響急衣砧合聲沉漏箭隨黛痕侵故壁香影聚重帷  
碧簾眠傷骨紅鐙病壓眉數株門外柳苦伴暝禽垂  
病臥得季述詩

病減無三日春歸又隔年能傳閉閣句來破擁衾眠

落雨時連蒂喧禽不出煙開簾放香篆應始覺晴天

送春

如何送春處不見有春歸落雨絲闌住殘花蝶門飛  
黃驪正漂蕩碧葉空參差徒傷持桂酌况復易裘衣

山夕

草蟲門徑遠一路入谿煙月滿無人地鐘殘有雁天  
心孤聞動竹衣冷近流泉欲覓鄉關夢樓空獨上眠

幻夢

幾疊春山路誰分碧扇開露光生竹石雲氣雜樓臺  
鶴度涼潭去鐘穿薄霧來微茫天水闊我夢正尋梅

初春

曉鏡慵梳飾幽窗夢破遲梅梁波反影芸帙曙通曦  
花逐調琴指鶯隨入鏡枝十分春欲去惆悵未成詩

山夕

將暝室生白松花滿石關碧潭琴影瘦黃葉客衣單  
網露迷蘭徑茶煙惹竹竿瓊枝空憶夢挑飯不能餐

夢起步後園

蘭香流一澗桑烟染半岑雨開殘照影花動小樓陰  
蜂晚能喧夢塵凝不上琴何時識芳草眠裏定幽尋

半嶺和薇隱韻

半嶺幽居好疏談向夜分劍明疑有月香細欲生雲  
新醞皆松朮清娛有典墳湘簾池上動苦露濕行裙

舟次

風斜舟近岸竹外復蘆中樹裏屏中綠荷愁鏡浦紅  
殘霞猶眇莽出月已空濛莫惜橫烟住孤吟荅露蟲

有感

不見畫釵處驚看過月痕簾斜生鳥影屏小貼花魂  
鳳瑟埋塵冷鮫綃濕淚温石牀苔掩鬢黃雙欲棲門

水宿

冥冥堤畔路草草別時家碧影沈湖月紅心上冢花  
鐙微還下雁鐘冷不驚鴉薄醉和衣宿扁舟入樹斜

九月十四日舟由丹徒夜半與薇隱乘月登岸

行三里作

幽行已三里村落半攤扉隻鳥時依樹孤螢不上衣  
月平人影小潮定櫂聲稀沿水星星火歸驚宿鷺飛

寄薇隱次韻

春牖對芳林朝陽上綺衾戶低交葉暗徑小受花深  
金錯循離恨瑤璫鎖別心欲諳芳草路因夢寄新吟

山齋病起憶亡姊

澗響當宵定嵐光入戶深餘雲泛幽石碎露滿疎林  
竹院彈碁斷松房沸藥聞重泉埋玉客誰識正思君

答薇隱復次前韻

香霧斜橫帳衣絲重壓衾夢聽曉鳥亂愁與落花深  
易盡千行札難分一縷心相如情若固何用白頭皚

悼姊

殘夜一禽驚，銜幽夢轉明。把書尋淚色，掩幔想衣聲。  
微病花全發，深眠月暗行。蜀絃塵裏斷，已任指尖生。

寄季迷時客和州

空院題詩對碧莎，華年作別歎蹉跎。夢餘捲帳人疑  
在，書去尋愁語轉多。晚岫入雲飛斷雁，夜鏡照雨落  
殘蛾。空江無復憐才客，此夕租船憶嘯歌。

空室

蠹壁蛛絲掩綠琴，碧苔紅葉拾遺簪。露寒花帶嘵痕  
長，月小簾圍夢影深。條脫寸寬辭病臂，秋千伴遠繫  
春心。幽梅一樹還闌戶，似約幽人到綠岑。

山夕

碧簾不卷映風蘿，十日清愁獨抱痾。寒浦帶星垂似  
露，夜風吹月動如波。入樓葉趁人蹤斷，隔戶梅疑夢  
影過。莫更砧聲近空院，女顏宿草徧墳科。

蔣墅舟次和季迷下第有作

一夕霜花濕鬢青，湍聲出渚棹初停。病中龍具和衣  
泣，愁裏魚簫帶夢聽。隔浦葉多飛似鳥，入林燈小遠  
于星。從君湖海幽尋志，何日浮家去杳冥。

七夕悼姊

莫果穿鍼聽曲街，瘦林斜月闌虛齋。愁年不共生年  
短，死日方知別日佳。風燭作花搖怨影，露螢隨淚墮。

孤懷故牀，鍼盒飄零在望，有吟魂到玉階。

憶別和薇隱

閣中羈客淚盈醪，湖上征人草染袍。小樹雨寒蜂去  
靜，亂花風壓燕銜高。幾年歎逝閒清笛，百日傷離閣  
彩毫。波影連天柳迷路，幽行惟有夢魂勞。

晚立

旋整羅衣候月斜，蕭然人影出晴紗。烟中紫燕相思  
語，霜裏紅蕖獨自花。住久小樓因對嶺，斷來清夢又  
無家。曲闌幽話何時展，一笛西風萬樹遮。

二月十七日東薇隱

五日春陰不放開，封書始此整幽鬟。離愁作霧疑沉  
水，曉病如烟盡著山。淚裏鏡開花四照，夢餘簾動燕  
孤還。錦囊自續新吟滿，何日憑欄與共刪。

得薇隱從金陵寄一書

尺幅吟牋照淚眸，半窗斜日夢孤舟。愁如天遠還窺  
帳，病與雲親不下樓。濕翠雨收侵硯落，紅風颯上  
簾鈎。青山到處應相憶，除是征人醉裏游。

三月三日

綠楊樓角帶樓鴉，欹枕鐘聲正憶家。吹夢夜風先到  
樹，弄愁寒雨不妨花。蟲依香影垂簾網，蛾怯晨光墮  
帳紗。我已離愁癩春袂，徑泥何處又鳴車。

夢起



夢醒思家望翠微，幽苔染影上羅衣。寒天細竹人孤倚，斜日空檐燕對飛。碧嶺疊來鄉路斷，玉梅枯盡舊魂非。夜堂疎磬疑禪寂，冷水閒雲照合扉。

寄父

疎鐘殘雨計宵程，貧日偏傷遠別情。薄宦十年徒三黜，衰顏千里更孤征。飢猶勵學憐諸弟，弱未酬恩厭此生。一夜趨庭夢言笑，曉窗垂淚聽春鶯。

空樓哭亡姊

綠槐影裏露幽扉，寂寞樓頭落照微。此地獨來空繞樹，幾時別去更牽衣。風停虛幌神靈在，雨壞幽苔淚跡稀。誰語愁心向梁燕，故巢莫作一雙飛。

春夕

已罷讐書怨夕遙，更聞疎竹度隣簫。靈瓏鳥語驚簾押，寂寞香絲繞畫綃。一院露光團作雨，四山花影下如潮。傷離不爲何郎句，病久東陽自損腰。

秋夜不寐

獨掩幽窗臥不成，香心冷死粟肌生。五更霜月欺燈影，一樹風鴉續雁聲。短草積烟歸夢怯，長林挂葉曉魂輕。鞠闌半曲還扶病，水玉簾間看啟明。

哭姊

斷甲遺琴委故林，思君獨旦不成裝。花邊風起肩誰擁，月裏烟銷影更涼。殘墨尙明牋上淚，餘膏空落枕

前香翠屏一角樓，歌哭祇恐猿聞也斷腸。

卧病

漠漠凝塵掩鏡臺，藥烟如霧夢初回。扁魚影裏窺花盡，驚鵲林中覺月來。故里信疎拋舊翰，夜窗語冷見殘盃。長卿亦有懷鄉恨，百日青琴欲上苔。

向夜

樹影入清漢，蟬聲動小樓。凭闌弄清笛，微月在銀頭。

偶成

竹葉鳴紗，隔蟲聲雜錦校簾。簾長鐙燄小山亂，月明多痛定猶開鏡，唬多不整粧。紅苔黯空壁，飛電夜明房。

夢中作

欲嗅疑將曙，涼春似早秋。青山獨歸處，花暗一層樓。

夢中作

草長蘭弄影，鶯語蝶飄魂。一畝淒淒水，斜陽卻在門。

幽夢

幽夢隨雲細，細生闌干。經雨入流螢，夜堂獨自花迷影。碧漢風吹雁出城。

寄季述

嫩寒幃幙雨，廉纖衾上春衫。逼曙添試束晨妝，拓幽闌小紅齊見破棊尖。

回文

壁上蟲牋舊鑑香近帳紗石幽和瑟冷衣薄引衾加  
隔院過蜂雙分牕對竹花席長橫帙亂簾側挂枝斜  
客思愁來晚林空滿立鴉

和薇隱韻

嘹唳歸鴻驚社後旅館鄉心逗夢入曉雲飛綠遍天  
涯不認門前柳 露挑影裏人非舊春也應難久風  
日又清明獨對殘紅寂寞簾垂晝

右詞醉  
花陰

伯舅淵如先生配王夫人才慧早世曾刊薇閣偶存  
一卷得詩詞雜著三十八首畢秋帆尚書刊吳會英  
才集復於伯舅雨粟樓詩後附錄夫人詩名長離閣  
集較舊本增損不同蓋選時各有去取耳今年春慶  
爲伯舅蒐輯遺集自夏徂秋編成付梓將有中州之  
行外舅南麓先生更屬編次長離閣集乃以薇閣偶  
存及吳會英才集所選者互相校訂合爲一編凡詩  
詞雜著七十八首附刊冶城遺集之後袁簡齋太史  
爲夫人作墓志稱其詩哀感頑豔丁當清逸王菽山  
先生爲作小傳並摘佳句有寄父云饑猶厲學憐諸  
弟弱未酬恩厭此生詠木蘭云男兒封侯妾何有要  
取黃金自懸肘步月云隻鳥時依樹孤螢不上衣秋  
夜云五更霜月欺燈影一樹風鴉續雁聲春陰云離  
愁作霧疑沈水曉病如煙盡著山悼姊云把書尋淚  
色掩幔想衣聲春夕云一院露光團作雨四山花影  
下如湖七夕悼姊云愁年不共生年短死日方知別  
日佳舟次云隔浦葉多飛似鳥入林鐙小遠於星有  
感一律云不見畫釵處驚看過月痕簾斜生鳥影屏  
小貼花魂鳳瑟埋塵冷鮫綃濕淚温石牀苔掩鬢黃  
蝶欲棲門皆已載入集中又有感云名香一縷當簾  
出故札千函向月開入夢已迷前度草返魂惟有去  
年梅惜首尾不全集中未載姑附錄於簡末焉伯舅

號季迷一號薇隱茲編題內或稱季迷或稱薇隱皆依原本夫人喜讀漢晉書尤工小楷嘗見夫人爲伯舅手錄詩草一冊絕似永興家法因題句冊後云手寫新詩墨細研永興楷法尙依然名山各有千秋業借老何須說百年以誌景仰之誠且紀實也嘉慶戊寅秋七月從子壻龔慶謹識

亡女王采薇小傳

亡女采薇字玉瑛余第四女也其生母方娠時夢月旁星光熠熠或告曰此四女星也欲手摘之倏不見矣及生姿質清弱週時病幾危八歲許同邑孫文學星衍女旣長貌端麗性柔婉耽文史手不釋卷尤工小楷好吟咏余以詩非女子所宜遂秘之雅愛潔靜每明窗淨几讀書臨帖煮茗供花儵然物外時緇道家書志神仙余切戒之則止而夙根靈慧時有出塵之思性至孝得嫡母白孺人歡心迄於旣嫁猶依戀不舍待人接物和順恭敬余鍾愛之每有拂抑嗔怒對之輒解人以爲吾家嬌女雖大家左芬不是過也年十九贅壻星衍於家次年壻補博士弟子員壻聰穎工詩個儻不羈邑中時有毘陵才子之目然頗恃才不屑屑爲經生吾伊態或縱酒放歌女數箴勸之甲午秋聞報罷女頗抑鬱從壻之句容官舍覓姑俱稱美之而女以乍離膝下又值余三女適吳者暴亡女悲慟欲絕自顧孱弱亦恐壽命不長居常悒悒乙未九月生女阿靈得嗽疾體漸羸怯丙申七月歸寧病益劇竟于十月二十三日卒距生癸酉九月十九日得年二十有四先是八九月間余謁選都門知女病竊憂之然以其貞靜閑淑冀可不致天折自冬徂春不得家書心督亂若有所失今年二月初得惡耗

計歿時逾百日矣壻已于十一月中葬女于橫塘鄉新阡余不獲撫棺一慟情何能已聞殮時顏貌如生手足溫軟似解脫者今年春有能爲扶鸞術者凡詞稱女住切利東宮掌上界書並有寄外八絕其事甚異或有鬼物憑之耶抑宿根之說不盡荒唐耶余自庚寅歲適許之次女亡甲午三女繼之今四女又繼之七年之內連喪三女哀何如也前明吳江葉太常天寥兩女昭齊瓊章皆以才歿太常作窈聞記傳其事閱者哀之余三女似昭四女似瓊近聞凡仙事又適相類女所配既得才士而天不永其年奚忍令其湮沒無聞與流螢落葉同歸漸盡也歿後檢故笥得詩詞雜著若干首付梓伏冀大人先生矜其蹇薄錫以輓誄使幽泉弱息得言而傳則鄙人之哀亦以少釋云爾武進王光燮菽山氏和淚筆於京邸

誥贈夫人亡妻王氏事狀

夫人姓王氏名采薇父光燮乾隆元年進士宜黃縣知縣贈奉政大夫兵部主事生母黃氏弟五人姊三人妹一人一弟一妹同母生夫人少以姿質端麗尤爲父鍾愛外舅之擇壻必推年命當發科與否或以子生年月日告外舅推而善之亟介戚好言姻事時子生數齡家君遠出大母許通聘以乾隆三十六年冬十二月年十九成婚于甥館越四年隨余歸句容學舍四十一年以疾歸寧卒于十月二十三日距生乾隆十八年得年二十四凡生二女後皆殤始外舅之在令廨以文學飾吏治不延幕僚事皆辦多燕閒其教女一如教子嘗自言吾女慧或過于男故夫人姊妹俱識字能書旣婚數日夫人屬余填詞並約圍碁余皆未學頗心媿之後遂爲小詞酬夫人而卒不能對弈夫人終日持一編書在室教其幼妹時時臨帖好虞永興楷法或爲余錄詩至今有存篋中者嘗言唐五代詞率可倚聲被之簫管春餘夜靜輒取李後主簾外雨潺潺詞按蓬吹之令余審聽至流水落花人去也天上人間聞者欷歔其後寫夫人遺影爲子息無苛禮定省之暇不事鍼黹夫人好絮除几席余每陳書滿案而出比入室則夫人爲整齊之偶得

許氏說文與余約日識數十字久之予遂通小學山

齋有桐桂古柏冬寒月皎對影蕭瑟或出戶閒吟或焚香開卷論說史事俱有神識不信佛書邪鬼之語不視裨官小說既得疾終夕嗽不止又痛其姊先卒自疑以產致疾將不起爲詩詞多淒楚音有詞云歸夢到江南綠遍天涯不認門前柳又爲詩云五更霜月欺鐙影一樹風雅續雁聲余驚以爲不祥乃起對落英歎曰人常惜花早謝紅顏出世不勝衰積耶病甚急歸母氏因送之至里門遂不起臨歿遺言勿厝棺佛寺故余亟擇地鄉郡之橫塘鄉權葬焉越十二年余以翰林改官尚書比部郎例贈宜人及嘉慶元年余出官山東充沂曹濟道例贈恭人皆請馳贈先世今年以予官督糧道加三級贈夫人夫人卒時余曾爲事狀年久失其稿有袁太史爲夫人墓志已屬梁侍講同書寫刊于石頃因整理家乘復記憶遺事撰次大概以示後人云孫星衍狀

孫薇隱妻王孺人墓志銘

錢塘袁枚

孫薇隱秀才詩才傲詭能爲昌谷玉川家數子愛偉之今春二月以其亡妻王孺人事狀及詩索予銘幽子讀其樂府諸篇哀感頑豔丁當清逸故知完山之烏無異吭之鳴雲和之笙有雙瑄之奏宛其死矣士也婆娑形管旣淹元石斯耀謹按孺人姓王名采薇宜黃令光燮公女也有天紹之麗姿愠愉之修美天女九相靈芸三絕年十九歸秀才秀才故食貧者賦感昏時以帛拜代香纓孺人不槩于心能鉅其色守成湯嫁妹之誠捐夏禹脩容之粉調言筴巢味之器治乾薪饋食之邊威姑以下愉愉如也每至玉女沙涼金蟲鐙小釵橫三鎖髻安半蟬孺人焚衙溼之香展排比之卷或抽觴以啟顏或論古而交謫誦靈飛之篇目王母心驚成擊鑑之圖章南海紙貴秀才愛玩賢妻有終焉之志匪云嘉耦直是吟朋且其神識尤異儕輩嘗讀王章傳曰牛衣妻自賢柰沮仲卿上書終是恇怯女兒又對落英歎曰人當如渠蚤謝慮有憐者何俟頽侵才舍恒幹耶味其言直以形骸爲桎梏晝夜爲一致采雲留影曇花愛空宜其拂衣行矣便登女姓之邱執手奄然難挽靈妃之步病成解佛熊失嫵妍卒年二十有四秀才開華鋏之故匣見都膚之舊痕哀思夕流憤泉朝涌遂乃詣宛若請神君



執鬼中玩仙牒知孺人故是兜率宮掌書者雖跡涉  
幽渺莊士不言然浴羲女于甘淵奔純狐于月窟乃  
自古記之秀才鍾情語怪以妄塞悲當亦君子所不  
廢也以丙申年十二月葬常州府城東橫塘鄉之原  
銘曰

驚女鹿佑楚客問天緣何彼姝以此名焉宜其奄忽  
離瑜復位當景收蘭華罷翠惜惜孫楚蟹行索妃  
歌離弔夢有涕漣而榛娥臺高玻瓈魂杳定有青鸞  
集此華表